



S A R A H I K O Y A L A R

JEK
LONDON

SHIMOL HIKOYALARI

• H I K O Y A L A R •



**JEK
LONDON**





Jack London

S A R A H I K O Y A L A R


Jek London



SHIMOL
HIKOYALARI



Hikoyalar



ZIYO NASR

Toshkent
2019

UO'K: 821.111(73)-32

KBK 84 (AQSH)

L75

**Tarjimon
F. Abdullayev**

Jek London hayotda o'zi guvoh bo'lgan voqealarni mahorat bilan tasvirlaydi.
Bu hikoyalarni o'qigan kitobxon asar qahramonlari bilan birga yashaydi, ularning
dard-u quvonchiga sherik bo'ladi.

Iste'dodli yozuvchining eng yaxshi bikoyalari jamlangan ushbu to'plam siz
aziz kitobxonlar uchun munosib tuhfa bo'lishiga ishonamiz.

SHIMOL ODISSEYASI

Chanalarning g‘ijirlashi tinmas, oldingi safda borayotgan itlarga taqilgan qo‘ng‘iroqchalar jiringlardı; lekin itlar ham, odamlar ham juda charchaganlar, shu sababdan indamay borardilar. Ular uzoqdan kelishardi, yaqinda yog‘gan qordan keyin esa hali yo‘l ochilmagandi, muzlagan bug‘u go‘shti ortilgan chanalar yumshoq qordan zo‘rg‘a sudralib borar va tinimsiz orqaga tortardi. Qorong‘i tushib kelaverdi, lekin yo‘lovchilar bu kecha tunashga to‘xtamoqchi emaslar. Sokin havoda qor urib turardi, ammo u yirik emas, maydalab yog‘ib turardi, kun deyarli iliq, bor-yo‘g‘i o‘n darajagi na sovuq edi. Mayres bilan Bettlz qulogchinlarini ko‘tarib oldilar, Meylmyut Kid esa hatto qo‘lqopini ham yechib qo‘ydi.

Itlar tush paytidayoq charchab qolishgan edi, lekin hozir, nechukdir, yangidan kuchga kirib ketishdi. Itlarning eng sezgir-lari allaqanday chidamsizlik ko‘rsata boshladilar: ular toqatsizlik bilan chana qayishlarini siltab tortar, havoni hidlar, quloglarini ding qilar edilar. Ular o‘zlarining beparvo birodarlaridan xunob bo‘lar va ularning orqa oyoqlaridan tishlab, tezroq yurishga undar edilar. Bulari ham o‘z navbatida bezovta bo‘lib qolishar va xudi shu tarzda oldindagilarini qistar edi. Nihoyat, oldingi chanaga qo‘shilgan yetakchi it shodlik bilan vangillab yubordi-da, il-damroq harakat qilib, oldinga intildi. Qolganlari uning orqasidan ergashdilar. Qayishlar tarang tortildi, chanalar tezroq yurib ketdi. Odamlar esa chana yog‘ochlariga yopishib, orqadan tez kelayotgan chanalar ostida qolmaslik uchun qadamlarini tezlatdilar. Kunduzgi charchoqdan asar ham qolmadi. Odamlar hayhaylashib itlarga dalda berardilar, itlar esa bunga quvonchli vovullash bilan javob qaytarib, quyuqlashib borayotgan qorong‘ilikda jon

kuydirib yugurardilar. Chanalar izdan chiqib, xuddi shamol ku-chi bilan bir tomonga og'ib ketayotgan kema singari qiyshayib, ag'darilay deganda odamlar:

– Hay-hay! – deb baravariga hayhaylashardilar.

Mana, yog'li qog'oz yopishtirilgan derazasidan yorug' tushib turgan issiq uy, o't yonib turgan o'choq hamda qaynab turgan choy yaqinligidan darak berayotgan uya yetishlariga bor-yo'g'i yuz yardcha qoldi. Lekin uy band ekan. Elliktacha eskimos itlari vovullashib, oldingi chanalarga qo'shilgan itlarga tashlandilar. Eshik katta ochilib, uydan shimoli-g'arb polismenlari kiyadigan qizil mundirli bir kishi chiqdi. U tizzadan qorga botib, jig'ibiyroni chiqqan itlar orasiga kirdi-da, sovuqqonlik bilan qamchi dastasini ishga solib, darrov tartib o'rmatdi. Keyin erkaklar qo'l berib ko'rishdilar, shunday bo'lib chiqdiki, Meylmyut Kidni o'z uyida begona bir odam mehmondek kutib oldi.

Uni qarshi olishi, uyni isitib, choy qaynatib qo'yishi kerak bo'lgan Stenli Prins mehmonlar bilan band edi, ular o'n-o'n ikki kishi bo'lib, har xil odamlar – ammo hammalari ham qirolicha xizmatidagi kishilar edi: ba'zilari qirolicha qonunlarini himoya qiluvchilar bo'lib, ba'zilari esa pochtalyon va kuryer vazifalarini ado etuvchilar sifatida xizmat qilardilar. Ular har xil millat-dan edilar, lekin kechirgan turmush sharoitlari ularni ma'lum bir turdag'i odamlar guruhiba – ozg'in, chidamli, chayir, yuzlari quyoshda qoraygan, qarashlari muloyim, tabiatlari yumshoq kishilarga aylantirib yuborgan edi. Bu odamlar qirolichaming itlari qo'shilgan chanalarda yurardilar, qirolichaning dushmanlari yuragiga qo'rqinch solardilar va qirolicha in'om etgan ozgina xayr-saxovat bilan tirikchilik qilardilar-u, o'z turmushlaridan zorlanmasdilar.

Ular ko'pni ko'rgan, qahramonliklar ko'rsatgan, hayotlari har xil ajoyib sarguzashtlarga to'la edi-yu, lekin buni o'zlarini sezmasdilar. Ular bu yerda o'zlarini o'z uyidagidek erkin tutardilar. Ulardan ikkitasi Meylmyut Kidning karavotiga cho'zilib olib, bu yerga eng oldin kelgan va hindu qizlariga uylangan fransuz ota-bobolari aytib yurgan ashulalardan aytmoqda edilar.

Bettlarning karavotiga ham uchtami-to'rtta *Voyageurs*¹ chiqib olibdi, ular oyoqlarini ko'rpa ostiga olib, Xartum qamali vaqtida Vulzli qo'mondonligi ostida xizmat qilgan bir o'rtoqlarining hikoyasini tinglamoqda edilar.

Us o'sini tugatgandan keyin kovboylardan biri Buffalo Bill bilan birga Yevropa poytaxtlariga sayohat qilgan vaqtlarida ko'rgan saroy hayoti, qirollar va qasrlar, lordlar va xonimlar haqida hikoya qilib ketdi. Uyning burchagida ikki metis jabduqlarni yamar ekanlar, o'zaro shimoli-g'arbni qo'zgolon alangasi qoplagan va Lui Riel qirol bo'lgan zamonlarni eslab, gurunglashib o'tirardilar.

Tez-tez dag'al hazil-huzil gaplar va askiyanamo ochiriqlar eshitilib turar; quruqlik va dengizda yuz bergan ajoyib sarguzashtlarni kunda bo'lib turadigan oddiy narsalardek hikoya qillardilar, o'shanda ham biror o'tkir so'z yoki kulgili hodisani eslash uchungina so'zlab berardilar. Ajoyib hodisalarning jonli shohidi bo'lgan, lekin buyuk va romantik voqealarga hayotning oddiy hodisasi deb qaraydigan bu dong'i chiqmagan qahramonlarga Prins juda qiziqib qolgan edi. Haddan tashqari xotamtoyligi tutib ketgan Prins o'zining juda o'ichoqli tamakisini ayamadi, uning bu saxiyligi evaziga xotiraning zanglagan chigal zanjirlari yechilib, allaqachon yoddan ko'tarilib ketgan odisseyalarga jon kira boshladi.

Hamma gaplar tamom bo'lib, yo'lovchilar so'nggi marta trubkalariga tamaki to'ldirib, yung qoplarini yoza boshlaganlarda, Prins izoh so'rab, o'z do'stiga murojaat qildi:

— Kovboyning qanday odam bo'lishini o'zing ham bilasan, — deb javob berdi Meylmyut Kid, mokasinini yecha turib, — karavotda birga yotgan o'rtog'ining tomirlarida esa inglez qom oqa-yotgani sezilib turibdi.

Qolganlariga kelsak, ularning hammasi *couzeuzsdu bois*²-ning avlodlari, ularning qoni, Xudo bilsin, yana qanday qon bilan qo'shilib ketgan ekan. Eshik oldida turgan anavi ikki-

¹ *Voyageurs* – kasbi yo'lboslovchilik bo'lgan kishilar, bular kanadalik fransuzlardan bo'lardi.

² *Couzeuzsdu bois* – trapperlar, ovchilar.

tasi haqiqiy *bois bzules*¹ Bo'yniga sharf o'ragan anavi yigitning onasi turgan, tutun bosgan vigvamida qachonlardir shotlandiyalik yigit mehmon bo'lgani ko'rinish turibdi, uning qoshlari bilan pastki jag'iga e'tibor qil. Shinelini boshiga yostiq qilib olayotgan mana bu chiroyli yigit fransuz metisi. Gapirganda talaffuziga e'tibor berdingmi? Yonida yotgan anavi hindularni uncha nazariga ilmay qaraydi. Men senga aytsam, metislar Riel boshchillgida qo'zg'olon ko'targanlarida, asl hindular ularga ko'mak bermadilar. O'shandan beri bular bir-birlarini yoqtirmaydilar.

– Xo'sh, pechka oldidagi anavi qovog'i soliq kim? U ingliz tilini bilmaydi, shekilli, shu vaqtgacha hatto og'zini ham ochgani yo'q.

– Yanglishding. U ingliz tilini juda yaxshi biladi. Gapga qu-loq solganida ko'zlariga qaradimgmi? Men qarab turdim. Lekin mana bu o'tirganlarning hammasiga ham yot bo'lsa kerak. Gap shevalarda bo'lganda, u tushunmagam bilindi. Uning kimligini o'zim ham bilolmay turibman. Kel, bilishga harakat qilib ko'ramiz... Pechkaga ikkita o'tm tashlab qo'ysang-chi, – dedi u, baland ovoz bilan notanish yigitning ko'ziga tikilib turib.

Yigit darhol buyruqni bajo etishga kirishdi.

– Uni qayerdadir intizomga o'rgatib qo'yganlar, – deb qo'ydi Prins ohista.

Meylmyut Kid buni tasdiqlab bosh irg'adi, keyin paypog'ini yechdi-da, yerda yotgan odamlar orasidan o'tib, pechkaga qarab yurdi. U pechka atrofiga yoyib qo'yilgan o'nlab paypoqlar qatoriga o'zimkini ham yoyib qo'ydi.

– Dousonga qachon yetib bormoqchisiz? – deb tavakkaliga so'radi u yigitdan.

Notanish yigit boshida unga diqqat bilan tikilib qaradi-da, keyin javob berdi:

– Aytishlariga qaraganda, hali yetmish mil yo'l bor emish. Shundaymi? Yana ikki kundan keyin borsak kerak.

¹ *Bois bzules* – aynan tarjimasi kuygan daraxt (*fran.*). Kanadada eng oldin ko'chib kelgan fransuzlarni shunday deb atardilar, ular, ayniqsa, Kanada, Angliyaga o'tgandan keyin o'rmonlarda ovchitik qilardilar.

U sezilar-sezilmas aksent bilan, lekin qiynalmay, so'z axtarib o'tirmay gapirardi.

– Siz bu tomonlarga ilgari kelganmidimgiz?

– Yo'q.

– Shimoli-g'arb tomondanmisiz?

– Ha.

– O'sha yerlikmisiz?

– Yo'q.

– Unday bo'lsa, qayerda tug'ilgansiz, axir? Bulardan emas-lilingiz ko'rniib turibdi, – deb Kid qo'li bilan it haydovchilarni va Prinsning ko'rpasiga kirib yotgan ikkita polismenni ko'rsatdi. – Qayoqdan kelgansiz? Ilgari sizga o'xshagan odamni ko'r-ganman, lekin qayerda ko'rganim esimda yo'q.

– Men sizni taniyman, – deb qoldi birdan notanish yigit, pardar-pay berilayotgan savollarni kesib.

– Qayoqdan tamysiz? Ilgari uchratganmidimgiz meni?

– Yo'q. Lekin Pastilikada bir ruhoniy siz to'g'ringizda gapirib bergen edi. Bunga ko'p vaqtlar bo'ldi. U mendan, Melmyut Kidni taniysanmi, deb so'rangan edi. U menga oziq-ovqat berdi. Men u yerda ko'p turmadim. **U** sizga men to'g'rimda gapirib bergandir?

– Ha, bunday deng. Suvsar terisini itga ayrboshiab yurgan odam sizmidimgiz?

Notanish yigit tasdiq ishorasini qildi va trubkasini qoqib tozaladi-da, gap tamom, degan ma'noda o'zining jun adyoliga o'ralib yotib oldi. Meylmyut Kid chiroqmi o'chirib, Prins bilan birga adyolga kirib yotdi.

– Qani, kim ekan u?

– Bilmayman. Gapimni shartta kesdi-da, xuddi toshbaqa singari boshini yashirib oldi. Ammo bu g'alati yigit. Men bu yigit haqida uncha-muncha eshitganman. Bundan sakkiz yil ilgari u sohilda yashovchilarning hammasimi hayron qoldirdi. Qiziq bir jumboqqa o'xshaydi, Xudo haqi. Qahraton qish paytida u Shimol tomondan keldi va xuddi orqasidan yov quvayotganday nimagadir shoshilardi. Bu Bering dengizi qirg'oqlarida, bu yerdan ming millab uzoqda edi. Uning qayoqdan kelganini hech kim bilmasdi,

har holda, juda uzoqdan kelgan bo'lsa kerak. Golovin buxtasida u shved missioneridan oziq-ovqat olgan, shunda uning ko'rini-shi juda ayanchil, o'zi g'oyat holdan toygan ekan. U janubga boradigan yo'lni so'ragan, buni biz keyin bildik. Buxtadan u to'ppa-to'g'ri Norton bo'g'ozi orqali ketgan. Ob-havo juda yomon edi, qor bo'ronlari, kuchli shamollar bo'lib turardi, u esa bunga parvo ham qilmadi. Bunday xavfli safarda bo'lganlarning mingdan biri sog' qaytadi. Salomat qaytgan ana shu bo'lgan. U Sent Maykl portiga borolmagan, balki, Pastilika yonidagi qirg'oqqa yetib olgan.

– Shu yerga yetib kelganda ixtiyorida ikkitagina it qolgan, o'zi esa ochlikdan o'layozgan ekan.

U yo'lga chiqishga oshiqib turgan ekan, Rubo ota oziq-ovqat beribdi, lekin ota ketishiga it bermabdi, chunki o'zi yo'lga tu-shishga hozirlanib, mening kelishimni kutib turgan ekan. Bu odam shimolda itsiz sayohat qilish qanday qiyinligini yaxshi bilganidan beri necha kungacha yo'lga chiqolmay juda tashvish tortgan. Uning chanasida yaxshi iylangan dengiz suvsarlari terisi uyulib yotgan ekan, bunday suvsar terisi, bilsang, oltin bahosida yuradi. Xuddi o'sha vaqtarda Pastilikada rus savdogari qiyofasi-dagi bir keksa Sheylok yashardi, unda itdan ko'pi yo'q edi. Ular ko'p savdolashib o'tirmay, ishni bitiribdilar-u, anavi tentak yana janubga qarab jo'nab ketibdi. Uning chanasini o'ntacha juda yaxshi it tortib ketibdi, mister Sheylok esa suvsar terilariga xo'jayin bo'lib qolibdi. O'sha terilarni o'zim ko'rganman – juda asl ekan. Hisoblab ko'rsak, har bitta teridan Sheylok besh yuz dollar foya-qilibdi. Mister Uliss terining bahosini bilmaydi, deb o'ylamay ham qo'ya qol, uning o'zi hindu bo'lsa ham, gapidan oqlar orasi-da yashagani bilinib turibdi.

Dengiz muzdan tozalangandan keyin bilsak, u Nunivak orolida ekan, unda oziq-ovqat g'amlayotgan ekan. Keyin zim-ziyo bo'lib ketdi. Sakkiz yilgacha undan dom-darak bo'lmadi. **U** qayodan keldiykin, bu tomonlarga yana nima uchun keldiykin? **U** – hindu; hozir qayerlardan kelayotgani noma'lum, lekin u intizomli odam ekani sezilib turadi, bu esa hinduga juda ham

xos bo'limgan bir xislat. Mana, Shilmolning yana bir jumbog'i, qani, Prins, yechib ko'r-chi uni.

– Ko'p rahmat! O'zimni ham boshimdan oshib yotibdi! – deb javob berdi Prins.

Meylmyut Kid xurrak ota boshladi, lekin yosh tog' muhandisi ko'z yummay quyuq qorong'ilikka qarab yotar va o'zini bosgan hayajonning bosalishini kutardi. Keyin u uyquga ketdi, lekin miyasi ishlashda davom etdi: xayolida allaqanday poyonsiz qorli o'lkalarda adashib yurdi, uzoq safarlar vaqtida itlar bilan g'oyat og'ir yo'llarni bosib, qor dovonlarni oshdi, tushida haqiqiy odamlarga xos hayot bilan yashayotgan, mehnat qilayotgan va dunyodan o'tayotgan kishilarni ko'rib chiqdi.

Ertasi sahar paytida kuryerlar va polismenlar Dousonga jo-nadilar. Qirolicha janobi oliylarining manfaatlarini himoya va kichkina odamlarning taqdirini hal qiluvchi hukumat amaldorlari kuryerlarga dam oldirib qo'ymadilar. Bir haftadan keyin ular og'ir pochta yuklari ortgan holda yana Styuart daryosi sohillarida paydo bo'lib qoldilar. Bu yuklarni ular Sho'rsuvga yetkazishlari kerak edi. To'g'ri, itlar yangilangan, lekin odamlar o'sha-ku.

Odamlar ozgina bo'lsa ham dam olishni orzu qilardilar. Bundan tashqari, Klondayk Shimoldagi yangi markaz edi, odamlar oltin suvdek oqadigan va tansa zallarida to'xtovsiz o'yin-kulgi bo'ladigan Oltin Shaharda biroz yashamoqni orzu qilar edilar. Lekin ular hozir ham birinchi kelganlaridagidek, paypoqlarini quritib, maza qilib trubka chekib o'tirdilar. Bir nechta dovyuraklar bu yerdan qochib, sharq tomondag'i hali tekshirilmagan qo'yali tog'lardan kesib o'tishni, u yerdan Makkenzi vodiysi orqali o'z vatanlariga – Chippeva hindulari o'lkasiga yetib olishni orzu qilardilar. Ikki-uch kishi xizmat muddati tugagandan keyin xuddi ana shu yo'l bilan uyga qaytishga qaror qildilar. Shaharlik dam olish kuni o'rmon sayriga chiqishga qanday sevinsa, ular ham mana bu xatarli safarni o'shanda zavq bilan o'ylardilar.

Suvsar terilarining sobiq egasi negadir bezovtadek ko'rinar va gapga aralashmasdi. Keyin u Meylmyut Kidni bir chekkaga chaqirib olib, u bilan anchagacha gaplashdi. Prins ularni qiziqib

kuzatib turdi. Ular qulochchin va qo'lqoplarini kiyib tashqariga chiqqanlarida, jumboq yana ham chalkashgandek tuyuldi. Meylmyut Kid qaytib kirib, oltin o'lhash uchun o'rtaga tarozi qo'ydi. Oltmisht unsiya oltinni o'lhab, notanish yigitning xaltasiga soldi. Undan keyin it haydovchilarning boshlig'i ham kengashga chaqirildi. U bilan ham shu xilda bitim tuzildi. Kelasi kun odamlarning hammasi daryo bo'ylab yuqoriga jo'nadi, suvsar terilarining sobiq egasi esa biroz oziq-ovqat olib, Douson to-monga qaytib ketdi.

— Hech narsaga tushunolmay qoldim, — deb javob berdi Meylmyut Kid Prinsning savoliga. — Bechora xizmatdan bo'shashga qat'iy qaror qilibdi. Xizmatdan bo'shash unga juda ham zarur bo'lsa kerak, lekin sababini aytmadidi. Bilasanmi, bu ham harbiy xizmatga o'xshagan bir ish-da; u ikki yil ishslash majburiyatini olgan. Muddatidan ilgari bo'shamoqchi bo'lgan kishi pul to'lashi kerak. Bordi-yu qochib ketsa, bu yerlarda qolishi mumkin emas. Lekin mana shu o'lkada qolish nima uchundir unga juda zarur ko'rindi. Dousondayoq shunga ahd qilib-di-yu, lekin cho'ntagida bir tiyin ham puli yo'q ekan, u yerda uni hech kim tanimas ekan. **U** bilan bir-ikki og'iz gaplashgan birdan bir odam men ekanman. Shunday qilib, u boshliqlar bilan gaplashgan, ijozat olgan, agar u mendan qarzga pul ololsa, xizmatdan bo'shashi mumkin ekan. Bir yil ichida qarzini uzishga va'da qildi — agar istasam, u juda ko'p boylik saqlangan joyni ko'rsatmoqchi bo'ldi. **U** boylikni o'zi ko'rmagan, lekin shunday joy borligiga qat'iy ishonar ekan.

Tashqariga chiqqanimizda, u yig'lamoqdan beri bo'lib gapirdi. Iltimos qildi, yalindi, oyog'imga yiqilib qor ustida yumaladi. Men uni turg'azib qo'ydim. Xuddi jinniga o'xshab allanimalar deb aljiraydi. Mana shu maqsadimga yetmoq uchun yillar bo'yi ishladim, endi shu fursatni qo'ldan bersam, o'kinch va g'amdan ado bo'laman, deb qasamlar ichdi. Qanday maqsading bor, deb so'tradim, lekin javob bermadi. Faqat: „Meni o'lkaning boshqa hir tomoniga jo'natib yuborsalar, Dousonga ikki yilsiz qaytib kelolmayman, ikki yildan keyin fursat qo'ldan ketadi,

men shundan qo'rqaman“, deb arz qildi. Odamning bunday haya jonga tushganini umrimda ko'rgan emasman. Qarz berishga rozi ekanimni aytganimda, yangidan oyog'im ostiga yiqildi, uni yana qor ichidan tortib olishga, o'midan turg'azishga to'g'ri keldi. „Meni ham o'zingga sherik deb qo'ya qol“, dedim, qayqdada deysiz, hech unamadi. Topganimning hammasini sizga beraman, sizni boy qtlaman, deb qasamlar ichdi. Odatda, biror odamni o'z ishiga sherik qilgan kishi taqsim vaqtida topgan narsaning hatto yarmisini berishga ham juda og'irlik bilan ko'nadi. Bunda bir gap bor, Prins, meni aytди dersan. Agar u shu o'lkada qolsa, undan yana biror xabar eshitib qolarmiz.

– Qaytib kelmasa-chi?

– Unda oliyjanobligimga putur yetdi, oltmish unsiyam esa yig'lab ketdi, deyaver.

Yana sovuq kunlar keldi, uzoq qish tunlari boshlandi. Quyosh janub tomonda, qorli ufq chegaralarida o'zining odatdagи bekin-machoq o'yinini boshladi. Meyhnyut Kiddan qarzdor bo'lган yigitdan dom-darak yo'q edi. Kunlardan bir kun, yanvar oyida, ertalab og'ir yuklar ortilgan chanalar Stuart daryosi bo'yidagi Kidning uyi oldiga kelib to'xtadi. Oldingi chanada suvsar terilarning sobiq xo'jayini bilan birga bir odam kelardi – bunday odamlar ko'pdan beri dunyoga kelmay qo'ygan. Omad, botirlik, ertaklardagidek behisob oltin xazinalari to'g'risida gap ochilganda, odamlar hamma vaqt Aksel Gundersonni tilga olardilar. Shuningdek, qahramonlik, kuch-quvvat va botirlik haqida gap-so'z yurganda ham uning nomi, albatta, eslanardi. Suhbat vaqtida gap qovushmay qolsa, uning taqdiriga sherik bo'lган xotin to'g'risida gap ochilsa, gurung yana qizib ketaverardi.

Aksel Gundersonning bo'yi rosa yetti fut, ko'kragi, bo'yni, qo'l va oyoqlari xuddi devlarnikidek edi. Chang'isi odatdagи chang'ilardan bahuzur bir yard uzunlik qilardi, bo'lmasa oddiy chang'i chiroylı kiyimlar kiyib yuradigan bu Eldorado azamati va qirolining uch yuz qadoqli gavdasini ko'tarolmas edi ham. Uning beo'xshov yuzi, do'ng peshonasi, katta iyagi, doim kiprik qoqmay tik boqadigan ko'm-ko'k ko'zları bu odam birgina qonun –

zo'ravonlikdan boshqa qonunni tan olmasligidan darak berardi. Qirov bosib qotib qolgan, pishgan boshoqdek sap-sariq sochlari xuddi tundagi shula kabi yarqirab, ayiq terisidan tikilgan kamzuhining yoqasidan chiqib turadi. Aksel Gunderson itlarning oldiga tushib, tor so'qmoq yo'ldan kelarkan, allanarsasi qadimgi dengizchilarni eslatardi; u kelib Meylmyut Kidning eshigini qamchi dastasi bilan eski qasr darvozasini sira tortinmay qoqib o'rgangan qadimgi normand vikinglari kabi qattiq-qattiq qoqdi.

Prins yenglarini shimarib, xotinlarmikidek nozik qo'llari bilan xamir qilar va ahyon-ahyonda uchala mehmonga qarab qo'yardi. Uchalasi uch xil bo'lgan bu xildagi mehmonni bir uyda doim ham uchratib bo'lmaydi. Meylmyut Kid Uliss deb atagan tentakka yosh muhandis hali ham qiziqib qarardi, lekm Aksel Gunderson bilan uning xotiniga bundan ham ko'proq qiziqib qolgan edi. Hozirgi safar bu xotinni charchatib qo'ygandi, chunki uning eri muz sahrolaridagi boylikni qo'lga kiritganidan beri u osoyishtalik bilan o'troq hayot kechira boshlagan, bunday hayot esa uni nozik qilib qo'ygandi. Endi u erining keng ko'kragiga bosh qo'yib, xuddi devorga chirmashgan nozik guldek dam olar va Meylmyut Kidning hazilomuz savollariga erimbginga javob berardi. Xotinming qop-qora chuqur ko'zları Prinsga tushganda, yigitni hayajon bosardi, chunki Prins yigit kishi, shu bilan birga sog'lom, baquvvat va so'nggi oylarda bironta ham xotin ko'rmagan yigit edi. Xotinning yoshi undan kattaroq, buning ustiga u hindu ayoli edi, ammo Prins shu vaqtgacha uchratgan yerli xotin-qizlarga hech ham o'xshamasdi. U ko'p sayohat qilgan, hatto Prinsning vataniga ham borgan – bu suhbat vaqtida aniqlandi – u oq tanli ayollar bilgan va bilmagan narsalarni bilar edi. U dudlangan baliqdan ovqat pishirishni va qor ustiga joy solishni bilardi. Hozir esa u erkaklar allaqachon eslaridan chiqarib yuborgan ajoyib ovqatlar, turli-tuman noz-ne'matlar haqida bat afsil so'zlab, suhbatdoshlarining og'izlaridan suvini oqizar edi. Bu xotin bug'u, ayiq va kichkina havorang tulki, umuman, shimoliy dengizlarda bo'ladigan jonivorlarning qiliq va odatlarim bilardi, o'rmon va daryolarning siridan xabardor,

yumshoq qor ustida odam, qush yoki hayvon qoldirgan izlarga qarab, bo‘lgan ishlarni kitob o‘qigandek qiyalmay aytib bera olardi. Lekin hozir bu uyda turadigan odamlar uchun devorga osib qo‘yilgan qoidaga ko‘zi tushganda, uning ko‘zlarini ayyorlik bilan chaqnab ketganini Prins ko‘rib qoldi. Bu kun tartib qoidalari o‘zi yosh, qoni hali qaynoq vaqtarda Bettlz tuzgan bo‘lib, bu qoidalar biroz dag‘alroq uslubda, ammo juda sodda tilda yo-zilgandi. Bu uyga xotinlar kelganda, Prins, odatda, qoidani ters aylantirib qo‘yardi. Lekin bu hindu xotinning savodi bor, deb kim o‘ylabdi deysiz... Ey, endi bo‘lar ish bo‘ldi.

Aksel Gundersonning xotini shu ekan-da. Bu xotin haqidagi dovruq erining shuhrati bilan birlikda butun Shimolga tarqalgandi. Dasturxonga o‘tirishar ekan, Meylmyut Kid eski do‘sifatida unga tegajog‘lik qilardi, o‘zimi biroz qo‘lga olib Prins ham Kidga qo‘sildi. Lekin u xotin bu tengsiz tortishuvda o‘zini ustalik bilan himoya qilar, so‘zga no‘noq eri esa faqat bosh irg‘itib iljayardi. Uning o‘z xotini bilan faxrlanishi ko‘rinib turardi. Uning har bir qarashi, har bir harakati bu xotin erining hayotida naqadar katta o‘rin tutganligidan guvohlik berib turardi. Suvsar terisining sobiq xo‘jayimi qizg‘im suhabatga aralashmay, xuddi hech kimning esiga ham kelmagan bir holda bir burchakda o‘trib, indamay ovqat yerdii; u boshqalar ovqatlanib bo‘lishidan ancha ilgari o‘midan turib, itlar oldiga, tashqariga chiqib ketdi. Boshqalar ham ko‘p o‘tmay dasturxonadan turib, qo‘lqop va quloqchinlarini kiyib uning ketidan tashqariga chiqdilar.

Bir necha kundan beri qor yog‘magan edi, shuning uchun ham chanalar tekis so‘qmoqdan, muz ustidan yurgandek sirg‘anib bordilar. Uliss oldingi chanani haydab borardi, ikkinchisida esa Prins bilan Aksel Gundersonning xotini, Meylmyut Kid bilan oltin sochli dev esa uchinchi chanada borardilar.

— Biz tavakkaliga ketyapmiz, Kid, — dedi Aksel Gunderson, — lekin men to‘g‘ri boryapmiz, deb o‘layman. O‘zi o‘sha tomonlarga hech bormagan ekan-u, lekin ko‘pgina qiziq narsalarni hikoya qilib berdi. U menga bir xarita ko‘rsatdi. Bu xarita haqida men bundan bir necha yil ilgari Kutneyga borganimda ba’zi narsalar

eshitgan edim. Seni o'zim bilan olib ketishni juda istardim, lekin u juda g'alati odam. Agar birov bizga qo'shilgudek bo'lса, hamma ishni tashlayman-ketaman, deb qasam ichdi. Qaytib kelay, senga o'z joyim oldidan eng yaxshi uchastkani ajratib beraman. Bundan tashqari, shahar qurila boshlaganda, seni o'z payimga sherik qilaman... Yo'q! Yo'q! – deb qichqirib berdi Aksel Gunderson, Meylmyut Kid uning so'zini bo'lmoqchi bo'lganda. – Bu mening ishim. Bamaslahat ish qilgan yaxshi. Agar ish o'ngidan kelib qolsa, bu ikkinchi Krippl bo'ladi. Hoy, menga qara, ikkinchi Krippl deyapman-a! U yer qum emas, toza, yaxlit oltin toshiar koni-ya. Agar biz ishga astoydil kirishsak, hammasi bizmki bo'ladi – million-millionlarga ega bo'lamiz. O'sha yer haqida ilgari ham eshitgan edim, sen ham eshitgansan. Biz shahar bino qilamiz... Ishchilar, ajoyib suv yo'llari, paroxodlar qatnovi, savdo-sotiq... Daryoning yuqori oqimi bilan aloqa... Balki, temiryo'l qurish ham mumkin bo'lar. Taxta tilish zavodlari, elektrostansiya quramiz... O'z bankimizni ochamiz, aksionerlik jamiyatni, sindikatimiz bo'ladi... Faqt jim! Men qaytib kelguncha, dampingni chiqarma!

Yukon bo'ylab ketgan so'qmoq Styuart daryosini kesib o'tadigan joyda chanalar to'xtadi. Muz dengizi ko'z ilg'amas uzoqlarga – sharqqa tomon cho'zilib ketgan. Chanalarga bog'lab qo'yilgan chang'ilalar olindi. Aksel Gunderson xayrashdi-da, birinchi bo'lib yo'lga tushdi. Uning kattakon chang'ilar qor va itlarga yo'l ochib berardi. Uning xotini eng orqadagi chana ketidan qolmay qo'pol chang'ilarda ustalik bilan sirpanib borardi. Xayr-xo'sh qilib sokinlikni buzzilar, itlar vangillab yubordilar, suvsar terilarining egasi tixirlik qilayotgan yetakchi itni qamchi bilan yo'lga soldi.

Bir soatdan keyin chanalar uzoqdan, xuddi katta oq qog'oz us-tidan asta surilib borayotgan qora qalamga o'xshab ko'rinar edi.

II

Bir necha haftadan keyin, kechki payt Meylmyut Kid bilan Prins shaxmat masalasini yechib o'tirar edilar. Bu masalani allaqanday eski bir jurnalning yirtib olingan varag'idan topib oldilar. Kid Bonanzedagi o'z uchastkasidan endigina qaytib kelib, dam olar va

bug'u oviga chiqish uchun hozirlik ko'rardi. Prins ham deyarli qishi bilan sanqib yurdi, endi bo'lsa uyda rohatlanib yotardi.

– Qora asp bilan to'sib, shohga kisht ber... Yo'q, bu yaramaydi. Keyingi yurishni bir o'ylab ko'r...

– Piyodani nega ikki xonaga surasan? Uni ko'zidan o'tgani uchun urib olish mumkin, fil esa o'ynamay turibdi.

– Yo'q, to'xta! Mana bu yer himoyasiz qoladi...

– Yo'q, himoya qilingan. Qani, u yog'ini ko'raver-chi! Nima bo'lishini ko'rasan.

Masala juda qiziq edi. Kimdir eshikni ikkinchi marta qoqdi. Meylmyut Kid faqat shundan keyingina: „Kiring“, dedi. Eshik lang ochilib, allakim gandiraklab ichkari kirib keldi. Prins unga bir qaradi-yu, o'midan irg'ib turdi. Uning ko'zlarida aks etgan dahshat Meylmyut Kidni o'girilib qarashga majbur qildi. U o'z hayotida juda ko'p dahshatli narsalarni ko'rgan, lekin hozir u ham qo'rqib ketdi. G'alati bir maxluq paypaslanib ular tomon kela boshladi. Prins revolveri osig'liq turgan devordagi mixni paypaslab, orqasiga tislana bordi.

– Xudo-yo tavba, bu nima o'zi? – deb shivirladi u.

– Bilmadim, sovuq урган va och qolgan odamga o'xshaydi. – deb javob berdi Kid qarshi tomonga chekinayotib. – Ehti-yot bo'l! Esdan og'ib qolgan bo'lishi ham ehtimol, – deb Prinsni ogohlantirdi-da, shartta eshikni yopib oldi.

Haligi maxluq stolga yaqinlashdi. Lampaning yorug'i uning ko'ziga tushdi, bundan zavqlanib bo'lsa kerak, u qiqirlab kulib yubordi. Keyin odam – chunki u har holda odam – birdan orqasiga tashlandi, o'zining charm ishtonini ko'taribroq qo'ydi-da, dengiz to'lqinlariga jo'r bo'lib, ekipaj komandasini aytadigan bir ashulani boshlab yubordi:

Daryo ichra pastga qarab suzar kemamiz,

Hech bo'shashmang, azamatlar, hech ham bo'sh kelmang!

Bilasizmi, kapitanning oti nimadir?

Hech bo'shashmang, azamatlar, hech ham bo'sh kelmang!

Kentukkilik, uning oti Jonatan Jonsdir.

Hech bo'shashmang, azamatlar...

Qo'shiq tugamay turib, birdan ovozi kesildi. Haligi odam yirtqichlarcha bo'kirib, ovqat turgan tokchaga o'zini tashladi. Uni ushlab qolgunlaricha, bir parcha xom yog'ni og'ziga tiqdi. **U** Meylmyut Kid bilan olishlib ketdi, lekin tez holdan toydi va zaiflanib, o'ljasini qo'yib yubordi. Ikki do'st uni kursiga o'tqazdilar. **U** ko'kragini stulga tirab yotib oldi. Bir necha tomchi viski uni o'ziga keltirdi. **U** Meylmyut Kid surib qo'yan qanddonga qoshiq suqdi. Shirinlik yeb, biroz nafsi bosilgandan keyin, Prins cho'chib seskanib, uning oldiga bir kosa sho'rva qo'ydi.

U maxluqning ko'zlarida telbalik o'ti chaqnadi; u qoshiqni har og'ziga olib borganida, o'sha o't goh yonar, goh o'chardi. To'g'risini aytganda, uning ko'zları kirtaygan, yonoqlari kirib ketgan yuzida insonni eslatuvchi biror narsa qolmagandi. Yuzlari sovuq urib yara-chaqa bo'lib ketgan, bu yaralar ostidan eski tirtiqlari bilinib turardi. Qotib ketgan terisi tars-tars yorilib, qoni chiqib yotibdi. Ustidagi mo'yna kiyimi iflos va dabdala bo'lib ketgan, bir tomondagi yungi mutlaq kuyib bitgan. Bu uning gulxanga juda yaqin yotganidan bo'lsa kerak.

Meylmyut Kid uning kamzulidan yo'l-yo'l qilib kesib olin-gan joyni ko'rsatdi – bu mudhish ochlik belgisi.

– Kim bo'lasiz? – deb sekin va dona-dona qilib so'radi Kid.

Odam uning gapini eshitmagandek edi.

– Qayerdan keldingiz?

Notanish kishi bunga javoban titroq ovoz bilan ashula aytib yubordi:

Daryo ichra pastga qarab suzar kemamiz.

– Suzsa suzaversin-e? Sadqayi sar! – deb Meylmyut Kid, tuzukroq javob berarmikin, degan umidda uning yelkasidan ushlab silkitdi.

Lekin odam, og'riqdan bo'lsa kerak, chinqirib yubordi va yon-boshini ushlab qoldi, keyin stolga suyanib, ohista o'rnidan turdi.

– **U** kulardi... Ko'zlarida nafrat o'ti chaqnab turardi... **U**... men bilan birga ketmadi.

U jum qoldi va gandiraklab ketdi. Meylmyut Kid uning qo'-lidan ushlab qichqirdi:

- Kim? Kim ketmadi?
- Unga-da... Unga. Unga kulib yubordi-yu, meni tushirib qoldi, mana bunday qilib, keyin...
- Ha, keyin nima bo'ldi?
- Undan keyin...
- Keyin nima bo'ldi, axir?
- Keyin uzoq vaqtgacha qor ustida yotdi. Hozir ham o'sha yerda yotibdi.

Ikki do'st sarosimaga tushib, bir-biriga qarashdi.

- Kim qorda yotibdi?
- U-da, Unga. U menga qarab yotdi, qarashida nafrat bor edi, undan keyin...

- Xo'sh, xo'sh?
- Undan keyin... Unga pichoqni olib, mana bunday qilib birikki tortib yubordi, ammo u holdan toygan edi. Men juda sekin yurdim, o'sha yerda oltin juda ko'p, oltin juda ko'p...

- Unga qayerda qoldi?
- Ehtimol, o'sha bechora Unga shu yaqin orada, bor-yo'g'i bিr-r millik masofada o'layotgandir. Meylmyut Kid bechoraning yelkasidan ushlab silkitar va:

- Unga qayerda? Unga kim o'zi? – deb takrorlar edi.
- U o'sha yerda... Qor ustida.
- Gapisang-chi axir! – deb Kid uning qo'lini qattiq qisdi.
- Men ham... qolardim... qor ustida... lekin qarzimni to'lashim kerak edi... qarzimni... to'lashim kerak... oltinni... olib yurish... og'ir bo'ldi... to'lashim kerak... – U bir-biriga bog'lanmagan gapi-ni to'xtatdi-da, qo'lini chontagiga suqib, bug'u terisidan qilingan xaltacha oldi.

- Qarzimni... to'lashim kerak... besh qadoq oltin... Meylmyut Kidga... men...

U holsizlanib boshini stol ustiga qo'ydi, Meylmyut Kid endi uni oyoqqa turg'azolmadı.

- Bu Uliss, – dedi shoshilmay Kid va oltin solingan xal-tachani stol ustiga tashladi. – Aksel Gunderson bilan xotini adoyi tamom bo'lgan ko'rindədi. Kel, uni karavotga yotqizib, ko'rpaga

o'rab qo'yaylik. Bu hindu yigit, joni qattiq, tuzalib ketadi va bor gapni aytib beradi.

Uning ustida muzlab qolgan kiyimm'i pichoq bilan kesib olishar ekan, hali bitmagan, pichoq zarbidan paydo bo'lgan yaralarni ko'rishdi.

III

– Bor gapni bilganimcha gapirib beraman, hammasini o'zingiz tushunib olasiz. Eng boshidan boshlayman, avval o'zim va ayol haqida, undan keyin erkak haqida gapiraman.

Suvsar terisining sobiq xo'jayini xuddi o't qochib keta-yotganday pechkaga yaqinroq surildi. Uning harakati issiqlidan uzoq vaqt mahrum bo'lgandan keyin uni yana qaytib topgan odamning harakatiga o'xshardi. Meylmyut Kid lampaning piligini tuzatib, yorug'i hikoyachining yuziga tushib turadigan qilib qo'ydi. Prins o'rinning bir chekkasiga o'tirib olib, hikoya tinglashga hozirlandi.

– Mening otim Naas, qabila boshlig'ining o'g'liman, o'zim ham qabila boshlig'i edim. Men kunchiqar bilan kunbotar orali-g'ida, to'lqinli dengiz o'rtasida, otamning umiakida tug'ilgaman. Tun bo'y'i erkaklar eshkak tortdilar, xotinlar esa to'lqindan umiakka kirayotgan suvlarni suzib turdilar, hamma bo'ronga qarshi kurashdi.

Sachragan sho'r suv tomchilari onamning ko'kragida muzlab qolardi. Oxiri onamning so'nggi nafasi dengiz to'lqini bilan birga to'xtadi. Lekin men – men o'z ovozimni bo'ron ovoziga jo'r qildim va tirik qoldim. Bizning joyimiz Akatanda edi.

– Qayerda? – deb so'radi Meylmyut Kid.

– Akatan deb Aleut orotlarini aytamiz. Akatan Chignikdan, Kardalakdan va Unimakdan ham narida. Shunday qilib, biz dunyoning bir chetida, dengiz o'rtasiga joylashgan Akatanda yashardik. Biz sho'r dengizda tulen, baliq va suvsar ovi bilan shug'ullanardik, uylarimiz bir-birining pinjiga tiqilib, baland qirg'oqqa – o'rmon bilan soylik o'rtasiga tushgan edi. Mana shu soylikda bizning qayiqlarimiz turardi. Biz uncha ko'p

emasdik, bizning dunyomiz juda tor edi. Bizning sharq tomonda Akatanga o'xshagan allaqanday yot orollar yotar, biz esa, butun dunyo faqat orollardan iborat ekan, deb o'ylar va shunday o'ylashga o'rganib qolgan edik. Men o'z qabilam odamlariga o'xshamasdim. Qumloq sayoz joylarda qiyshi qodalar, parchalangan katta qayiqlarning taxtalari sochilib yotardi. Bunday qayiq yasashni mening xalqim bilmasdi. Esimda bor, uch tomondan dengiz ko'rinish turadigan bir orolning chetida tikka o'sgan silliq qarag'ay bor edi. Bunday daraxtlar bizning joylarimizda o'smasdi. Bir kun mana shu yerga dengiz tomonidan ikki kishi kelib tushdi, deb hikoya qillardilar. Ana shu ikki kishi dengizning narigi yog'idan qayiqda tushib kelgan ekan. Bu qayiqning parchalangan taxtalarini o'sha soylikda ko'rdim. Ular xuddi sizga o'xshagan oq tanli va juda holdan toygan, ocharchilik kunlari da ovchilar tulen oviga borib, quruq qaytib kelganlarida, kichik bolalarning ahvoli naqadar mushkul bo'lsa, ularni ham shunday ekan. Men bu hikoyani qariyalardan eshitganman, ular esa o'z ota va onalaridan eshitishgan ekan. Boshda yot o'lkalardan kelgan bu oq odamlarga bizning urf-odatimiz yoqmagan, lekin bora-bora ular baliq va yog' yeb sog'ayib ketganlar, kuchga to'lganlar. Ularning har qaysisi o'zlariga uy qurib, qabilamizning eng yaxshi qizlarini xotin qilib olganlar; keyin ulardan bolalar paydo bo'lgan. Shunday qilib, otamning otasining otasi dunyoga kelgan ekan.

Hali aytganimdek, men o'z qabilamdag'i odamlarga o'xshamas edim, chunki mening tomirlarimda dengizning narigi yog'idan kelgan oq tanli odamlarning qoni oqardi. Aytishlariga qaraganda, ular kelmasdan ilgari bizda boshqacha rasm-odatlar bo'lgan ekan, lekin u odamlar rahm-shafqatsiz va urishqoq bo'lganlar. Ular bizning erkaklar bilan urishib, o'zlariga qarshi chiqqanlarning hammasini o'ldirganlar. Keyin esa bizga qabila boshlig'i bo'lib olganlar, bizning eski qonunlarimizni bekor qilib, yangi qonunlar o'rnatganlar. Bu qonun bo'yicha odam, ilgarigi rasimizdagidek o'z onasining bolasi emas, balki otasining bolasi hisoblangan. Bundan tashqari, ular to'ng'ich bola otaga qa-

rashli humma mol-mulkni olishi kerak, uning uka va singillari esa o'z kunlarini o'zlar ko'rishlari kerak, deb qaror qilganlar. Ular, bundan tashqari, yana boshqa ko'pgina qonunlar chiqarganlar, bizga baliq tutish va o'rmonlarimiz to'la bo'lgan ayiqlarni o'ldi-rishning yangi usulini ko'rsatganlar. Ular qahatchilik bo'lib qolsa, qanday qilib ko'p oziq-ovqat g'amlashni o'rgatganlar. Buning hammasi yaxshi.

Lekin ular qabila boshlig'i bo'lib, bizda qarshilik ko'rsa-tadigan odam qolmagandan keyin, bir-birlari bilan urish-janjal qila bosblaganlar. Mening tomirlarimda qoni yurib turgan odam boshqa birining badaniga nayza sanchgan. Bu dushmanlikni ularning bolalari, undan so'ng bolalarining bolalari ham davom ettirganlar. Ularning orasida dahshatli adovat va dushmanlik hukm surgan. Hatto mening vaqtimda ham yovuz ishlar bo'lar ediki, bir-biriga ota qonini o'tkazish uchun har bir oilada faqat bittadan odam qolgan edi, xolos. Bizning oilada men, boshqa oilada esa onasi bilan bir qiz – Unga qolgan edi. Uning otasi bilan mening otam bir kun kechasi baliq ovidan qaytib kelmadi-lar, lekin dengiz suvi ko'tarilganda, to'lqin ularning tanasini qirg'oqqa chiqarib tashiagan. Qarasalar, ikkisi qumloqda bir-biri bilan quchoqlashib yotgan emish.

Odamlar ularga qarab turib, boshlarim chayqaganlar, chunki ikki oila o'rtasida adovat borligini ular yaxshi bilganlar. Unga bilan mening bolalarim ham bu dushmanlikni davom ettiradi-lar der edilar. Ular bu haqda menga bolalik chog'imdayoq ga-pirar edilar. Keyimroq men ham Ungaga, bolalarim dushmani-ning bo'lgusi onasi deb qaray boshladim. Men hamma vaqt shu to'g'rida o'ylar edim. Yoshim ulg'ayib, yigit bo'lganimda, men nima uchun shunday, buning sababi nima, deb qariyalar-dan so'radim. „Bilmaymiz, otalarimizning zamonasida shunday edi“, deb javob berdilar. Men, nima uchun kelajak avlod dun-yodan o'tib ketganlarning adovatini davom ettirishi kerak, deb hayron bo'lardim. Bu adolatdan emasligiga aqlim yetardi. Le-kin qabila odamlari shunday bo'lishi kerak, deb ta'kidlardilar. Men u vaqtarda hali yosh yigitcha edim.

Ular: „Unganing bolalaridan sening bolalaring kattaroq bo‘lsin, tezroq voyaga yetsim“, deb meni qistar edilar. Bu oson ish edi, chunki men qabila boshlig‘i edim, xalq ota-bobolarimning qahramonligi, bergen qonunlari, boyliklarim uchun meni hurmat qilardi. Har qanday qiz menga jon deb xotin bo‘lardi. Lekin ko‘nglimga yoqadigan biror tuzuk qizni topolmay yurdim. Chollar va qizlarning onalari meni qistar edilar: „Ko‘pgima ovchilar Unganing onasi huzuriga kelib, Unga uchun katta qalin berishni va’da qilayotirlar. Agar uning bolalari senikidan ilgari o‘sib ulg‘aysa, sening bolalaringni o‘ldiradi“.

Lekin men hamon o‘zimga munosib qizni topolmay yurdim. Bir kun men baliq ovidan qaytib kelayotgan edim. Quyosh botish oldida uning shu’lasi ko‘zni qamashtirardi. Yengil shabada esmoqda, qayiqlar to‘lqin ustida chayqalib boradi. Birdan Unganing qayiqchasi mening oldimdan shuvullab o‘tib ketdi. Unga mening yuzimga tikilib qaradi. Uning to‘zigan sochlari tun kabi qora, yuzlarida suv tomchilari marjon kabi yaltiraydi. Hali aytganimdek, quyosh ko‘zlamni qamashtirar, men esa u vaqtida yosh edim. Butun vujudim jimirlab ketdi, shunda birdan hamma narsa menga ravshan bo‘lib qoldi. Ungaga yana yetib keldim, u menga yana bir qarab qo‘ydi – bunday qarash Ungaga xos edi. A’zoyi badanim yangidan titrab ketdi. Biz beso‘naqay qayiqlardan o‘zib ketganimizda orqamizdan odamlar qichqirib qolishdi. Unga ustalik bilan eshkak tortar, mening yuragim esa ko‘tarilgan yelkan singari tipirchilar edi. Lekin men uning orqasidan quvib yetolmadim. Shamol borgan sari kuchaydi, dengiz yuzini oq ko‘pik qopladi. Biz bo‘lsak, to‘lqinlar ko‘ksida xuddi tulenga o‘xshab, sakrab-sakrab borardik.

Naas xuddi dengiz ustida qayiqni surayotgan eshkakchidek stulda o‘tirgan holda bukchayib oldi. Ehtimol, uning ko‘ziga qayerdadir, pechkaning orqasida, tez ketayotgan qayiqcha va Unganing to‘zigan sochlari ko‘ringandir, uning qulqlari ostida yel guvullab, dengizning sho‘r suvi dimog‘iga urilgandir.

– Unga qirg‘oqqa yetib oldi va qah-qahlab kulgami holda qum ustidan chopib borib, o‘z uyiga kirib ketdi. Shu kechasi

mening kallamga Akatan qabilasining boshlig‘iga munosib ulug‘ bir fikr keldi. Oy chiqqach, men Ungalarning uyiga qarab ketdim. U yerda, Ungalarning uyi eshigi oldida Yash-Nush keltirgan sovg‘alarga ko‘zim tushdi. Yash-Nush yaxshi ovchi bo‘lib, Uganining bolalariga ota bo‘lish orzusida edi. Ko‘pgina yigitlar o‘z sovg‘alarini keltirib, shu uy eshigi oldiga uyib qo‘yar, keyin qo‘l tekkizilmaganini ko‘rib, yana qaytib olib ketardilar. Har bir yangi kelgan kishi o‘zidan ilgarisiga qaraganda ko‘proq mol keltirardi.

Men oy va yulduzlarga qarab iljaydim-da, uyimga qaytdim. Butun boyliklarim uyimda saqlanardi. Mening sovg‘alarim Yash-Nushnikidan bir gaz yuqori ko‘tarilguncha, ko‘p martaballab u yoqdan bu yoqqa mol tashidim. Bular ichida dudlangan va quritilgan baliq, qirqta tulen terisi, yigirmata suvsar terisi bor edi, har bir terining ichi yog‘ bilan to‘ldirilgan, og‘zi bog‘langan. Bundan tashqari, bahor paytida o‘z qo‘lim hilan o‘ldirgan yigirmata ayiqning terisi bor edi. Shuningdek, bu yerda marjon, ko‘rpa, to‘q qizil matolar uyilib yotardi. Men bu matolarni sharq tomonda yashovchi xalqdan ayirboshlab olgan edim, ular esa o‘z qatorida undan ham sharq tomonroqda yashovchi xalqdan olgan ekanlar. Men Yash-Nushning keltirgan narsalariga qarab kulib qo‘ydim: chunki Akatanda men qabila boshlig‘i edim, mening boyligim hamma yigitlarning boyligidan ham ko‘p edi. Mening ota-bobolarim katta ishlar qilganlar, qonunlar chiqarib, odamlar xotirasida o‘z nomlarini abadiy qoldirganlar.

Ertasi ertalab men qirg‘oq tomonga ketayotib, Ungalarning uyiga ko‘z qirimni tashladim. Sovg‘alarimga qo‘l tekkizilmabdi. Xotinlar bo‘lsa kulishar va bir-birlariga gap qotishar edi. Men nima qilishimni bilmay qoldim: chunki hech kim shunchalik ko‘p qalin keltirmagan edi. O‘scha kechasi men mollarni yana ham ko‘paytirdim. Keltirgan narsalarim ichida teridan yasalgan va hali suvga tushirilmagan qayiqcha ham bor edi. Kelasi kun ham mening mollarim qimirlamay o‘z joyida turar, odamlar esa meni masxara qilib kulishar edi. Uganining onasi ayyor xotin edi. Meni o‘z xalqim oldida sharmanda qilgani uchun g‘azabim keldi. Kechasi uy eshigi oldiga yana bir qancha mol keltirib

qo'ydim. Bular ichida bahosi yigirmata qayiqchaga baravar keladigan, naqshdor qilib yasalgan katta qayiq ham bor edi. Ertalab qarasam, sovg'alarim ko'zdan g'oyib bo'lib qolibdi.

Shunda men to'yga tayyorgarlik ko'ra boshladim. Men qurgan bazmga hatto uzoq sharq tomonda yashovchi odamlar ham sovg'a olib kelishdi. Bizning hisobimiz bo'yicha Unga mendan to'rt quyosh katta edi – bu to'rt yosh demakdir. **U** zamonlarda men yosh yigit edim, lekin men qabila boshlig'i va qabila boshlig'inining o'g'li bo'lganim sababli, yosh bo'lishimning ahamiyati yo'q edi.

Kutilmaganda okean yuzida yelkanli kema paydo bo'ldi. Shamol kuchaygan sari kema yaqinlashaverdi. Kema shikastlangan bo'lsa kerak, matroslar nasosni ishga solib, kema ichidagi suvni chiqarib tashlamoqda edilar. Kemaning old tomonida azamat gavdali bir kishi turardi: u suv chuqurligini qanday o'lcha-yotganliklarini ko'zdan kechirar va momaqaldiroqqa o'xshagan baland ovozi bilan buyruqlar berib turardi. Uning ko'zlarini ko'mko'k, sochlari xuddi arslon yoliga o'xshab yoyilgan. **U** odamning sochlari janubda o'sadigan bug'doy kabi, yoki matroslar arqon to'qiydigan manil kanopidek sap-sariq edi.

So'nggi yillarda uzoqdan suzib o'tgan ko'pgina kemalarini ko'rgandik, lekin bu Akatan qirgog'iga kelib to'xtagan birlinchi kema edi. Bazmimiz to'xtadi, bolalar va xotinlar uy-uylariga qochib ketdilar. Biz erkaklar esa o'q-yoylarimizni tayyorlab, qo'llarimizga nayza olib, kutib turdik. Lekin kemaming tumshug'i sohilga kelib urilganda, yot o'lkalik kishilar o'z ishlari bilan band bo'lib, bizga hech e'tibor bermadilar. To'lqin biroz pasaygandan keyin ular kemani qiyshaytirib, kema ostidagi katta teshikni yamay boshladilar. Shunda xotinlar yana o'z uylaridan o'rmalab chiqdilar, bazm ham davom etaverdi.

Dengiz suvi yana ko'tarilgach, dengizchilar kemalarini chuquryerga olib borib qo'ydilar-da, biznikiga keldilar. Ular o'zlarini bilan sovg'a olib keldilar, hammamiz bilan xushmuomalada bo'l-dilar; men ularga o'z o'rtamizdan joy bo'shatib berdim va boshqa mehmonlar qatori ularga ham qo'li ochiqlik bilan sovg'alar tortiq

qildim, chunki o'sha kuni mening to'yim edi, men Akatan qabila-sining boshlig'i edim. Arslon yolli odam ham biznikiga keldi. U, shu qadar baland bo'yli va baquvvat ediki, yurganda oyoqlarining ostidagi yer titraganday bo'lardi. U qo'llarini mana bunday qilib qovushtirib, Ungaga uzoq tikilib o'tirdi. U to quyosh botib, yulduzlar charaqlaguncha shu vaziyatda o'tirdi. Qorong'i tushganda o'z kemasiga qaytdi. Men esam Uganing qo'lidan ushlab, uyimga olib ketdim. Ashula va quvnoq kulgi ovozlari eshitilib turardi. Xotinlar rasm-odatimizga taomil qilib sho'xlik bilan bizning ustimizdan kulishar edi. Lekin biz hech nimaga e'tibor bermadik. Undan keyin xaloyiq uy-uyiga tarqalib, ikkalamiz qoldik.

Hali qo'shiq ovozlari o'chmagan ham ediki, birdan dengiz-chilarning boshlig'i eshigimiz oldida paydo bo'ldi. U o'zi bilan qora shishalar olib keldi. Biz shishalardagi suvdan icha boshladik, shunda kayfimiz chog' bo'lib ketdi. Axir, men unda yosh bo'lib, butun umrimni dunyoning bir chekkasida o'tkazgan edim. Qonim qizishdi, yuragim esa xuddi dengiz to'lqinlari qirg'oq toshlariga otib tashlagan ko'pik singari yengil edi. Unga po'stinga o'ralib, burchakda jim o'tirar, uning ko'zlari qo'rqinchdan katta-katta ochilgan edi. Arslon yolli odam bo'lsa unga tikilib-tikilib qarab qo'yardi. Keyin uning odamlari bir qancha mol keltirib, mening oldimga to'plab qo'ydilar. Bunday boylik Butun Akatanda yo'q edi. Bu mollar ichida katta-kichik miltiqlar, miltiq dorilari, o'q, yarqiroq boltalar, po'lat pichoqlar, allaqanday g'alati asboblar va har xil boshqa narsalar bor edi. Men bunday narsalarni umrimda ko'rgan emasdum. U qo'li bilan ishora qilib, bu boyliklarning hammasi meniki ekanligini bildirdi. Men uning bu ishiga qarab, faqat ulug' odamgina bunday saxiylik qila oladi, deb o'yladim. Shuning bilan birga u kishi Unga men bilan kemaga birga ketishi kerak, degan ishorani qildi. Tushunyapsizmi? Unga u bilan kemaga borishi kerak emish! Menda ota-bobolarimning qoni qaynab ketdi. Men nayzamni olib, unga tashlandim. Lekin shisha ichidagi ruh qo'l-oyoqlarimdag'i kuchni olib qo'ygan ekan. Arslon yolli kishi yelkamdan ushlab, mana bunday qilib, boshim bilan devorga urdi. Men yangi tug'ilgan chaqaloqdek ojiz bo'lib qolgan

edim, oyoqlarim bukilib ketdi. Shunda u odam Ungani eshikka sudradi. Unga esa qichqirib, uyda bor narsalarga yopishar edi. Keyin u o‘zining baquvvat qo‘llari bilan Ungani ushladi; Unga uning sariq sochiarini yula boshlagan edi, u xuddi urchitish vaqtidagi erkak tulenga o‘xshab gurkirab, qattiq kulib yubordi.

Men sohilgacha emaklab borib, xalqimni yordamga chiqira boshladim, lekin odamlar chiqishga jur’at qilolmadilar, faqat Yash-Nushgina erkak ekan, u yordamga keldi, lekin ular Yash-Nushning boshiga eshkak bilan tushirdilar, Yash-Nush qumga yiqilib tushdi-da, jim qoldi. So‘ng yot o‘lkalardan kelgan odamlar ashula aytishib, yelkanni ko‘tardilar, shamol ularning kemasini surib ketdi.

„Bu yaxshi bo‘ldi, chunki Akatanda ortiq qon adovati tuga-di“, der edi odamlar, lekin men hech narsa demay, oy to‘lishini kutib qoldim. Oy to‘lganda, men qayiqchamni baliq bilan yog‘ga to‘ldirib, sharq tomonga qarab suzib ketdim. Men yo‘llarda juda ko‘p orollar va odamlarni uchratdim, o‘shandagina dunyoning bir chekkasida yashaganligimni va dunyo qanchalik keng ekanligini angladim. Men odamlar bilan imo-ishora orqali gaplashdim, surishtirdim, lekin arslon yolli odamni ham, kemani ham hech kim ko‘rmagan ekan. Kimdan so‘rasam, hamma sharqni ko‘rsatar edi. Men to‘g‘ri kelgan yerda yotdim, yemagan ovqatlarimni yedim, g‘alati odamlarni ko‘rdim. Ko‘p odamlar meni jinni deb masxara qildilar. Lekin ba‘zi qariyalar mening yuzimni yorug‘likka o‘girib, duolar qildilar. Yosh xotinlar kema haqidada, Unga va arslon yolli odam haqida savol-so‘roq qilganlarida, ko‘zlar yoshta to‘lar edi.

Shunday qilib, men azamat dengizlar, dahshatli to‘lqinlardan o‘tib, Unalyaokaga yetib keldim. U yerda ikkita kemani ko‘rdim, lekin men istagan kema ularning ichida yo‘q edi. Men yana sharqqa tomon ketdim. Unimak orolida ham, Kadiakda ham, Atonyakda ham men qidirgan kema haqida hech kim bিror narsa aytib berolmadi. Bir kuni men tog‘lik o‘lkaga borib qoldim, u yerda odamlar tog‘ etaklarida katta-katta chuqr qaziyotgan ekanlar. O‘sha yerda bir kemani ko‘rdim, lekin u men

istagan kema emasdi, odamlar tog‘dan qazib olgan toshlarni shu kemaga ortar edilar. Bu menga bolalar o‘yiniga o‘xshab ko‘rindi, chunki toshni istagan yerdan topishi mumkin-ku, axir. Ular menga ovqat berib qornimni to‘ydirdilar, keyin ishga soldilar. Kemaning yuki ancha og‘irlashib, suv ichiga ancha o‘tirib qolgandan keyin, kapitan menga pul berdi va, sen endi ozod bo‘lding, deb aytdi. Men undan, qayoqqa borasizlar, deb so‘radim, u janub tomonni ko‘rsatdi; undan meni ham olib ketishlarini iltimos qildim. U avval kului, keyin komandasi to‘la emasligi sababli, meni ham o‘z kemasiga oldi. Shu kemada yurib, men ularning tilida gapirishga o‘rgandim, arqon tortishni, qat-tiq shamol vaqtida yelkan bog‘ichlarim olishni, rulda turishni o‘rganib oldim. Ajablanarli hech narsa yo‘q, chunki ota-bobolarimning tomirida dengizchilar qoni oqqan.

U bilan qabiladosh bo‘lgan odamlar orasida yashaganiidan keyin, men uni osonlik bilan topib olaman, deb o‘yladim. Bir kuni biz sohilga yaqinlashib dengiz darvozasi orqali portga kirdik, bu yerda qo‘llarimda qancha barmoq bo‘lsa, shuncha kemani uchratamiz, deb o‘ylagan edim. Lekin kemalarning son-sanog‘i yo‘q, xuddi baliq to‘dasi singari g‘uj-g‘uj, kemalar turgan pristan ko‘p chaqirimlar uzoqlarga cho‘zilib ketgan edi. Bir kemadan ikkinchisiga o‘tib, arslon yolli odamni ko‘rdinglarmi, deb so‘rab yurdim, ular kulib, meni masxara qildilar, turli-tuman tillarda javob qaytardilar. Shunda bildimki, bu kishilar dunyoning turli burchaklaridan kelgan ekan.

Shahar ko‘chalarida har bir odamning yuziga diqqat bilan qarar edim. Lekin ular xuddi dengiz qirg‘og‘i bo‘ylab borayotgan treska balig‘i singari son-sanoqsiz edilar. Shovqin-surondan mening quloqlarim eshitmay qoldi. Qiy-chuv, g‘ovur-g‘uvur dan boshim aylamb ketdi. Lekin yo‘limdan qolmadim. Quyosh nurlari ostida qo‘shiq jaranglab turgan o‘lkalarni kesib o‘tdim, dalalarda mo‘l hosil yetishib turgan mamlakatlarni kezdim, xotinlar singari riyokor-yolg‘onchi erkaklar va oltin desa joni ni beradigan ochko‘zlar bilan to‘lgan katta shaharlarni ko‘rdim. Bu vaqtida esa Akatanda mening xalqim ov qilish va baliq tutish

bilan ovora bo'lib, dunyo kichkina deb o'ylar va dunyodan be-xabarligi bilan baxtiyor edi.

Lekin baliq ovidan kelayotganda Unganing tashlagan nazari meni ta'qib qilar, men esa vaqtisi soati kelib, umi, albatta, toparman, deb umid qilar edim. Unga g'ira-shira tushganda kimsasiz muylishlardan o'tar va tungi shudring tushgan serhosil dalalar bo'ylab, menga ergashib yurar edi. Uning qarashlari allanarsalarni va'da qilar, bu va'daga faqat Unga vafo qila olar edi.

Men mimglab shaharlarda bo'ldim. Bu shaharlarda yashagan odamlar ba'zan rahm-shafqat qilib qornimni to'yg'azdilar, ba'zilari masxara qilib ustimdan kuldillar, boshqa birlari meni haqorat qildilar, lekin tilimni tiyib, hech indamadim va menga notanish bo'lgan urf-odatlar bilan yashadim, menga yot bo'lgan ko'pgina narsalarni ko'rdim. Ko'p vaqt qabila boshlig'inинг o'g'li va qabila boshlig'i bo'la turib qo'pol, tosh yurakli odamlar uchun xizmat qildim. Men o'z birodarlarining manglay terisidan va chekkan azob-alamlaridan oltin siqib olgan shafqatsiz odamlarda yollanib ishладим. Xuddi qoyali qirg'oqqa qaytib kelgan dengiz mushugi singari to dengizga qaytib bormagunimcha, hech yerdan o'z savolimga javob ololmadim. Bu voqealarning shimol tomondagi boshqa bir portda va boshqa bir o'lkada ro'y berdi. Men o'sha yerda sariq sochli dengiz daydisi haqida hikoyalar eshitdim. U tulen ovlab hozir okeanda suzib yuribdi, degan sirdan voqif bo'ldim.

Men yalqov sivashlar bilan ovchilar kemasiga chiqib, yo'lga ravona bo'ldim. U hech yerda iz qoldirmagan. Shimol tomonda tulen ovi ayni qizigan payt edi. Biz ko'pgina og'ir oy-kunlarni boshimizdan o'tkazdik. Shunda biz portlarda boshqa kemalarni uchratib, men qidirgan odamni so'roqladik, u odam haqida ko'p narsa eshittdik, lekin o'zini ko'rmasdik. Biz Shimolga qarab, Pirihil orollari tomon ketdik, sohillarda to'p-to'p suvsarlarni ov qildik. Ularni issiq holicha qayiqqa keltirdik. Pirovardida, paluba yog' va qondan shunday sirpanchiq bo'lib ketdiki, tik turish mumkin bo'lmay qoldi. Orqamizdan bir kema bizni quvlashga tushdi. Undagi odamlar bizga qarab katta zambarakdan o'q ot-

dilar. Biz hamma yelkanlarni yoyib yubordik, to'lqin palubani yuvib tozaladi, shxunamiz esa tuman ichiga kirib yo'qoldi.

Keyin eshitsak, biz jon hovuchlab ta'qibdan qochib ketayot-ganimizda sariq sochli dengiz daydisi Piribil orollariga tushib, to'g'ri Faktoringa kelibdi. Komandasining bir qismi kompaniya xizmatchilarini qamoqda saqlab turibdi, ikkinchi qismi esa ombordan o'n mingta terini olib chiqib kemaga yuklabdi. Bu odamlarning gapi, lekin bunga men ishonaman. Sang'ib yurgan vaqtimda men biror marta ham uni uchratmadim, lekin uning rahm-shafqatsizligi, botirligi haqidagi dovruq butun shimolga tarqalgan edi. Oxirida o'sha tomonlarda yashagan uch xalq birlashib kemalarini jihozlab uning orqasidan quvib ketganlar. Men Unga haqida ham xabar eshitdim. Ko'pgina kapitanlar Ungani osmonlarga ko'tarib maqtar va o'z hikoyalarining birinchi qahramoni qilib ko'rsatar edilar. Unga hamma vaqt u bilan hirga ekan. Unga o'sha odamlarning urf-odatlariga o'rganib o'zimi baxtiyor hisoblar ekan. Lekin men bunday emasligini, Unga ning qalbi o'z xalqi tomon, Akatanning sariq sohillari tomon intilishini bilar edim.

Shunday qilib, bir qancha vaqtlardan keyin okean portiga qaytib keldim, bilsamki, sariq sochli daydi rus suvlaridan janubda bo'lgan issiq o'lkaga suvsar ovlashga ketibdi. Bu vaqtda men haqiqiy dengizchi bo'lib olib, unga qardosh odamlar tushgan kemaga xizmatga kirdim va uning orqasidan suvsar ovlash uchun yo'lga ravona bo'ldim. Bu yangi o'lkalarga borayotgan kemalarning soni oz edi, lekin biz suvsar to'dalariga uchrab qolib, butun bahor ularni shimol tomon quvladik. Ikkiyat bo'lgan suvsarlar rus suvlariga o'tib ketganida, bizning matroslarimiz u yoqqa o'tishdan qo'rqib, zorlana boshladilar. Chunki hamma yoqni tuman bosgan, qayiqlar har kun halok bo'laverdi. Ular xizmat qilishdan bosh tortdilar, kapitan esa kemani orqaga qaytardi. Lekin men sariq sochli daydining hech narsadan qo'rmasligini va suvsar quvlab to rus orollarigacha borishdan qaytmasligini yaxshi bilardim. U tomonlarga uncha-muncha odam borishga jur'at qilolmas edi. Tun qorong'iligida vaxta qorovulining uxlab

qolganligidan foydalanib, men bir qayiqchani oldim-da, yolg'iz o'zim katta va issiq o'lkaza qarab yo'lga chiqdim. Mana, men janubga, Ieddo ko'rfaziga keldim. Bu yerda men ko'pgina itoatsiz va qo'rmas odamlarni uchratdim, bu odamlarning qizlari kichkina va chiroyli bo'larkan, ularning badanlari xuddi po'latga o'xshagan yiltiroq bo'lar ekan. Lekin men bu yerdarda qololmas edim, chunki Uunganing to'lqinlar oshib shimol qirg'oqlari tomon ketayotganini bilardim.

Ieddo ko'rfazidagi odamlar dunyonimg har tomonidan kelgan bo'lib, ular na Xudoni bilishar, na Vatanlari bor edi; ular yapon bayrog'i ostida suzib yurar ekanlar. Ana shular bilan men Mis orollari qirg'oqlarigacha suzib keldim. Shu yerda kemamizning omborlari terilar bilan liq to'ldi. Biz mana shu kimsasiz dengizda hech kimni uchratmay orqaga qaytdik.

Bir kuni kuchli shamol tumanni tarqatib yubordi, biz orqamizdan kelayotgan bir shxunani ko'rib qoldik. Uning orqasidan tutunlar bilan qoplangan rus harbiy kemasining trubalari ko'rinib qoldi. Biz barcha yelkanlarni yoyib suzib ketdik, shxuna esa borgan sari hizga yaqinlashib kelaverdi, chunki bizning kemamiz ikki fut yo'l bosganda, shxuna uch fut bosar edi. Shxunaning old tomonida arslon yolli odam turar va o'z kuchiga ishongan holda iljayar edi. Unga ham u bilan birga edi. Men uni darrov tanidim. Rus to'plari o't ochganda, u Ungani ichkariga kirgizib yubordi. Hali aytganimdek, uning kemasi biznikiga qaraganda tezroq yurar edi. Endi har qalqishda suvdan ko'tarilib kelayotgan shxunani ko'rар edim. Men la'natlar o'qib, shturvalni aylantirar va otayotgan rus to'plariga qarshi orqamni o'girib, tik turar edim. Arslon yolli bizni quvib o'tib ketmoqchi va rus harbiy kemasining ta'qibidan qutulmoqchi ekanini yaxshi tushundik. Unda ruslar bizni ushlab olishlari aniq. Machtamizni urib tushirdilar. Kemamiz esa xuddi yaralangan baliqchi qushdek shamolda chayqalib borar edi. U Unga bilan birga ufqda ko'zdan g'oyib bo'lib ketdi.

Biz nima ham qila olar edik? Yangi terilar bizni ayblash uchun guvohlik berib turardi. Bizni rus portiga olib bordilar, u

yerdan bir sahroga keltirib, tuz konlarida ishlashga majbur qildilar. Birovlar o'ldi, birovlar esa tirik qoldi...

Naas yelkasidan adyolni ohib tashlab, yalang'och bo'lib oldi, uning a'zoyi badani yara-chaqa bilan qoplangan. Shubhaisiz, bular qamchi izlari edi. Prins mana shu xunuk manzarani ko'rishdan tezroq qutulishi uchun uning yelkasini darrov adyol bilan yopib qo'ydi.

— Biz bu yerda ko'p azob chekdik, odamlar ba'zan janubga ko'chib ketar, lekin har gal ularni qaytarib olib kelar edilar. Biz — Ieddo ko'rfazidan kelganlar birlashib, bir kuni kechasi qorovullardan miltiqlarni tortib oldik-da, shimol tomonga ketdik. Hamma yoq balchiqzor va qalin o'rmon. Sovuq tushib, ko'p qor yog'di. Oramizda esa hech kim yo'lni bilmas edi. Oylar o'tdi, biz ana shu poyonsiz o'rmonlar ichida daydib yurdik. O'sha vaqtida bo'lган voqealar hammasi yodimda yo'q, chunki bizda ovqat oz edi, biz ba'zan yotib o'limni kutar edik. Pirovardida biz sovuq dengizga yetib oldik. Lekin ichimizdan uch kishigagina bu deñizmi ko'rish nasib qilgan ekan. Birimiz ieddolik kapitan edi. U katta o'lkalar qayerda va muz orqali bir o'lordan ikkinchi o'lkaza qanday qilib o'tishi mumkin ekanini bilar edi. Kapitan bizni boshlab ketdi. Men qancha yo'l bosganimizni eslay olmayman, har holda juda uzoq yurdik, borib-borib ikki kishi qoldi. Biz bir yerga borib qoldik. Bu yerda mahalliy odamlardan beshtasim uchratdik. Ularning itlari va terilari bor, bizda esa balo ham yo'q edi. Biz ular bilan qor ustida olishdik. Ulardan birontasi ham tirik qolmadi, kapitan ham o'ldi, itlar bilan terilar menga qoldi. Men yorilib-yorilib ketgan muz ustidan boraverdim, meni muz parchasi olib ketdi. G'arb shamoli borib-borib muz parchasini qirg'oqqa keltirib urdi. Undan keyin Golovin buxtasida, Pastilikada bo'ldim. U yerda bir ruhoniyni uchratdim. Undan so'ng janubga, yaqin o'lkalar tomon ketdim. Men bu yerlarda ilgari ham bo'lган edim.

Dengiz ortiq ko'p o'lja bermay qo'ydi, suvsar ovlovchilar teztez xavf-xatarga duch kelib, oz foyda ko'radigan bo'lib qoldi. Kemalar ham oz uchrar, bu kemalarning kapitanlari ham, matroslari ham men qidirib yurgan odamlar haqida hech qanday xabar ber-

madilar. Men vafosiz okeanni tashiab, quruqlikda sayohat qilishga tushdim, chunki quruqlikda daraxtlar, uylar, tog‘lar harakatsiz, qimirlamay bir joyda turadilar. Men ko‘p joylarda bo‘ldim, ko‘p narsa o‘rgandim, hatto yozish va kitob o‘qishni ham bilib oldim. Men yaxshi ish qildim, chunki mening kallamga bir fikr keldi: mabodo Unga ham shunday narsalarni o‘rganib olgan bo‘lsa, bir kun vaqt(soati) kelib, tushunyapsizmi, vaqt(soati) kelib...

Shunday qilib, men xuddi faqat yelkan bilan suzadigan baliqchilar qayig‘iga o‘xshab dunyoni kezib yurdim. Lekin mening ko‘zlarim doim ochiq, quloqlarim ding edi. Men hamma vaqt ko‘p sayohat qilgan kishilarga yaqinroq yurdim, chunki ular men izlab yurgan odamlarni ko‘rgan bo‘lishlari mumkin. Men izlab yurgan odamlarni bir ko‘rgan kishi unutishi mumkin emas. Pirovardida, men tog‘dan tushib kelgan bir odamni uchratdim. Bu odam o‘sha tomondan bir parcha toza tosh olib kelgan ekan. Bu parcha toshda no‘xatdek-no‘xatdek oltinlar yiltirab turar edi. Bu odam hatigi men qidirgan kishilar haqida eshitgan, ularni ko‘rgan, ularni bilar ekan. Uning so‘ziga qaraganda, ular boy bo‘lib ketib, oltim konlari topilgan joylarda yashar ekanlar.

U joy uzoq va vahshiy o‘lka ekan. Men o‘sha yerga ham yetib bordim va qurilgan lagerlarni ko‘rdim. U yerda odamlar quyoshning yuzini ko‘rmay, kecha-yu kunduz ishiar ekanlar. Lekin hali fursat kelimagan edi. Men gap-so‘zlarga quloq solib yurdim. U, bu yerdan jo‘nab ketgan, Unga ham u bilan birga Angliyaga ketgan ekan. Yerli odamlarning so‘ziga ko‘ra, bu yerga boy odamlarni boshlab kelib kompaniya tuzmoqchi ekan. Men ular turgan uyni ko‘rdim. Bu eski qit’ada bo‘ladigan qasrlarga o‘xshash bir bino edi. Ungaga nimalarni ehson qildi ekan, deb kechasi derazadan uyning ichiga tushdim. Butun xonalarni aylanib chiqdim, uy shu qadar bezatilganki, faqat podsholar va malikalargina bunday uylarda yashaydi, deb o‘yladim. Odamlar, uning Unga bilan qilgan muomalasi qirolning qirolichaga qilgan muomalasiga o‘xshaydi, der edilar. Ko‘plar, Unga qaysi xalqning farzandi, uning tomirida boshqacharoq qon borga o‘xshaydi, Unga boshqa Akatan

xotinlariga o'xshamaydi-ku, deb so'rар edilar. Ha, Unga haqiqiy malika bo'lib olgan, lekin men qabila boshlig'i va qabila boshlig'inimg o'g'li edim, Unga uchun quloq eshitmagan qalin to'laganman, teri, qayiqlar, marjonlar bergenman.

Ko'п so'zning nima keragi bor? Men dengizchi bo'lib olgandim, kemalarning yo'lini bilardim. Men Angliyaga, keyin boshqa o'lkalarga bordim. Ba'zan qidirib yurgan odamlarim haqida hikoyalar eshitdim, gazetalarda yozganlarini o'qidim, lekin o'zlarini hech quvib yetolmadim. Chunki ular boy bo'lganliklari uchun bir yerdan ikkinchi yerga tez o'tib ketaverardilar, men esa kambag'al edim. So'ngroq eshitsam, ular baxtsizlikka uchrabdilar: ularning boyligi xuddi kulga o'xshab osmonga sovurilib ketibdi. Boshda gazetalar bu voqeani batafsil tasvirlab ko'п yozdilar, keyin jim bo'lib qoldilar. Lekin u Unga bilan birga oltin topish ko'yida yana orqaga qaytib ketganligini yaxshi bilar edim.

Ular kambag'al bo'lib, nazardan g'oyib bo'ldilar. Men esa qishloqma-qishloq daydib yurdim va Kutneyda ularning iziga tushdim. Ular shu orolda bo'lgan ekanlar, lekin ketib qolibdilar – birov bu tomonga ketdi, dedi, birov u tomonga ketdi, dedi, ba'zilari esa Yukon tomonga ketdi, deyishdi. Hamma yerni axtardim, eng oxirida bu tag-tubi yo'q dunyoda u yoqdan bu yoqqa izg'ib yurish meni charchatdi. Men juda og'ir va uzoq yo'l bosib, yana Kutneyga bordim. Och qolgan vaqtlarim ham bo'ldi. Menga yo'l ko'rsatuvchi shimoli-g'arb tomonlik bir metis ochlikka chiday olmadi. Shu metis ilgari Yukonda bo'lgan ekan. Vaqt-soatining yaqinlashib kelayotganini sezib, menga hir xarita berdi va bir yashirin joyning sirini aytdi. Bu yerda katta oltin zaxirasi bor, deb Xudonimg nomiga qasamyod qildi. O'sha vaqtarda hamma shimolga qarab intilardi. Men kambag'al edim: pochta yuklarini tashiydigan it haydovchi bo'lib yoilandim. Qolganlarini o'zingiz bilasiz. Men ularni Dousonda uchratdim. Unga meni tanimadi, chunki Akatanda yashagan vaqtimda men yosh yigitcha edim, bu davr ichida uning kechirgan hayoti lazzatda, shon-shavkatda o'tdi! Bir vaqtlar uning uchun quloq eshitmas qalin to'lagan odamni qayerdan ham eslasin.

Undan keyinmi? Sen xizmatdan qutulishimga ko'maklashding. Men ishni o'z xohishimcha qilish uchun bu yerga qaytib keldim; men juda ko'p kutdim, lekin endilikda u mening qo'limda bo'lganligidan, shoshilmadim. Yana takror aytaman, men o'z bilganimcha ish qilmoqchi edim, chunki men orqamga, o'z kechirgan umrimga, tortgan azob-uqubatlarimga qayrilib qarasam, rus dengizlari bo'yidagi poyonsiz o'rmonlarda bo'lgan qahraton sovuqlar, och qolganlarim esimga tushadi. O'zingiz bllasiz, men ularni, uni va Ungani, sharqqa boshlab ketdim: u tomonga ko'p odamlar ketgan, lekin juda oz kishilar qaytib kelgan. Men ularni orqasiga tirik qaytib kelolmagan inson suyaklari yotgan oltin konlari tomonga olib bordim. Hech kim hali bu oltinlarni u yerdan olib ketishga muyassar bo'lolgani yo'q. Yo'l uzoq, poyonsiz qor sahrolarida yurish og'ir. Itlarimiz ko'p, lekin ular ko'p ovqat yer edilar. Bahorgacha zarur bo'lgan hamma narsalar chanalarga sig'mas edi. Biz ariqlar muzdan tozalanguncha qaytib kelishimiz kerak edi. Yukni yengillashtirish va qaytishda ochdan o'lib qolmaslik uchun yo'l-yo'lakay ovqatlarimizning bir qismini yashirib boraverdik. Mak-Kveshchenda uch odam yashar ekan, ularga yaqin bir yerda biz oziq ombori qurdik. Xuddi shu ishni Meyoda ham qildik. U yerda Pelli qabilasiga qarashli ovchilarning manzili bor ekan. Ular bu yerga janubdan, tog'dovonidan oshib kelgan ekanlar. Undan narida biz odam bolasini uchratmadik: bizning ko'z oldimizda uyquga ketgan daryo, jimjit o'rmon va oppoq Shimol sokinligi yotar edi.

Hali aytganimdek, yo'limiz uzoq va og'ir edi. Itlar yurishi uchun so'qmoq tayyorlaymiz, deb kuni bo'yi sakkiz-o'n mildan ortiq yo'l bosolmagan vaqtlarimiz ham bo'ldi, kechalari esa toshday qotib uyquga ketardik. Bu odam chekkan g'am-alamlari uchun qasos olmoqchi bo'lib yurgan Akatan qabilasining boshlig'i Naas-ku, degan fikr biror marta bo'lsin yo'ldoshlarimning xayoliga kehmadi.

Endi biz oz-ozdan zaxira qoldira bordik, kechalari esa men osonlik bilan tekislangan so'qmoq yo'l orqali qaytib keilib, ovqat zaxiralarini boshqa yerga yashirib qo'yar edim. Buni

ko'rgan odam, oziqlarni o'g'ri rosomaxlar olib ketgan, deb o'ylashi mumkin edi. Daryoda faqat suvning yuzi muzlagan joylari bo'ladi, muzning ostidan esa hayqirib suv oqib turadi. Mana shunday joylarning birida men haydab ketayotgan chana muzning ostiga tushib ketdi. U ham, Unga ham, bu baxtsiz bir hodisadan boshqa narsa emas, deb o'yladilar. Bu chanalarga ko'p oziq-ovqat ortilgan, yangi yaxshi itlar qo'shilgan edi.

Lekin u faqat iljayar edi, chunki g'oyat sog'lom va baquvvat kishi edi. Tirik qolgan itlarga biz endi juda oz ovqat bera boshladik, borib-borib ularni bitta-bittadan chiqarib, qolganlariga ovqat o'rnida bera boshladik.

— Qaytishda chanasiz, itsiz qaytamiz, yukimiz yengil bo'la-di, — der edi u. — Bir oziq omboridan ikkinchisiga o'tib, osongina qaytamiz.

Shunday bo'lishi kerak edi ham, chunki oziq-ovqatimiz juda oz qolgan, suyaklar odamlar la'natlagan oltinlar bilan qorishib yotgan yerga borgamizda, eng oxirgi itimiz kechasi o'lib qoldi.

Tog'larning qoq yuragiga yetib olish uchun (xarita to'g'ri ko'rsatgan edi), tog' qoyalarida oyoq sirpanib ketmasligi uchun muzni o'yib, zinapoya qilishga to'g'ri keldi. Dovonning orqasida vodiy bor deb o'yagan edik, yo'q ekan: atrofda tekis qor tepaliklari yoyilib, uzoqdagi tog'larning bahaybat oppoq cho'qqilari ko'kka o'rlab yotar edi. Mana shu tog'larning o'rtasida jarlik bo'lib, xuddi yer bag'riga tushib ketgandek ko'rinar edi. Biz dengizchi bo'lmaganimizda, bu manzarami ko'rib, boshimiz aylanib ketgan bo'lardi. Biz ana shu tubsiz jar ustida turib, pastga tushmoq uchun yo'l axtara boshladik. Dovonning faqat bir tomonida xuddi kuchli shamoldan qiyshayib ketgan kema palubasidek qoyalar yonboshlab pastga qarab tushgan. Qanday qilib yuzaga kelganini bilmayman, lekin manzara shundoq edi.

— Bu jahannamning bo'sag'asi, — dedi u, — yuringlar, pastga tushamiz.

— Biz pastga tusha boshladik.

Jarlik ostida bir uycha bor ekan. Bu uyni kimdir yog'ochdan solgan. Bu yog'ochlarni u tog' tepasidan tashlagan bo'lsa kerak. Uy juda eski edi. Odamlar bu yerda yakka-yakka o'lganlar.

Ularning turli vaqtarda muz toshlariga o'yib tushirilgan o'limoldi so'zlarini va la'natlarini o'qidik. Biri singa kasali bilan o'lgan. Boshqa birining o'rtog'i eng oxirgi ovqat, o'q-dorilarini o'g'irlab qochgan; uchinchisini ayiq parchalab tashlagan. To'rtinchisi, ov qilmoqchi bo'lgan, lekin oxirida ochlikdan o'lib ketgan. Hammasi ham shu tarzda hayot bilan xayrashgan; ular oltindan ajralgilari kelmay, har biri o'z o'limi bilan dunyodan o'tgan. Ularga endi hech kerak bo'lмаган олтінлар uy ichida сочиліб ютібди.

Lekin men shunchalik узоққа оліб борған одамнинг жони qattiq, kallasi esa yaxshi ishlar edi.

— Yemoq uchun hech narsamiz yo'q, — dedi u. — Shuning uchun biz faqat mana shu oltinlarmi bir ko'ramiz, bu oltinlar qayerdan kelgan, ko'pmi-ozmi tekshirib chiqamiz.

Shundan keyim bu oltinlarning yarqirashi ko'zlarimizni ko'r qilib, aqldan ozdirmasdan turib, darrov orqaga qaytamiz. Ko'p oziq-ovqat g'amlab, keyin qaytiб kelamiz. Bu oltinlarning hammasi shunda bizniki bo'ladi.

Shunday qilib, biz oltin behisob bo'lgan ana shu uyni boshdan oyoq ko'zdan kechirib chiqdik, o'lchadik. Tepadan pastga qarab chiziq tortdik, qoziq qoqdkik va huquqimiz borligini isbot qilish uchun alohida belgilar qilib qo'ydik. Ochlikdan tizzalarimiz bukilar, ko'nglimiz aynir, yuraklarimiz notinch urar edi. Shunday bo'lsa ham biz tirmashib, jar tepasiga chiqdik va orqaga qaytdik.

Yo'lming oxirgi qismida biz Ungani ko'tarib oldik. O'zmiz ham zo'rg'a qadam bosib borar edik. Pirovardida biz birinchi ozuqa omborimizga yetib keldik. Hayhot, u yerda oziq-ovqat yo'q edi! Men ustalik bilan ish ko'rgan edim. U, bu rosomaxlarning ishi, deb o'yladi va ularga la'natlar o'qidi. Lekin Unga ruhan bardam edi, uning qo'llarini ushlab tabassum qilardi. Men shunday paytlarda sirimni fosh qilib qo'yishdan qo'rqiб, yuzimni o'girar edim.

— Biz tunni gulxan oldida o'tkazamiz, — dedi Unga, — мокасинларимизни¹ qaynatib, qornimizga biroz orom beramiz.

¹Mokasin – bug'u terisidan tikilgan uzun qo'njli etik.

Biz etik qo‘njlaridan tilim-tilim qilib kesdik va chaynash mumkin bo‘lsin uchun kechasi bilan qaynatdik. Ertalab endi nima qilsak ekan, deb o‘ylab qoldik. Ikkinci omborga yetguncha yana besh kunlik yo‘l bosish kerak. U yerga yetib borish uchun bizda mador yo‘q. Ov topish kerak edi.

- Oldinga qarab boraveramiz, yo‘lda ov qilamiz, – dedi u.
- Ha, olg‘a qarab boraveramiz va ov qilamiz, – deb takrorladim men.

„Unga o‘t oldida qolib kuchini saqlasin“, deb buyruq berdi u. Biz esa yo‘lga tushdik. U bug‘u axtarib ketdi, men bo‘lsam ovqat yashirib qo‘ygan tomonga qarab ketdim. Lekin men, ular quvvat paydo qilganimni bilmasim, deb ozgina ovqat yedim. Gulxan yoq-qan joyga qaytib kelar ekanman, uni ko‘rdim: u tez-tez yiqlar edi. Men ham sirni boy bermaslikka tirishib, o‘zimni juda holdan toygan qilib ko‘rsatish uchun chang‘ida borayotib, tez-tez qoqilar va har bir qo‘ygan qadamim eng oxirgi qadamga o‘xshar edi. Biz yana mokasin qaynatib yeb, oz-moz quvvatga kirib oldik.

U juda baquvvat odam edi. Uning ruhi so‘nggi daqiqalarga cha gavdasini tik ushlab berdi. U zorlanmas va faqat Unga haqida o‘ylar edi. Ikkinci kum o‘lganini ko‘rib qolay deb uning orqasidan bordim. U dam olish uchun tez-tez yotib olar edi. Shu kecha uning ahvoli juda og‘irlashdi, lekin ertalab turib, zaif tovush bilan so‘kindi-da, yana yo‘lga tushdi. U xuddi mastga o‘xshar edi. Men bir necha marta mana endi – hozir joni chiqadi, deb o‘ylardim. Lekin u baquvvatlarning baquvvati edi. Uning joni gigantning joni edi, chunki gavdasini uzun kun bo‘yi ko‘tarib yurdi. U ikkita oq qirg‘ovulni otib tushirdi, lekin yemadi. Qirg‘ovulni o‘t yoqib o‘tirmay xomligicha yemoq mumkin edi, shunda u hayot qolgan bo‘lar edi. Lekin uning fikr-u xayoli Ungada edi. **U** yana turish joyimizga qarab jo‘nadi. **U** endi tikka turib yurmas, balki to‘rt oyoqlab qor ustida emaklab borar edi. Men unga yaqinlashdim, uning ko‘zlarida o‘lim alomatini ko‘rdim. Agar u haligi qushlarni yeganda, qutulib qolishi mumkin edi. Lekin miltig‘ini uloqtirib tashlab, xuddi itga o‘xshab qushlarni tishlab ketaverdi. Men unimg yonida borardim. U dam olish uchun to‘xtagan paytlarida menga

tikilib qarar va tetikligimga taajjublanar edi. Men buni tushundim, chunki u ortiq so'zlay olmas, lablari qimirlar, lekin hech tovush chiqara olmas edi. Yana qaytarib aytaman, u juda baquvvat odam edi, menda rahm-shafqat hissi uyg'ondi, lekin men butun umrimni ko'z oldimga keltirdim; rus dengizlari yaqinidagi po-yonsiz o'rmonlarda yurganlarimni, qattiq sovuq va ochlikda kechirgan kunlarimni esimga tushirdim. Buning ustiga Unga meniki edi, men Unga uchun quloq eshitmagan qalin to'lagandim – teri, qayiq va marjonlar bergandim.

Xullas, biz oppoq o'rmondan o'tib borar va xuddi dengiz tumani singari atrofimizni dahshatli sokinlik o'rab olgan edi. O'tinishning esdaliklari ham ko'z o'ngimda namoyon bo'ldi. Akatanning sariq qirg'oqlari, baliq ovidan qaytib kelayotgan qayiqchalar, o'rmon chetidagi uylar ko'z oldimdan bir-bir o'ta boshladi. Mening xalqimga qonun bergen, keyin xalqimga boshliq bo'lib olgan, mening, ayni damda xotinim Uganining tomirlarida qonlari yurayotgan kishilar ham ko'z oldimga keldi. Shu qatorda boshlariga ho'l qum sochilgan va hali ham singan nayzani o'z qo'lidan qo'yib yubormagan Yash-Nush ham men bilan bir safda borar edi. Vaqt-soat yaqinlashganini bildim, lekin Uganining qarashlarida va'da alomati borligi ham menga ma'lum edi.

Hali aytganimdek, biz o'rmondan bormoqda edik, keyin gulxandan kelayotgan tutun dimog'imizmi qichitdi. Men engashib dushmanim og'zidan qushchalarni yulib oldim. U aylanib, hayrat ko'zlar bilan menga qaradi va qo'li yonida osilgan pichoqqa cho'zildi. Men kulib, uning ko'ziga tikildim va qo'lidan pichoqni tortib oldim. Shunda ham u hech narsa tushunmadi. Keyin bir vaqtlar meni qora shishalardagi suv bilan mast qilganini esiga tushirdim, qor ustiga uyilgan mollarni, umuman, o'sha to'yim kechasi nimayiki ish yuz bergen bo'lsa, hammasini ishoralar bilan ko'rsatdim. Men bir og'iz ham so'z aytmadim, bu gal u tushundi, lekin qo'rqmadi. Uning lablarida masxarali tabassum, ko'zlarida g'azab o'ti yonar edi. Mening so'zlarim unga yangi kuch berdi. Biz manzilga yaqinlashib qoldik. Qor qalin bo'lgani uchun u zo'rg'a sudralib borar edi. Bir marta u ancha-

gacha qimirlamay yotdi, men uni ag'darib, ko'ziga qaradim. Uning ko'zlaridagi hayot goh so'nar, goh yana paydo bo'lar edi. Men uni qo'yib yuborgan edim, u yana emaklab ketdi. Shunday qilib, biz gulxanga yetib keldik. Unga uning quchog'iga tashlandi. Uning lablari qimirlar, lekin hech tovush chiqarolmas edi. Keyin meni Ungaga ko'rsatdi. Eng so'ngida u ohista qorga ag'darildi. Hozir ham shu holicha yotibdi.

Qushchalar pishib, tayyor bo'lguncha, men bir so'z ham aytmadim. Keyin men Unga ko'p yillardan beri eshitmagan o'z ona tilimizda so'zlay boshladim. Unga to'g'rilanib oldi va hayrat bilan ko'zlarini katta ochib menga qaradi. U mendan kim ekanligimni va bu tilni qayerdan o'rganganligimni so'radi.

- Men Naasman, — deb javob berdim.
- Sen-a? — deb qichqirib yubordi u va menga yaqinroq o'rmalab keldi.
- Ha, — deb javob berdim men. — Men Naasman, Akatan qabilasining boshlig'imman, o'z urug'iimda eng oxirgi vakil ho'l-ganim kabi, sen ham o'z urug'ingda oxirgi vakilsan.

U kulib yubordi. Bunday kulgini ikkinchi bor aslo eshitmay! Dahshatdan yuraklarim qinidan chiqib ketayozdi. Men Oppoq Sokinlikda o'lim bilan, meni masxara qilib kulayotgan ana shu xotin bilan yolg'iz o'tirar edim.

- Timchlan, — dedim men, uni alahlayapti deb gumon qilib, — biroz quvvatga kirib ol, hu yerdan ketamiz, Akatan yo'li uzoq.

Lekin u murdaning sap-sariq yollariga yashirinib oldi-da, yana kula boshladi. U shunday kular ediki, nazarimda, ish yana biroz shunday davom etsa, boshimizga osmon yiqilib tushadiganday tuyuldi. U meni ko'rib quvonchga to'lar va o'tmishni esiga tushirganda yana o'z joyiga qaytishni xohish qilar, deb o'ylagan edim, lekin hech kim o'z quvonchini bunday g'alati kulgi bilan izhor qilmaydi.

- Yur! — deb baqirib yubordim men qo'lidan mahkam ushlab. — Tun qorong'illgida uzoq yo'l bosishimiz kerak. Shoshilish kerak!

— Qayoqqa? — deb so'radi Unga o'midan qimirlab. Uning yuzidagi kulgi yo'qoldi.

— Akatanga, — dedim men unga. Shu so'z bilan uning chehrasi yana ochilib ketar, deb kutib turdim. Lekin Uganining yuzida ham masxarali tabassum va g'azab ifodasi ko'rindi.

— Ha, — dedi Unga, — biz qo'l ushlashib Akatanga qaytamiz. Sen bilan men. Yana iflos uylarda yashab, baliq va tulen yog'i bilan kun ko'ramiz, o'zimizga o'xshagan bolalarni ko'paytiramiz va umr bo'yini ular bilan faxrlanib yuramiz. Biz katta dunyoni unutamiz. Biz juda baxtli bo'lamiz. Qanday yaxshi! Qani, ketdik! Shoshilish kerak! Akatanga qaytamiz.

Unga o'likning sariq sochlarini qo'llari bilan siladi-da, xunuk kulgisini yana boshlab yubordi. Uning ko'zlarida va'dadan asar ham yo'q edi.

Men xotinlarning bunday g'alati qiliqlari bo'lishiga tushunolmay hayron bo'lib, jim o'tirdim. To'y bo'ladigan kechasi u Ungani sudrab ketgani, Unga uning sochlarini yulgani esimga tushdi. Hozir esa Unga o'z qo'llarini uning sochlaridan olgisi kelmaydi. Yana men Unga yo'lida o'tkazgan va intizor chekkan uzoq yillarni esimga tushirdim. O'sha vaqtida arslon yolli Ungani qanday qilib ko'targan bo'lsa, men ham shunday qildim — Ungani dast ko'tarib olib ketdim. Lekin Unga xuddi o'sha tundagi singari — oyog'ini tirab o'jarlik qilar va bolalaridan ajralayotgan ona imushuk kabi menga chang solar edi. Biz bilan o'lib yotgan kishi o'rtasida gulxan to'g'ri kelib qoldi. Men Ungani qo'yib yubordim. Unga mening so'zimga qulqoq sola boshladi. Men unga hammasimi; yot dengizlarda boshimdan o'tgan sarguzashtlarimni, yot mamlakatlarda ko'rgan kunlarimm, izlashlarim; ochlik bilan o'tkazgan yillar va Uganining birinchi marotaba menga bergen va'dasini eslatib, hammasini birma-bir so'zlab berdim. Ha, men unga hammasini, hatto o'lgan odam bilan mening o'rtamda bo'lgan shu bugungi suhbatni ham gapirdim. Men hikoya qilar ekanman, uning katta ochilgan ko'zlarida xuddi o'ziga tortuvchi tong shafag'i kabi va'da uchqunlari paydo bo'la boshlaganini ko'rdim. Men bu ko'zlarga qarab, Uganining ko'zlarida rahm-

shafqat, mehr, yuzida latofat belgilarim ko'rdim, qalbidagi hislari yuziga chiqqandek bo'ldi. Men yana yosh yigitga aylan-dim, chunki bu qarash Uganining qarashi edi, bu qarash lablarda tabassum sochib, qirg'oq bo'ylab uyiga chopib ketayotgan o'sha ilgarigi qizning qarashi edi. Barcha azob-uqubatlar, ochlik va og'ir intazorlik alamlari bir zumda yo'qoldi. Vaqt-soati yetdi. Unga meni chaqirayotganday bo'ldi. Faqat uning tizzasi-ga bosh qo'yish va hamma narsani unutishgina qolgan edi. U menga qarab quchog'ini ochdi, men una tashlandim. Birdan uning ko'zlarida nafrat o'ti charaqlab ketdi va qo'li mening biqinimga cho'zildi. Keyin u meni pichoq bilan mana bunday qilib bir-ikki urdi.

— Itvachcha! — deb qichqirdi u meni qorga itarib yuborib. — It! — So'ng uning kulgisi sokinlikda yana jaranglab ketdi. Keyin Unga anavining murdasi oldiga qaytib bordi.

Hali aytganimdek, u meni pichoq bilan ikki marta urdi, lekin ochlikdan zaiflashib qolgani sababli, taqdir bu gal ham menga o'limni ravo ko'rmiagan ekan. Shunday bo'lsa ham men o'sha yerda qolib, ko'zlarimni yumib, abadiy uyquga ketmoqchi edim. Meni notanish yo'llardan yurgizgan, notanish o'lkalarga olib borgan, hayotlari mening hayotim bilan chirmashib ketgan mana shu odamlar bilan birga qolmoqchi edim. Lekin mening bo'ynimda qarz bor edi, shuning uchun narigi dunyoga safar qilish haqida o'ylashga hali vaqt erta edi.

Yo'llar uzoq, qahraton sovuq, ovqat oz edi. Pelli qabilasidan bo'lgan ovchilar ov qilishga hech narsa topohnasdan, mening oziq omborimni o'g'irlab ketibdilar. Men aytgan uchta oq odam Mak-Kveshchandagi omborni ham shunday qilibdilar. Le-kin men uy oldidan o'tib ketayotib ularning o'lib yotganlarini ko'rdim. Undan keyin men hech narsani eslay olmayman — qan-day qilib bu yerga kelganimni, qanday qilib ovqat va issiqlik topganimni bilmayman.

So'zini tamom qilgach, u pechkaga yaqin surildi. Yonib tur-gan qora chiroq qarshidagi devorga allanechuk qo'rqinchli soya tashlab turardi.

– Unga nima bo'ldi? – dedi Prins hikoyadan dahshatga tushib.

– Ungami? Unga qirg'ovulni yeyishdan bosh tortdi. Unga uning bo'ynidan quchoqlab, yuzini arslon yollariga surib yotib oldi. Men issiq bo'lsin deb gulkanni unga yaqinlashtirgan edim, u boshqa tomonga emaklab o'tib oldi. Men boshqa o't yoqdim, bu ham foyda bermadi. U ovqatdan bosh tortdi, axir! Ikkalasi hali ham o'sha yerda, qor ustida yotishibdi.

– Xo'sh, sen-chi? – deb so'radi Meylmyut Kid.

– Men nima qilishimni bilmayman. Akatan kichkina o'lka, u yerga qaytib borish va dunyoning bir chekkasida yashash istagim yo'q. Endi yashashimning nima keragi bor? Men kapitan Konsentayning oldiga qaytib boraman, u yerda qo'llarimga kishan urib, bo'ynimga arqon soladilar-da, mana bundoq qilib dorga osadilar; shunda men abadiy uyquga ketaman... To'g'risiki... yo'q, bilmayman.

– Menga qara, Kid! – dedi Prins g'azab bilan. – Axir, bu odam o'ldirish-ku!

– Jim bo'l! – dedi Kid jiddiy ravishda. – Shunday narsalar borki, ularga bizning aqlimiz yetmaydi.

Bunda kim haqli, kim aybdor ekanini biz bilmaymiz. Bu haqda hukm chiqarish bizning ishimiz emas.

Naas o'tga yana biroz yaqinlashdi. O'rtaga jimlik tushdi. Mana shu sokinlikda o'tirgan uch kishining ko'z oldilaridan kechmishtning xayollari bir-bir o'ta boshladи.

AYOL KISHINING MARDLIGI

Ko'zları ma'yus mo'ltilagan bo'rikalla it chodir etagini u yoq-bu yoqqa surib, qirov bosgan tumshug'ini ichkari suqdi.

— Ey, Sivash! Yo'qol-e, padaringga la'nat! — deb qichqirdilar norozilik bilan chodirdagilar baravariga. Bettlz tunuka lagancha bilan itning tumshug'iga tushlrdi, itning boshi bir zumda g'oyib bo'ldi. Lui Savoy eshik o'rnni o'taydigan chodirning brezent to'sig'ini bostirib qo'ydi-da, oyog'i bilan qizib turgan tovani ag'darib, unga qo'lmi tutib isita boshladı.

Sovuq juda qattiq edi. Ikki kun ilgari spirtli termometr olt-mish sakkiz gradus sovuqm ko'rsatdi-yu, paqqa yorilib ketdi. Sovuq borgan sari kuchayib borardi. Bunday sovuqlar qachon-gacha davom etishimi aytib bo'lmasdi. Shunday vaqtarda issiq pechkadan uzoqda bo'lishni va jon achituvchi muzday havodan nafas olishm dushmaningga ham ravo ko'rmaysan, kishi! Mana shunday sovuqda ham tashqariga chiqishga jur'at qilgan dovyuraklar ham topilib qoladi, lekin bunmg oqibati o'pkani sovuq oldirishga olib boradi; kishim quruq va kuchi- li yo'tal bo'g'a boshlaydi, yaqin orada yog' qizitilsa, yo'tal, ayniqsa, kuchayadi. Keyin bahorga yoki yozga borib esa muz-lagan yerni portlatib, go'r qaziydilar. Murdani go'rga qo'ya-dilar va ustini chim bilan yopib, shu holicha qoldiradilar. Bu murda sovuqda yotib to qiyomatgacha bus-butun saqlanib qoladi, deb chin yurakdan ishonadilar. Qiyomatda odamning tirilishiga ishonmaydigan skeptiklarga o'lish uchun Klondayk-dan tuzukroq joyni tavsiya qilish qiyin, albatta. Lekin bundan, Klondaykda yashash ham yaxshi ekan, degan xulosani chiqarib bo'lmaydi.

Palatkaning ichi tashqaridagidek sovuq bo‘lmasa ham, juda issiq ham emasdi. Chodir ichida uy jihizi desa bo‘ladigan birdan bir narsa pechka bo‘lganidan, hamma uning atrofiga to‘plangan edi. Chodir ichidagi joyning bir qismiga qarag‘ay shoxlari solingan, osti qor shoxlarning ustiga yana yung adyollar to‘shalgan. Chodirning boshqa bir tomonida, mokasinlar bilan bosilgan qor ustida dekcha, tova va qutb manzilida zarur bo‘lgan boshqa narsalar sochihb yotardi. Qip-qizil cho‘g‘ bo‘lib ketgan pechka-da o‘tin chars-churs qilib yonib yotar, lekin undan nihoyati uch qadam narida muz parchalari yotardi; ular shunday qattiq ediki, xuddi hozirgina daryo yuzidan o‘yib keltirilgandek. Tashqaridan g‘irillab sovuq kirib turganidan palatkadagi hamma issiq yuqoriga ko‘tarilardi. Pechkaning qoq yuqorisida, shipning mo‘ri chiqadigan joyida bir parcha quruq brezent oqarib ko‘rinadi. Undan narida brezent nam bo‘lib, undan bug‘ chiqib turibdi.

Undan ham yuqoriqda jiqqa ho‘l brezentdan suv tomchilab turardi. Palatka shipining qolgan qismini va devorlarini bir enlik oppoq quruq qirov qoplagan.

— A-a-ah! O-o-oh. Voy-voy-vooy! — deb ingrabi yubordi uygusida jun adyolga o‘ralib yotgan yigitcha. Uning oriq va so‘lg‘in yuzim soqol bosgan. U uyqudan uyg‘onmay turib og‘riqdan borgan sari battar ingrardi. Adyoldan chiqib turgan gavdasining yarmi xuddi tikanak ustida yotgandek bezovtalik bilan to‘lg‘anay-yotgani ko‘rinib turardi.

— Qani, uni yonboshiga ag‘darib qo‘ying-chi! — deb buyurdi Bettlz. — Yana tutqanog‘i tutib qoldi.

Shunda oltita o‘rtog‘i bir bo‘lib kasalning to tutqanog‘i o‘tguncha shafqatsiz ravishda u yoqdan bu yoqqa ag‘dardilar, ezdilar va kaltakladilar.

— Padariga la‘nat shu qorli yo‘llarning! — deb ming‘irladi yigit va ustidan adyolini olib tashlab, turib o‘tirdi. — Uch qishgacha surunkasiga o‘lkaning boshdan oyog‘ini kezib chiqdim — jismo niy jihatdan ko‘nikkan bo‘lishim kerak edi, axir! Endi mana shu la‘nati o‘lkaga kelib ko‘rsam, sovuqqa dosh berolmaydigan alla-qanday xotinchalishlarga o‘xshagan nozik ekanman.

U pechkaga yaqinlashib moxorka o'ray boshladi.

– Meni, hadeb g'imgshiyveradigan odam ekan, deb o'yla-manglar! Yo'q, men har qanday sharoitga ham bardosh bera olaman. Lekin hozir uyatga qolib o'tiribman, ko'rmaysizmi. Ko'p bo'lsa o'ttiz mil yo'l bosgandirman. Mana endi xuddi shahar atrofiga sayrga chiqib besh mil yo'l bosib kelgan be-morga o'xshab hamma yog'im qaqshab ketyapti, kasal bo'lib o'tiribman! Shunday ham bemazagarchilik bo'ladimi!.. Kimda gugurt bor?

– Qizishma, yigitcha! – deb Bettlz gugurt o'rniga kasalga cho'g' tutdi va nasihatomuz davom etdi. – Seni kechlrsa bo'la-di, hamma ham shunday sinovlardan o'tadi. Charchagansan, qynalgansan! Birinchi qilgan sayohatim hali esimdan chiqqani yo'q. So'log'im o'ynab ketgan! Muzni yorib ichasan-da, o'rming-dan turguncha ancha urinasan. Bo'g'in-bo'g'inlaring bo'shashib ketadi, suyaklaring shunday zirqirab og'riydiki, ba'zan aqldan ozay deysan. Tornir tortishini aytmaysanmi? Ba'zan shunday tortib qoladiki, qaddimni rostlaguncha butun manzil yarim kun-gacha ustimda o'lib bo'ladi! Hali yoshsan, ammo, barakalla, ti-rishqoq, o't yigit ekansan! Jussang ham joyida, asosiy masala shunda: senda ortiqcha yog' yo'q, o'shani deb ko'pgina sog'lom yigitlar vaqtidan oldinroq narigi dunyoga safar qiladilar.

– Yog'ning ortiqligidanmi?

– Ha, ha. Kimning suyaklari ko'proq yog' va go'sht bilan qoplangan bo'lsa, yo'l azobiga bardosh berolmaydi.

– Buni bilmas ekanman!

– Bilmas edingmi? Bu rost gap, shubha qilmasang ham bo'-ladi. Shunday devqomat odamlar bo'ladiki, ular bir zumda o'z zo'ravonliklarini ko'rsatishlari mumkin, lekin chidamga kel-ganda, qayda deysan. Bunday odamlardan umid qilma! Serpay, ozg'in odamlargina pishiq bo'ladi. Itning og'zidan suyakni tortib olsang olasanki, ular yopishgan narsani tortib ololmaysan. Yo'q, semiz odamlar bu ishga yaramaydi.

– Haq so'zni gapirding, – deb so'zga aralashdi Lui Savoy. – Men qo'tosdek baquvvat bir kishimi bilardim.

Shimoliy chashma tomonda yerlar bo'linib, qoziq qoqilayotganda, haligi yigit Lyun Mak-Feyn bilan birga o'sha tomonga jo'nadi. Lon esingdami? Kichkma sariq irlandiyalik, hamma vaqt iljayib yurardi. Ular yo'lga tushibdilar, bir kecha-kunduz yo'l bosibdilar. Haligi semiz odam holdan toyib, qorga yotib olavergan. Nozikkina irlandiyalik umi turg'azsa, sudrasa, u xuddi chaqaloqdek yig'lar emish. Shu tarzda butun yo'l bo'yi Lon uni sudrab, qistab borgan va men turgan manzilga olib kelgan. Mening uyimda u uch kungaeha ko'rpa-yostiq qilib yotdi. Erkak kishi shu qadar xotinchalish bo'ladi, deb sira o'ylamagan edim. Ortiqcha yog' mana shunday yomon oqibat-larga olib keladi.

— Aksel Gunderson-chi? — deb so'radi Prins. O'sha skandinaviyalik devqomat yigit va uning fojiali o'limi yosh muhandisga juda ta'sir qilgan edi. — U anavi tarafda, allaqayerlarda yotibdi... — deb Prins qo'lim noaniq silkib, sirli sharq tomonni ko'rsatdi.

— Yirik odam edi, Sho'r Suv sohillaridan bu yerkarga kelib, bug'u ov qilgan odamlar ichida eng yirigi edi, — deb qo'shib qo'ydi Bettlz. — Lekin u boyagi gapimizni tasdiqlovchi istisno edi. Uning xotini Unga esingdami? Uning badanida bir misqol ham ortiqcha yog' yo'q, turgan-bitgami pay edi. U eridan ham mardona edi. Ana o'sha xotin boshiga tushgan barcha og'irchilikka chidadi, faqat erimi o'ylar edi. Eri uchun desang, u hech narsadan ham bosh tortmas edi.

— Nima bo'libdi shu bilan, Unga erini yaxshi ko'rар ediда, — deb qo'ydi muhandis.

— Gap unda emas, axir! U xotin...

— Menga qaranglar, birodarlar, — deb oziq-ovqat solingen yashik ustida o'tirgan Sitka Charli gapga aralashdi. — Siz bu yerda baquvvat, sog'lom odamlarni zaif qilib qo'yadigan ortiqcha yog' haqida, xotinlarning mardligi va sevgi haqida gapirdinglar; yaxshi suhbat qurdinglar. Men hozir bir erkak bilan bir ayolni esladi. Ularni hali bu yerlar kam o'zlashtirilgan, odamlar yoqqan gulxanlar osmondagi yulduzlar kabi siyrak

bo'lgan zamonlarda uchratgan edim. Erkak gavdali, sog'lom edi, lekin unga hali siz ortiqcha yog' degan narsa xalaqit berardi, shekilli. Xotin esa nozikkima, lekin uning yuragi katta edi, buqaning yuragidek keladigan erkakning yuragidan ham kattaroq edi. Shuning uchun ham u ayol juda mardona edi. Biz Sho'r Suv tomonga bormoqda edik, yo'l og'ir, achchiq sovuq, qalin qor va ochlik bizning yo'ldoshimiz edi. Lekin bu xotin erini buyuk muhabbat bilan sevardi – bu sevgini faqat shunday deb atash mumkin.

Sitka jim qoldi. U bolta bilan oldida yotgan muzdan bir necha bo'lagini chopib oldi-da, pechka ustida turgan tunuka novga tashladi – shu yo'l bilan ular ichish uchun suv tayyorlar edilar. Erkaklar yaqinroq surildilar, kasal yigit esa tutqanoqdan keyin badani qattiq og'trimasin uchun zo'r berib o'ng'ayroq o'tirib olishga tirishar edi.

– Birodarlar, – deb davom etdi Sitka, – mening tomirlarimda sivashlarning qizil qoni oqib yotibdi, lekin yuragim oq tanli odamlarnikidan. Birinchisi – otalarimning aybi, ikkinchisi do'stlarimning yaxshiligidan. Hali yosh bola ekanimdayoq ko'zlarim achchiq haqiqatni ko'rdi. Men hamma yer sizlarniki ekanligini, sivashlar oqlarga qarshi kurashmoqqa quvvati kelmasligini, qorlar orasida xuddi ayiq va bug'ular singari o'lib ketishini angladim. Ana shundan keyin issiq joyga kelib, sizlarning o'rtangizdan, sizning o'chog'ingiz oldidan joy oldim-da, siz bilan aralashib ketdim. Men o'z umrimda ko'p narsani ko'rdim. Men g'alati narsalarni ko'rdim, turli qabila odamlari bilan ko'p yo'llarni bosib o'tdim. Odamlar va qilingan ishiar haqida siz kabi hukm yuritib, siz kabi o'ylay boshladim. Shuning uchun ham, agar men biror oq odam haqida yomon gap gapirsam, mendan xafa bo'lmasligimgizni bilaman. Bordi-yu, otalarim qabilasidan biror kishini maqtaydigan bo'lsam, siz: „Sitka Charli – sivash, uning ko'zları haqiqatni ko'rmaydi, uning tili yolg'on so'zlarni aytyapti“, deb aytmaysiz. Shundoq emasmi?

Tinglovchilar g'o'ng'illab, uning so'zini tasdiq qildilar.

— U ayolning oti Passuk edi. Men uni o‘z qabilasidan yaxshigina pulga halol sotib oldim. Bu qabila suvi sho‘r bir ko‘rfazga yaqin joyda, sohilda yashar edi. Xotin ko‘nglimga yoqmasdi, ko‘zlarim unga qarashni istamasdi, uning ko‘zi doim yerga tikilgan, yot kishining qo‘liga tushib qolgan va ilgari bu odamni hech ko‘rmagan hamma qizlar singari tortinchoq va qo‘rqoqday ko‘rinar edi. Men aytganimdek, bu xotin yuragimdan joy ololmadi. Lekin men uzoq safarga hozirlanayotgan edim, menga itlarimni boqadigan, daryoda suzganimda eshkak tortishadigan bir yordamchi kerak edi. Bir ko‘rpaga ikki kishi ham sig‘averadi, shuning uchun men Passukni tanladim. U vaqtlarda hukumat xizmatida edim, deb aytdim shekilli? Shuning uchun ham meni chanalar, itlar va oziq-ovqat zaxiralari bilan birga harbiy kema-ga oldilar; Passuk ham men bilan birga edi. Biz shimol tomonga, Bering dengizi muzliklari tomon yo‘lga chiqdik. O‘sha yerda bizni – memi, Passukni va itlarni kemadan tushirdilar. Hukumat xizmatchisi bo‘lganimdan menga pul, o‘sha yerning hali odam qadam bosmagan joylarining xaritalarini va xatlarni berdilar. Xatlar yaxshilab muhrlangan va qor-yomg‘irdan saqlash uchun yaxshilab o‘ralgan edi. Men bu xatlarni buyuk Makkenzi dar-yosiga yaqin joyda muzlar orasida qolgan kit ovlovchi kemalar-ga yetkazishim kerak edi. Daryolarning onasi bo‘lgan bizning Yukonni hisobga olmaganda, dunyoda Makkenzidan kattaroq daryo yo‘q.

Lekin gap bunda emas, chunki kit ovlovchi kemalarning ham, Makkenzi daryosi sohillarida men o‘tkazgan qahraton qishning ham hozir so‘zlab beradigan hikoyamga hech qanday aloqasi yo‘q. Bahor kelib, kunlar uzayib qolgandan keyin Pas-suk ikkovimiz janubga, Yukon sohillariga jo‘nab ketdik. Bu juda og‘ir sayohat bo‘ldi, lekm quyosh bizga yo‘lni ko‘rsatib turdi. Hali aytganimdek, bu tomonlar u vaqtida bo‘m-bo‘sh, kimsasiz joylar edi. Biz daryoning oqimiga tushib olib goh tayoq, goh eshkak yordami bilan suzib ketaverdik va axiyri Qirqinch Mil-ga yetib bordik. Yana qaytib oq tanlilarning oq yuzlarini ko‘rish biz uchun quvonchli edi. Biz sohilga tushdik.

O'sha qish juda sovuq bo'ldi. Sovuq bilan birga ochlik ham kelib yetdi. Kompaniyaning agenti odam boshiga qirq qadoqdan un va yigirma qadoqdan go'sht berdi, xolos. Loviya mutlaqo yo'q edi. Itlar doim zorlamb uvullashar, odamlarning qorni qapishib, yuzlarini ajin bosib ketdi. Baquvvat odamlar zaiflashar, zaiflar o'lardi. Qishloqda singa avj oldi.

Bir kum kechqurun biz do'konga bordik va bo'sh peshtaxtalarni ko'rib, qorinlarimiz battar ochdi; biz sham yoqmay o'choqqa yoqilgan o't yorug'ida asta suhbatlashib o'tirdik, chunki sham bahorga qadar tirik qoladigan odamlar uchun saqlab qo'yilgan edi. Biz o'zimizning qanday og'ir ahvolda qolganimizni bildirish uchun Sho'r Suvga biror kishini yuborish kerak degan qarorga keldik. Shunda odamlarning hammasi menga qarashdi, ular tajribali sayohatchi ekanimni bilishgamidan, menga ishonch blldirdilar.

— Daryo sohilidagi Keys missiyasi bu yerdan yetti yuz mil joyda, — dedim men, — butun yo'lni chang'i bilan bosish kerak. Menga eng yaxshi itlaringizni va eng yaxshi ovqatlaringizni bersangiz, mayli boraman. Passukni birga olib ketaman.

Odamlar rozi bo'lishdi. Lekin shu vaqt gavdali, baquvvat amerikalik yigit — Novcha Jeff o'midan turdi. U maqtanib gapirdi. U: „Men ham juda yaxshi yura olaman, men xuddi chang'ida yurish uchun yaratilganman, ona qo'tosning sutini ichib katta bo'lganman, — deb arz qildi. — Men ham birga boraman, agar yo'lda halok bo'lsang, men missiyaga borib, topshiriqn'i bajaraman“, dedi. Men u vaqtda ancha yosh edim, yankilarni yaxshi bilmasdim. Maqtanchoqlik bilan aytilgan gaplar zaiflikning birinchi belgisi ekanini, katta ishlar qo'lidan keladigan odam tilini tiyib yurishini u vaqtarda qayoqdan ham bilay! Shunday qilib, biz eng yaxshi itlarni va yaxshi ovqatlarni olib, Passuk, Novcha Jeff va men uchovimiz yo'lga tushdik.

Hammamiz ham chang'ida qor orasidan yo'l ochishimiz kerak bo'ldi, muzlab qolgan chanalarni o'midan siljitishimiz va muz to'siqlarini yorib o'tishimiz kerak edi. Shuning uchun men yo'l qiyinchiliklari haqida ko'p gapirib o'tirmayman. Lekin shuni

aytayki, ba'zan biz o'n mil yo'l bosdik, ba'zi kunlari esa o'ttiz mil yo'l bosdik. O'n mil yo'l bosgan kunlarimiz ko'proq bo'ldi. Eng yaxshi deb bergan ovqatlari uncha ham yaxshi emas edi, bundan tashqari, yo'lga tushgan kundan boshlab ovqatni tejab sarflash lozim bo'ldi. Eng yaxshi itlar zo'rg'a yurishar, biz esa ularni kuch bilan chana tortishga majbur qilar edik. Biz Oq daryoga horib yetganimizda, uchta chanamizdan ikkitasi qoldi, biz esa bor-yo'g'i endi ikki yuz mil yo'l bosgandik. To'g'ri, biz hech narsa yo'qotmadik: o'lgan itlar tirik qolganlariga ovqat bo'ldi.

Pelliga yetib kelgunimizcha na inson tovushini eshitdik, na biror o'choqdan ko'tarilayotgan tutunni ko'rdik. O'sha yerda men ovqat zaxiramizni ko'paytirib olamiz, yo'lda zaiflashib qolgan va tinmay zorlanib, ming'illab kelayotgan Novcha Jeffni o'sha yerda qoldirib ketamiz, deb o'yLAGAN edim. Lekin Pelli faktoriyasining omborlari deyarli bo'sh edi; kompaniyaning agenti qattiq-qattiq yo'talar, nafasi siqar, bezgakdan ko'zlari yonardi. U bizga missionerning bo'shab qolgan uyim va qabrini ko'rsatdi. O'likmi itlar qazib yeb ketmasim, deb qabr ustiga tosh qo'yib qo'yibdilar. Biz u yerda bir to'da hindularni ko'rdik, lekin ular o'rtasida bolalar va chollar yo'q edi; ularning ko'pchiligi bahorgacha tirik qolmasligi ayon edi.

Shunday qilib, qornimiz och, ma'yus holda yo'lga tushdik. Xeyns missiyasiga qadar qor sahrosi va sokinlik dengizidan yana besh yuz mil yo'l bosishimiz kerak. Yilning eng qorong'i paytlari, hatto tush paytida ham quyosh janubiy ufqm yoritmaydi. Lekin yo'limizda muz to'siqlari endi kam uchrardi, shuning uchun yo'l yurish ancha osonlashdi. Men itlarni to'xtovsiz olg'a haydar edim. Biz deyarli dam olmasdan yo'l bosardik. Aytganim to'g'ri chiqli – biz hamma vaqt chang'ida yo'l bosdik. Chang'ida yurishdan esa oyoqlarimiz zirqirab og'rir edi. Oyoqlarimiz yorilib va yara bo'lib ketdi. Kun sayin bu yaralar bizga battar azob berardi. Bir kuni ertalab chang'ilarni oyoqqa bog'layotgan edik, Novcha Jeff xuddi yosh bolaga o'xshab yig'lab yubordi. Men uni kichik chanalarga yo'l ochish uchun oldinga yubordim, lekin u yengil bo'lsin deb chang'ilarini olib qo'ydi. Shuning uchun yo'l-

ning qori bosilmay, u mokasinlari bilan yo'lni o'ydim-chuqur qilib boraverdi, itlar esa chuqurlarga tiqilib qolardilar. Itlar shu qadar oriqlab ketgan edilarki, juni ostidan suyaklari turtib chiqib turardi. Ular g'oyat qiyinchilik bilan qadam bosardilar. Men Jeffni rosa so'kib berdim. U chang'ilarni endi yechmaslikka va'da berdi, lekin so'zida turmadi. Shunda men uni qamchi bilan tortib yubordim, shundan keyin itlar qorga botmaydigan bo'ldi. U xudi chaqaloqqa o'xshar – yo'l azobi, undan keyin hali sen aytgan ortiqcha yog' uni kichkina bolaga aylantirib qo'ygandi.

Passuk-chi! Erkak kishi gulxan oldida yig'lab yotgan paytlarda, Passuk ovqat pishirar, ertalab itlarni qo'shishga, kechqurunlari esa chanadan chiqarishga menga yordamlashardi. Itlarimizni Passuk omon saqlab qoldi. U hamma vaqt oldinda borar va itlarga yo'l olib berardi. Passuk... nima desam bo'ladi! Men u vaqt-da hamma narsaga odatdagি bir ish deb qarab, hech narsa ustida o'ylamasdim. Fikrim boshqa narsalar bilan band edi, buning ustiga, men u vaqtida hali yosh edim, xotinlarni bilmasdim. Faqat so'ngroq, o'sha vaqtlnarni esga olib, xotinim qanday ajoyib odam ekanini anglab yetdim.

Jeff endi bizga faqat ortiqcha yuk bo'lib qoldi. Itlar holdan toy-ganligini bila turib, orqada qolgan paytlarda yashirincha chanaga yotib olardi. Passuk itlarni o'zi boshlab bordi, Jeffga ortiq hech qanday ish qolimagan edi. Men har kun ertalab uming ovqatimi halol bo'lib berar edim. Uning bir o'zi oldinga ketib qolar, biz esa narsalarni yig'ishtirib chanalarga ortar va itlarni chanaga qo'shar edik. Tush paytlarida quyosh xira nur socharkan, biz uning orqasidan yetib olar edik: u yig'lab-siqtab sudralib borar, ko'z yoshiari esa yuzida muz bo'lb qotib qolardi. Biz esa undan o'tib ketaverar edik. Kechalari biz tunash uchun to'xtaganimizda, Jeffning haqimi olib qo'yar va joyini solib berar edik. Bizni osonhk bilan topsin, deb katta gulxan yoqardik. Bir necha soatdan keyin u oqsoqlanib yetib kelar, ming vohlar bilan ovqatini yer, keyin uyquga ketardi. Har kuni ahvol shu. U kasal emas, charchagan, qiynalgan va ochlikdan zaiflashgan edi-ku! Shunga qaramay, hamma ishni biz qillardik, u esa hech ish qilmasdi. Hamma gap Bettlz amaki

aytgan ortiqcha yog'da bo'lsa kerak; axir biz hamma vaqt uning ovqatini halollik bilan berib bordik.

Bir kuni biz yo'lida, Oppoq Sokinlikda daydib yurgan ikki ko'lankaga duch keldik – bular bir erkak bilan bir bola edi. Ular oq tanlilar edi. Le-Barj ko'lida muz ochilib, ularning hamma narsasi suvga cho'kib ketibdi, ikkisining yelkasida bittadan adyol qolibdi, xolos. Kechasi ular o't yoqib, ertalabgacha o't oldida yotisharkan. Ularning ixtiyorida biroz un bo'lib, unni issiq suvga qorib ichishar ekan. Erkak menga sakkiz chashka un ko'rsatdi. Bor ovqatlari shu ekan, ocharchilik boshlangan, Pelligacha esa hali ikki yuz mil yo'l bosishlari kerak. Yo'lovchilar, biz bilan bir hindu kelayotgan edi, biz qo'limizdag'i ovqatni halol bo'lib berdik, lekin u orqada qolib ketdi, deyishdi. Men bunga ishonmadim, agar ular ovqatni insof bilan taqsimlagan bo'lsalar, nima uchun u orqada qolib ketadi?

Men ularga hech narsa berolmadim. Ular bizning eng semiz itimizni o'g'irlamoqchi bo'lishdi (eng semiz itimizning o'zi ham juda oriq edi), lekin men revolver o'qtalib qo'rqtidim va jo'nab qolishlarimi maslahat berdim. Keyin ular xuddi mast kishilardek sandiroqlab yo'lga tushdilar va Pelli tomonga qarab, Oppoq Sokinlik ichiga kirib ko'zdan g'oyib bo'ldilar.

Endi mening ixtiyorimda uchta it bilan bitta chana qoldi; itlarning ham eti borib ustixoniga yopishgan edi. O'tin oz bo'lsa, o't yomon yonadi, uyning ichi ham sovuq bo'ladi, biz ana shunday sharoitda yashardik. Biz juda oz ovqat yerdik, shuning uchun ham sovuq bizni jon azobiga solardi; yuzlarimizni sovuq urib, shunday qorayib ketgan ediki, mehribon onamiz ham bizni tanib ololmagan bo'lardi. Oyoqlarimiz qattiq og'rirdi. Ertalab yo'lga tushganimizda, qichqirib yuborishimizga oz qolardi – chang'ilar oyog'imizni shu qadar og'ritardi. Passuk lablarini qisib, tishini tishiga qo'yib, oldinda borar va bizga yo'l ochib berardi. Yanki esa hali ham zorlanib, sudralib borardi.

O'ttiz millik daryo tez oqadi, ba'zi joylarda suv muzni yuvib ketgan, yo'limizda muz ustiga suv toshgan, muz yorilgan, ba'zan muz ustini yoppasiga suv qoplagan joylar ham uchrardi. Bir kuni

biz ancha ilgari yo'lga tushgan Jeffni odatdagidek quvib yetdik. U dam olib o'tirgan ekan. Ikki oraliqda suv yoyilib yotibdi, u muz parchalari ustidan aylanib o'tgan, lekin chanalar muz parchasi ustidan yurolmaydi. Biz katta bir muz parchasini topdik. Passuk yiqlilib tushsam kerak bo'lib qolar, deb qo'liga uzun tayoq ushlab oldi-da, muz ustiga birinchi bo'lib qadam qo'ydi. Passuk yengil, chang'ilari enli – u eson-omon o'tib oldi-da, itlarni chaqirdi. Lekin itlarda tayoq ham, chang'i ham bo'lmanidan suvgaga g'darildilar, oqim ularni olib ketdi. Men chananing orqasidan mahkam ushlab tortdim, lekin qayishlar uzilib ketib, itlar muz ostida g'oyib bo'ldi. Itlar juda oriqlab ketgandi, lekin men, ular bizga bir haftalik ovqat bo'lar, deb o'ylagan edim – mana endi ular ham asfalasofilinga ketdi!

Ertasi kuni ertalab men qolgan butun oziqlarni bab-baravar qilib uchga bo'ldim-da, Novcha Jeffga: „Biz bilan ketasanmi, orqada qolasanmi – o'zing bilasan, bizning yukimiz endi yengilashidi, shuning uchun endi biz tez yuramiz“, dedim. U oh-voh qila boshladi, yara oyog'i va boshqa qiyinchiliklarni ro'kach qillb zorlandi, yomon do'st ekansan, deb mendan ginaxonlik qildi. Passukning oyoqlari ham, mening oyoqlarim hiam unikidan qattiqroq og'rirdi, chunki biz itlarga yo'l ochib borardik, bizga ham qiyin edi. Novcha Jeff, o'lsam ham shu yerdan qimirlamayman, deb qasam ichdi. Passuk indamay jun adyolni oldi, men esa bolta bilan dekchani ko'tardim-da, yo'lga tushmoqchi bo'ldik. Lekin xotinim Jeffga ajratib qo'yilgan ovqatga qaradi-da: „Mana bu chaqalloqqa shuncha ovqatni qoldirib ketish ahmoqlik bo'ladi. Yaxshisi, u o'lsin“, dedi. Men bosh chayqadim: „Do'st hamma vaqt do'st bo'lib qoladi“, dedim. Shundan keyin Passuk Qirqinchi Mildagi odamlarni esimga soldi – ular haqiqiy erkaklar, ular ko'pchilik, ular sendan yordam kutib yotibdilar, dedi. Men yana „yo'q“, degan edim, Passuk belimga qistirilgan revolverni oldi, shundan keyin Novcha Jeff, boyta Bettlz amaki aytgandek, ajalidan besh kun oldin bobolarining oldiga ravona bo'ldi. Men Passukni urishdim, lekin u qilgan ishiga pushaymon hiam bo'lmasdi, qayg'u ham chekmadi. Ichimda Passuk haq ekanligini e'tirof qildim.

Sitka Charli jim qoldi va pechka ustidagi tunuka novga yana bir necha parcha muz tashladi. Erkaklar indamay o'tirar edilar. Itlar xuddi dahshatli sovuqdan zorlanayotgandek mungli-mungli uvullashardi. Ularning uvullahidan odamlarning badani jimirlab ketardi.

– Har kuni yo'l ustida haligi ikki ko'lankaning tunagan joylarini uchratib bordik. Ular to'g'ridan to'g'ri qor ustida yotib qolaverganlar. Sho'r Suvga yetib olgunimizcha hali bunday tunashni orzu ham qilib qolarmiz, deb xayolimdan o'tkazardim. Keyin biz uchinchi ko'lanka – hinduni ham uchratdik, u ham Pelliga borardi. Uning aytishiga qaraganda, erkak bilan bola unga ovqatni kam berib, insofsizlik qilganlar, mana uning tamom bo'lganiga uch kun bo'libdi. Kechalari u mokasinidan tilib olib, qaynatib yer ekan. Endi mokasinidan ham deyarli hech narsa qolmabdi. Bu hindu dengiz sohilidan ekan, men u bilan Passuk orqali gaplashdim. Passuk uning tiliga tushunardi. U hech qachon Yukonda bo'lмаган, yo'lmi ham bilmas ekan, shunga qaramay o'sha tomonga qarab borardi. Yo'l uzoqmi? Ikki kunlikmi? O'n kunlikmi? Yuz kunlikmi? U bilmas ekan, lekin Pelliga qarab ketmoqda ekan. Orqaga qaytish juda ham uzoq, shuning uchun u faqat olg'a qarab borayotgan ekan.

U bizdan ovqat so'ramadi, chunki o'zimizning ahvolimiz ham qiyin ekanligini u ochiq ko'rdi. Passuk nima qilishini bilmay, xuddi bolalarining boshiga kulfat tushgan qirg'ovul onadek, goh hinduga, goh menga qarardi. Men Passukka qayrilib qaradim.

– Bu odamga nisbatan insofsizlik qilganlar. Ovqatimizdan bir qismini bersak, qandoq bo'lar ekan? – deb so'radim men.

Men uning ko'zlarida shodlik uchqunlarini ko'rdim, lekin u hinduga, keym menga uzoq qarab turdi, uning lablari qat'iy jipslashdi. Keyin uzil-kesil javob qildi:

– Yo'q. Sho'r Suvgacha hali yo'l uzoq, yo'lda bizni o'lim poylab yotibdi. O'lim mana shu notanish odamni ola qolsim, mening erim Charlini tirik qoldirsin.

Hindu Oppoq Sokinlik ichiga kirib yo'qoldi, u Pelli tomon-ga qarab ketdi.

Kechasi Passuk yig'lab chiqdi. Men ilgari uning ko'z yoshlarini hech qachon ko'rmagan edim. Uning yig'lashi achchiq tutundan emasdi, chunki o'tin quppa-quruq edi. Uning qayg'usi memi hayron qoldirdi, zulmat va og'riq uning tinkasini quritibdi shekilli, deb o'yladim.

Hayot – g'alati narsa. Men hayot haqida ko'p o'yladim, ko'pdan beri shu to'g'rida bosh qotiraman, lekin nazarimda u kun sayin murakkablashayotir. Nima uchun yashashni shunchalik yaxshi ko'ramiz? Axir, hayot bir o'yin-ku. Bu o'ymda inson hech qachon g'olib chiqmaydi. Yashash to qarilik yetib kelmaguncha, og'ir mehnat qilish va azob-uqubat chekish demakdir. Qarilik yetib kelganda, biz o'chib qolgan gulxanning sovuq kulin'i changallaymiz. Yashash og'ir. Chaqaloq azob ichida tug'iladi, qari odam azob ichida so'nggi nafasini chiqaradi, bizning butun umrimiz qayg'u va tashvish bilan o'tadi. Shunga qaramasdan, inson qoqilib-suqilib, tevarak-atrofga olazarak bo'lib qaraydi va o'limning quchog'iga o'zini istamaygina tashlaydi. O'lim ezgu narsa-ku! Faqat hayot alam chektiradi. Ammo biz hayotni yaxshi ko'ramiz-u, o'limdan nafratlanamiz! Bu qiziq narsa!

Biz, ya'ni Passuk bilan men kam gaplashardik. Kechalari qor ustida o'likdek qotib uxlardik, ertalab o'rnimizdan turib, yana murdalardek indamay yo'lga tushardik. Tevarak-atrofimiz hammasi jonsiz, o'lik, na qirg'ovul, na ohmaxon, na quyosh – hech narsa ko'rinnmaydi. Daryo ham o'zining oppoq pardasi ostida sukutga botgan. O'rmonda hamma narsa o'lgan. Sovuq ham xuddi hozirgidek. Kechalari yulduzlar katta va yaqin bo'lib ko'rinar, sakrashar, raqsga tushar edilar; kunduzlari esa, nazarimizda, quyosh juda ko'payib ketgandek bo'lib tuyulgancha bizning jig'imizga tegardi. Havo yarqirar, qor esa xuddi olmos zarralariga o'xshardi. Na biror gulxan ko'rinnadi, na biror tovush eshitiladi – hamma yoqni sovuq va Oppoq Sokinhik qoplagan. Biz vaqtning hisobidan adashdik, o'zimiz xuddi murdalardek qadam tashlab borardik. Bizning ko'zlarimiz faqat Sho'r Suv tomonga tikilgan, fikr-xayolimiz Sho'r Suv bilan band. Oyoqlarimizning o'zi Sho'r Suv tomonga olib ketayotir.

Biz Taxkinaga borib to'xtadik, umi tanimadik. Bizning ko'zlarimiz Oq Otga tikilar, lekin uni taniyolmas edi. Oyoqlarimiz Kanon tuprog'iga qadam bosdi, lekin biz buni sezmadik. Biz hech narsani his qilmasdik. Biz tez-tez yiqlilar, lekin yiqlayotib ham Sho'r Suv tomondan ko'zimizni olmasdik.

Biz bab-baravar baham ko'rib kelgan ovqatimiz tugadi, lekin Passuk tez-tez yiqlardi. Bug'u dovoniga yaqin kelganda Passuk holdan toydi. Ertalab ikkimiz ham bitta adyolga o'ralib yotar va yo'lga tushishni o'yamas ham edik. Shu yerda qolib, Passuk bilan birga qo'l ushlashgan holda o'limni qarshi olishni istadim, chunki men ulg'ayib qolgan, xotinning sevgisi nima ekanligini tushuna boshiagan edim. Xeyns missiyasiga yana sakson mil yo'l bor edi. Lekin uzoqda, o'rmonning orqasida, cho'qqisini bo'ronlar sidirib ketgan Chako't tog'i qad ko'tarib turibdi.

Shunda Passuk eshitishim oson bo'lsin uchun og'zini qu-log'imga tutib so'zlay boshiadi. Endi u mening g'azabimdan qo'rmasdi, Passuk menga yuragini ochib, o'zining muhabbati va ilgari men tushunmay yurgan ko'p narsalar haqida gapirdi.

— Sen mening erimsan, Charli, — dedi u, — senga yaxshi xotin bo'ldim. Hamma vaqt senga o't yoqib berdim, ovqatingni pishirdim, itlaringni boqdim, qor kurab yo'l ochdim, lekin hech qachon zorlanmadim. Otamning vigvami issiqroq edi yoki bizning Chilkatda ovqat ko'proq edi, deb hech ta'na qilmadim. So'zlaganingda qulq soldim. Buyruq berganingda ijro etdim. Shunday emasmi, Charli?

— Ha, shunday, — deb javob berdim men.

U davom etdi:

— Birinchi marotaba Chilkatga kelib, meni sotib olganingda, hech bo'limganda it sotib oluvchi odamdek biror marta yuzimga boqmading. Memi o'zing bilan olib ketding. O'shanda yuragimda senga qarshi norozilik qo'zg'aldi, butun vujudimni alam va qo'rquv bosdi. Lekin bunga ko'p zamonlar bo'ldi. Ko'ngli yumshoq odam o'z itini avaylaganidek, sen ham menga rahm-shiafqat qilding, Charli. Ammo yuragingdan menga o'rinn bermading, lekin hamma vaqt menga nisbatan odil eding, menga lozim bo'lganicha

yaxshi muomala qilding. Sen mardonavor ishlar qilganingda va katta xavf-xatarga qarshi ko'krak kerib borganingda, men hamma vaqt yoningda birga bo'ldim. Men seni boshqa erkaklar bilan solishtirib ko'rdim – sen ularning ko'pidan yaxshi eding, o'z nomus singni yaxshi saqlar eding, so'zlarining dono, tilimg esa rostgo'y edi. Shunda sen bilan faxrlana boshladim. Shunday vaqt yetib keldiki, mening butun yuragimni, fikr-xayolimni egallab olding. Nazarimda, sen oltin so'qmoq bo'y lab yuradigan va bir zumga ham o'z osmonini tark etmaydigan yozgi quyosh eding. Ko'zlarim qaysi tomonga qaramasin, o'z quyoshimni ko'rар edim. Ammo sening yuraging, Charli, sovuq edi. Unda menga joy yo'q edi.

– Ha, shunday bo'lган edi, – deb javob berdim. – Menimg yuragim sovuq edi, unda senga joy yo'q edi. Ammo ilgari shunday edi. Hozir yuragim quyosh qaytib kelgan bahor paytidagi qorga o'xshaydi. Yuragimda hamma narsa eriyotir, unda chashmalar shildirab oqayotir, hamma narsa qulf urib gullayotir. Qirg'ovullarning ovozlari, qushchalarining sayrashi eshitilyapti, musiqa yangrayapti, chunki qish mag'lubiyatga uchradi, Passuk, men bo'l sam xotin kishining sevgisini tushundim.

Passuk tabassum qildi va yana ham pimjimga tiqilib oldi.

– Xursandman, – dedi u.

Shundan keyin anchagacha jim yotdi, boshini ko'ksimga qo'yib ohista nafas olardi. Keyin u shivirladi:

– Mening yo'lim shu yerda tamom bo'ldi, charchadim. Senga ikki og'iz gap aytmoqchiman. Bundan ko'p vaqtlar ilgari, men hali kichkina qiz ekanimda ko'pincha otamning Chilkatdag'i vigvamida yolg'iz qolardim, chunki erkaklar ovga ketishar, xotinqizlar va bolalar o'rmonda ov-o'ljalarini tashir edilar. Kunlardan bir kun, bahor chog'lari edi, teri ustida o'tirgan edim. Birdan qishki uyqusidan endigina uyg'ongan och va oriqlagan targ'il ayiq vigvamga boshini tiqib: „u-uh“ deb bo'kirib yubordi. Xuddi shu vaqt akam ov o'ljalarini chanaga ortib kelib qoldi. **U** o'choqda yonib turgan to'nkani ushiab, sira tap tortmay ayiq bilan olishib ketdi. Itlar esa chanalarni sudragan holda ayiqqa yopishib oldilar. Katta jang bo'ldi, shovqin-suron ko'tarildi. Ular o'tga

yumalab tushdilar, terilarni har tomonga irg‘itib tashladilar, vig‘vamni ag‘dardilar. Pirovardida, ayiq jon berdi, lekin akamning bir barmog‘i ayiqning og‘zida qoldi, yuzida esa ayiq panjalarining izlari qoldi. Sen Pelliga ketayotgan hinduning qo‘liga e‘tibor berdingmi, o‘tga tutib turgan qo‘lining katta barmog‘i yo‘q ekan... U mening akam edi. Men unga ovqat bermadim, u ovqatsiz Oppoq Sokinlik ichiga kirib ketdi.

Mana, birodarlar, Passukning muhabbat shu qadar kuchli edi. Passuk Bug‘u dovonida qor ustida uzildi. Uning sevgisi buyuk sevgi edi. Axir, xotin kishi uni og‘ir yo‘llar bilan boshlab halokatga olib borayotgan erkak uchun o‘z akasini qurban qildi-ya. Uning sevgisi shiu qadar kuchli ediki, hatto o‘zini ham ayamadi. Ko‘zları so‘nggi marta yumilishdan oldin Passuk mening qo‘llarimni olib, olmaxon terisidan qilingan nim-chasining ichiga suqdi. Qo‘lim belida bir narsa tiqilgan xaltaga tegdi, shunda hamma gapga tushundim. Kun sayin biz ovqatni bab-baravar bo‘lar edik, lekin Passuk o‘ziga tekkan ovqatning yarmisini yer ekan. Yarmisini esa mana shu xaltachaga solib, menga saqlab yurar ekan.

— Mana, Passukning hayot yo‘li tugadi, — dedi u. — Sening yo‘ling esa, Charli, hali tamom bo‘lgani yo‘q, bu yo‘l seni buyuk Chilkat orqali dengiz sohillariga, Xeyns missiyasiga olib boradi. Bu yo‘l semi borgan sari uzoqqa olib ketaveradi, quyosh mo‘l-ko‘l shu‘la sochadigan yot o‘lkalar va ulkan dengiz-larga olib boradi; mana shu yo‘lda seni uzoq umr, izzat-ikrom va buyuk shon-sharaf kutadi. Bu yo‘l seni ko‘pgina xotinlarning uyiga, yaxshi xotinlarning oldiga olib boradi, lekin sen hech qachon Passukning sevgisi kabi ulug‘ sevgini uchratmaysan.

Passukning so‘zları haq ekanligini sezib turardim. Hayajonga tushdim. Men ozuqa bilan to‘ldirilgan xaltachani uloqtirib tashladim va, mening yo‘lim ham tugadi, men ham sen bilan qolaman, deb qasam ichdim. Lekin Passukning horg‘in ko‘zları yoshga to‘ldi va:

— Odamlar Sitka Charlini hamma vaqt vijdonli odam, deb hisoblar edilar, — dedi Passuk. — Uning har bir so‘zi haqiqat edi.

Nahotki, u o'z nomusini unutib, endi Bug'u dovoniga kelganda, bo'limg'ur gaplarni gapirib o'tirsa! Nahotki, u o'zlarining eng yaxshi ovqatlari, eng yaxshi itlarini bergen Qirqinchi Mildagi odamlarni unutgan bo'lsa! Passuk hamma vaqt o'z eri bilan faxrlanar edi. Passuk ilgarigidek sen bilan faxrlansin, desang o'mingdan tur, chang'ilaringni bog'la-da, yo'lga tush.

U quchog'imda jon berib badani sovuganda, o'rnimdan turib, oziq-ovqat solingen xaltachani topib oldim-da, chang'ilarni oyog'imga bog'lab, gandiraklay-gandiraklay yo'lga tushdim. Oyoqlarimning madori ketgan, boshlm aylanar, qulqolarim shang'illar, ko'z oldilarim qorong'ilashib ketar edi. Yoshlikning unutilgan manzaralari ko'z oldimdan o'taverdi. Ziyofatda qaynayotgan qozonlar oldida o'tirar edim, qo'shiq aytar va yigitlarning qo'shig'i, dengiz mushugi terisidan qilingan baraban tovushlari ohangiga o'yin tushardim; Passuk bo'lsa mening qo'limdan ushlab, hamma vaqt men bilan birga borardi. Uyqua ketganimda, meni uyg'otardi. Qoqilib yiqilganimda, suyab ko'tarardi. Qalin qorlarda adashib qolganimda, to'g'ri yo'lga olib chiqardi. Mana, mast odamdek ko'zimga g'alati narsalar ko'rina boshladi, ana shu taxlitda dengiz sohilidagi Xeyns missiyasiga yetib keldim.

Sitka Charli o'rnidan turib, chodirming bir tomonini ko'tarib tashqari chiqdi. Tush payti edi. Janub tomonda, Genderson tog' qirralari ustida quyoshning haroratsiz gardishi muallaq turardi. Havo yiltiroq qirovdan yasalgan o'rgimchak uyasiga o'xshardi. Oldinda, yo'l ustida bo'riga o'xshagan bir it o'tirardi. Yunglari tarashadek qotgan bu it tumshug'ini osmonga ko'tarib zorlanib uvullardi.

HAYOTGA MUHABBAT

Ular oqsoqlanib, soyga tomon tushib borishardi. Hamrohlaridan biri, oldinda ketayotgani, toshloq yerda qoqilib, gandiraklab ketdi. Ikkalasi ham charchab holdan toygan, yuzlaridan chidam va itoatkorlik ifodalarini ko'rinish turadi – bu uzoq vaqt qiyinchilik chekish natijasi. Orqalaridagi qayish bilan tortib bog'langan og'ir yuklari yelkalarini ezadi. Ikkalasida ham bittadan miltiq. Ikkalasi ham bukchayib, engashib, ko'zlarini yerdan uzmay boradilar.

– Qani endi yashirib qo'ygan joyimizdag'i o'qlardan hozir ikkitaginasi bo'lsa, – deb qo'ydi ulardan biri.

Azbaroyi madorsizligidan ovozi zaif chiqdi. O'zi behafsala gapirar edi; toshlarga urilib, ko'piklanib oqayotgan sutdek op-poq suvga endi oyoq bosgan sherigi esa, unga hech narsa deb javob bermadi.

Ikkinchisi ham sherigi orqasidan suvga tushdi. Suv muzdek sovuq bo'lishiga qaramay, ular oyoq kiyimlarini yechmadilar, suv shu qadar sovuq ediki, ularning oyoqlari, hatto oyoq barmoqlari ham sovuqdan uvushib qoldi.

Ba'zi joylarda suv tizzadan kelar, shitob bilan urilganda o'zlarini tutolmay gandiraklab ketardilar.

Orqada kelayotgan yo'lovchi silliq toshga tiyg'anib ketib yiqilishiga oz qoldi, og'riqdan qattiq ixrab yubordi-yu, ammo yiqilmadi. Boshi aylandi, shekilli, munkib ketib, xuddi havodan tayanch topishga intilgandek bo'sh qo'lini oldinga cho'zdi. O'zini o'nglab oldi-da, oldinga qadam bosdi, lekin yana toyib ketib, sal bo'lmasa yiqilayozdi. Shundan keyin to'xtab, o'z sherigiga qarab qo'ydi: sherigi esa orqasiga ham qaramay, hamon oldinga ketmoqda edi.

Bir narsam o'ylayotgandek, birpas qimirlamay turdi, keyin:
– Menga qara, Bill, oyog'imni chiqarib oldim! – deb qichqirdi.

Bill oyoqlarini sudrab sutdek oppoq suvdan kechib borardi.

U orqasiga biror marta ham qayrilib qaramadi. Sherigi uning orqasidan qarab turardi, yuzi hali ham avvalgidek hech narsani ifoda qilmasa-da, ko'zlarida yaralangan bug'u singari chuqur qayg'u belgilari paydo bo'ldi.

Mana, Bill qarshi qirg'oqqa o'tib oldi-da, kalovlanib yurib ketdi. Suvning o'rtasida turgan hamrohi undan ko'zini olmay qarab turdi. Uning lablari shu qadar titrar ediki, o'siq sariq mo'yloving tuklari uchib-uchib ketardi. U tilining uchi bilan qoq qurigan lablarini bir yalab oldi-da:

– Bill! – deb qichqirdi.

Bu falokatga yo'liqqan odamning jon achchig'idagi hayqirig'i edi, ammo Bill qayrilib qaramadi. Orqada qolib ketgan sherigi uning orqasidan uzoq vaqt qarab turdi: sherigi lapanglab, oqsoqlanib, qoqilib-suqilib, tepalikda ko'ringan egri-bugri ufq chiziqlari tomon asta-sekin ko'tarilib borardi, Bill to tepalikni oshib, ko'zdan g'oyib bo'lib ketguncha, sherigi uning orqasidan qarab turdi. Shundan keyin u tarafdan ko'zini uzdi va Bill ketgandan keyin o'zi yolg'iz qolgan yerni bir-bir ko'zdan kechirib chiqdi.

Xuddi ufq tepasida g'ira-shira va cheksiz-chegarasiz quyuq tuman pardasi ortidan zo'rg'a ko'rinyotgan quyosh xira nur sochib turadi. U butun og'irligini bir oyog'iga solib turib, soatini oldi, soat to'rt edi. So'nggi ikki hafta ichida u hisobni yo'qtib qo'ydi: iyulning oxiri yoki avgustning boshlari bo'lganidan quyosh shimoli-g'arbda bo'lishi kerak edi. U janub tomonga qaradi, mana shu yoqimsiz tepaliklar orqasida allaqayerda Katta Ayiq ko'li bor, xuddi o'sha tomonda Kanada sahrosidan mudhish shimoliy Qutb doirasi o'tadi, deb o'ylab qo'ydi, u turgan soy Koppermayn daryosining irmog'i, Koppermayn esa shimol tomonga oqib, Koronatsiya ko'rfaziga, Shimoliy Muz dengiziga quyiladi. Uning o'zi u yerlarga hech qachon bormagan, lekin buning hammasini bir kun Gudzon ko'rfazi kompaniyasining xaritasida ko'rgan.

U o'zi yolg'iz qolgan joyini yana bir marta ko'zdan kechir-di. Tevarak-atrof sovuqdan sovuq bir manzarani tashkil etardi. Pastakkina tepachalar bir xildagi egri-bugri chiziq hosil qilib, to ufqqa tutashguncha cho'zilib ketgan. Na biron daraxt, na buta, na o't-o'lan ko'rindi – poyonsiz va dahshatli sahrodan boshqa hech narsa yo'q. Uning ko'zlarida qo'rquv ifodalari ko'rindi.

– Bill! – deb pichirladi u, ketidan yana: – Bill! – deb takrorladi.

Poyonsiz sahro go'yo qudratli kuchi bilan bosayotganday, mudhish sokinligi bilan ezayotganday, u loyqalanib oqayotgan soy o'rtasida cho'qqayib o'tirib qoldi. U xuddi bezgak tutayotgandek qaldirab ketdi, shu payt miltig'i shalp etib suvga tushdi. Bu uni o'ziga keltirdi. U qo'rquvni yengib, es-hushini yig'di, keyin qo'lini suvga tiqib paypaslandi-da, miltig'ini topdi. So'ng mayib oyog'iga og'irlik kamroq tushsim uchun yukmi chap yelkasiga surib oldi va har oyoq bosganda og'riqdan basharasini burishtirib, zo'r ehtiyot bilan sekin-asta qirg'oqqa yura boshiadi.

U to'xtamay yuraverdi. Og'riqqa sira e'tibor bermay, o'l-gudek tirishqoqlik bilan shoshib Bill oshib o'tib ketgan tepalik ustiga chiqaverdi, shunda o'zi kalovlanib zo'rg'a oyoq sudrab borayotgan Billdan ham kulgiliroq va qo'polroq bo'lib ketdi. Tepalikka chiqib qarasa, vodiyda hech kim yo'q ekan! Uni yana qo'rquv bosdi, keyin qo'rquvni yana yengib, qopini chap yelkasiga yana ham surib oldi-da, oqsoqlanib-oqsoqlanib pastga tusha boshladi.

Vodiyning pastligi balchiqzor bo'lib, chimlik jiqqa suv edi. Har qadam bosganda suv sachrar, oyog'ini nam chimlikdan har ko'tarib bosganda shalop-shulup etgan tovush chiqardi. U Bill-nmg izidan yurishga intilib, ko'loblarni aylanib o'tar yoki chimliklar ustida xuddi orol singari qaqqayib turgan toshlar ustidan borardi.

U yolg'iz qolgan bo'lsa ham yo'ldan adashmadi. Yana biroz yurgandan keyin atrofini pastakkina nimjon quruq pixta va archalar o'rabi yotgan kichkina Titchinnichili ko'liga yetib borishi-

ni bilardi, bu ko'lning ismi mahalliy tilda „Kichik Og'ochlar O'lkasi“ degan ma'noni anglatardi. Shu ko'lga bir ariq kelib quyiladi, suvi ham loyqa emas. Ariq bo'yalarida qamish o'sadi. Buni u yaxshi eslaydi, lekim u yerda daraxt yo'q. U ariq bo'ylab yuqoriga, soygacha boradi. Shu yerdan g'arbga oqayotgan boshqa bir ariq yoqalab Diz daryosiga qadar boradi. Xuddi o'sha yerda ustiga tosh bostirilgan, to'nnkarib qo'yilgan qayiq ostiga yashirib qo'yilgan narsalarni topadi. U yerda miltiq o'qi, baliq tutadigan qarmoq va qarmoq iplari, kichik bir to'r, umuman, ovqat topish uchun zarur narsalarning hammasi yashirib qo'yilgan. Bundan tashqari, o'sha yerda oz bo'lsa ham un, bir parcha go'sht, loviya ham bor.

Bill uni o'sha yerda kutib turadi, keyin ikkisi Diz daryosi bilan Katta Ayiq ko'liga boradilar, undan keyin ko'ldan o'tib janubga, to Makkenzi daryosiga yetib olguncha doim janubga qarab boraveradilar. Janubga, hamma vaqt janubga qarab bora-veradilar – qish esa ularni quvib boradi. Tezoqar soy va jilg'alar muz bilan qoplanadi, sovuq tushadi, ular esa janubga Gudzon ko'rfazidagi faktoriyalardan biriga yetib oladilar, u tomonlarda baland-baland, azamat daraxtlar o'sadi va oziq-ovqat ham istagancha topiladi.

Zo'rg'a sudralib borayotgan yo'lovchi mana shular haqidagi o'ylar edi. Lekin yurish qanchalik og'ir bo'lmisin. Bill uni yolg'iz tashiab ketmaydi degan fikrga ishonish undan ham qiyin edi. Bill hech shubhasiz uni narsalar yashiringan joyda kutib o'tiradi. U shunday deb o'ylashi kerak, aks holda bundan keyin kurashni davom ettirishning hech qanday ma'nisi yo'q, unda oyoqni cho'zish-u, o'lib qo'ya qolishdan boshqa iloj yo'q. Quyoshning xira gardishi shimoli-g'arb tomonga sekin-asta yashirina borar ekan, u Bill bilan birga yaqinlashib kelayotgan qishdan qochib, janub tomonga qo'yiladigan har qadamini hisoblab chiqdi. U narsalar yashirilgan joydagi va Gudzon ko'rfazi kompaniyasining omboridagi oziq-ovqat zaxirasini qayta-qayta xayolidan kechirdi. Ikki kundan beri u hech narsa yegani yo'q, lekin undan ilgari ham to'yib ovqat yemagan edi. U tez-tez egilib, rangsiz

botqoq mevalarini uzib og‘ziga solar va chaynab yutib yuborardi. Mevalar juda sersuv, suvi ichiga ketib, og‘zida faqat taxir va qattiq urug‘larigina qolardi. Bu mevalar qorin to‘yg‘azmasligini billardi, shunday bo‘lsa ham ularni sabr bilan chaynar, chunki umid achchiq haqiqat bilan hisoblashmoqni istamas edi.

Soat to‘qqizlarda u oyog‘ining katta barmog‘imi o‘tkir tosh qirrasiga urib oldi. Charchoq va darmonsizlikdan gandiraklab yiqlilib tushdi. Bir yonboshiga ag‘anab, anchagacha qimirlamay yotdi. Undan keyin orqasidagi qop qayishini yelkasidan chiqarib, ixrab-ixrab o‘tirib oldi. Hali uncha qorong‘i tushganicha yo‘q edi, shu g‘ira-shirada toshiar orasini paypaslab, quruq xasco‘p yig‘a boshladi. Bir tutam xas-cho‘p yig‘ib o‘t yoqdi, keyin kotelokka suv solib, tutab-burqsib yonayotgan o‘tga qo‘ydi.

U qopni ochib, hammadan burun gugurtlarni sanab ko‘rdi. Hammasi bo‘lib oltmis yetti dona gugurt cho‘pi bor edi. U, yanglishgan bo‘lmay, deb gugurtni uch marta sanab chiqdi. Gugurtni uch bo‘lakka ajratib, har bir bo‘lagini qog‘ozga o‘radi. Bir bo‘lagini bo‘sh hamyoniga solib qo‘ydi, ikkinchisini eskirib ketgan shapkasingning astariga tiqdi, uchinchisini esa ko‘kragiga yashirib qo‘ydi. Bu ishni tamom qilgandan keyin uni birdan qo‘rquv bosdi: uch bo‘lak gugurtni yana ochib, qaytadan sanab ko‘rdi. Gugurt avvalgidek oltmis yetti dona edi.

Oyoq kiyimini o‘tga tutib quritdi, mokasini yirtilgan, adyol dan tikilgan paypoqlari chilteshik, oyoqlari bo‘lsa qontalash bo‘lib ketgandi. To‘pig‘i qattiq og‘rirdi, u to‘pig‘ini ko‘zdan kechirdi. To‘pig‘i xuddi tizzasidek yo‘g‘on tortib, shishib ketgandi. U adyollaridan bittasining chetidan uzun qilib yirtib oldi, to‘pig‘ini mahkam siqib bog‘ladi. Keyim yana bir necha parcha yirtib olib, mokasin va paypoq vazifasmi o‘tasin, deb oyog‘ini aylantirib o‘radi-da, qaynagan suvdan ichib oldi, soatini buradi, so‘ng adyolga o‘ranib yotdi.

U dong qotib uxladi. Yarim tunga borib qorong‘i tushdi, lekin bu uzoqqa cho‘zilmadi. Shimoli-sharqdan quyosh ko‘tarildi, to‘g‘rirog‘i o‘sha tomondan tong yorisha boshladi, chunki quyosh yuzini quyuq tuman qoplagan edi.

Soat oltida u chalqancha yotgani holda uyqudan uyg'ondi, kulrang osmonga qaradi va och qolganini sezdi. Tirsagiga suyanib qaddini ko'tardi va qayrilib qaragan edi, qulog'iga qattiq pishqirgan tovush eshitildi. Qarasa, sezgirlik va qiziqish bilan bir bug'u unga qarab turgan ekan. Bug'u undan ellik qadamcha joyda turardi. Shu ondayoq tovada jizillab qovurilayotgan bug'u go'shtining hidi dimog'iga urilgandek, o'zi go'sht mazasini totgandek bo'ldi. Beixtiyor o'qi yo'q miltig'ini olib o'qtaldi, tepkini bosib yubordi. Bug'u cho'chib bir chekkaga tashlandi va tuyoqlarini tapillatib qochib ketdi.

Odam so'kinib, miltig'ini uloqtirib tashladi, ixrab-ixrab o'rnidan turishga urinib ko'rdi. Ancha uringandan keyin zo'rg'a turib oldi. Bo'g'irlari xuddi zanglab qolgandek edi, ularni to'g'rilash yoki egish juda mashaqqat edi. Nihoyat, u oyoqqa bosgandan keyin ham odamga o'xshab tik turib olish uchun rosa bir daqiqacha urindi.

U chog'roq bir tepalik ustiga chiqib, atrofga nazar tashladi. Bo'zrang chimlik dengizidan boshqa hech narsa – na biron daraxt, na biron buta – hech narsa ko'rinnasdi. Onda-sonda bo'zrang xarsang toshlar, bo'zrang ko'lchalar, bo'zrang ariqlargina ko'zga tashlanadi. Osmon ham bo'zrang edi. Quyosh na nur sochadi, na uning yilt etgan shu'lesi ko'riniq qoladi. U shimal qayoqda ekanini, kecha kechqurun bu yerga qaysi tomondan kelganini eslay olmadi. Lekin u yo'ldan adashmagan edi. Buni yaxshi biladi. **U** tezda Kichik Og'ochlar O'lkasiga yetib oladi. **U** o'lka shu yaqin orada, chap tomonda bo'lishi kerak, ehtimol, xuddi mana shu ko'riniq turgan tepalikning narigi tomonidadir.

U qaytib tushib, yo'lga otlandi; tugunini tugdi, uch bo'lak qilib qo'ygan gugurtlarim turibdimi-yo'qmi, deb paypaslab ko'rdi, lekin sanab o'tirmadi. U bug'uning terisidan tikilgan xaltachaga qarab turib, xayol surib qoldi. Xalta uncha katta emas, ichidagi narsalari bilan bir hovuch kelardi. Lekin og'irligi o'n besh qadoq bo'lib, qolgan yukning og'irligi bilan teng – uni mana shu tashvishga solardi. U xaltani bir tomonga surib qo'yib, boshqa narsalarni o'ray boshiadi. Keyin xaltachaga qa-

radi-da, apil-tapil qo‘liga oldi, xuddi sahro uning qo‘lidan oltinni tortib olayotgandek, xo‘mrayib atrofga qaradi. Yangidan o‘midan turib, yo‘lga tushganda boshqa narsalar qatori xaltacha ham uning orqasida edi.

U chapga tomon burildi. Ahyon-ahyonda to‘xtar va botqoq mevalaridan terib yer edi. Uning oyog‘i butunlay qotib qoldi, o‘zi borgan sari kuchliroq oqsar, lekin oyoq og‘riq‘i qornidagi og‘riq azobi oldida hech gap emasdi. Ochlik azobi uni hammandan ko‘proq qiynar, qornidagi og‘riq esa ich-ichidan azob berardi. Endi u Kichkina Og‘ochlar O‘lkasiga yetib olish uchun qaysi tomonga yurishni ham bilmasdi. Mevalar uni ochlik azobidan qutqarolmas, til va tanglaylarini lovullatib achitardi. Kichikroq bir soylikka yetib borganda, toshlar orasidan qanotlarini qoqib va qir-qirlashib bir to‘p oq kaklik ko‘tarildi. U kakliklarga tosh otdi, lekin tekkizolmadı. Keyin u yukini yerga qo‘yib, xuddi chumchuq poylagan mushukdek, kakliklarning orqasidan pusib o‘rmalab bora boshladi. O‘tkir tosh qirralari uning shimlarini parchalab tashladi, tizzalaridan oqqan qon qonli iz qoldirib bordi. Lekin ochlik azobi shunchalik kuchli ediki, u boshqa hech qanday og‘riqni sezmasdi. U balchiqzor chimliklar ustidan o‘rmalab, kiyimlari ho‘l-shalabbo bo‘lib ketgan, badani sovuqdan qotgan edi-yu, lekin faqat ovqat haqida o‘ylar, boshqa hech narsami sezmasdi. Atrofi dan hadeganda par etib uchib ketayotgan kakliklaming qir-qiri uni masxara qilayotgandek tuyuldi. U kakliklarni so‘kib qo‘ydi-da, ularga taqlid qilib qichqira boshiadi.

Bir marta u bir kaklikka juda yaqin kelib qoldi, qush, chamsi, uxbab yotardi. U qush toshlar orasidagi o‘z uyasidan yuziga tegib ketay deb parillab uchib chiqmaguncha, kaklikni ko‘rmadi. Kaklik bexosdan parillab chiqib qolganiga qaramay, u changal soldi. Qo‘lida qushning uchta pati qoldi. U uchib ketayotgan qushning orqasidan qarab turdi, kaklik go‘yo uning boshiga katta falokat keltirgandek, odam ko‘nglida unga nisbatan cheksiz nafrat uyg‘ondi. Keyin orqasiga qaytib, yukini ko‘tarib oldi.

Choshgoh paytida u bir botqoqqa yetib keldi, bu yerda ov ko‘proq edi. Xuddi unga o‘chakishganday oldidan yigirmata-

cha bug‘u o‘tib ketdi, ular shunday yaqindan o‘tdiki, miltiq o‘qi bahuzur yetardi. U jonivorlarni quvlagisi kelib ketdi, quvlasa, ushlab olishiga juda ishonardi. Uning oldidan og‘ziga kaklik tishlagan bir qora tulki o‘tib ketdi. U qichqirib yubordi. Shunday qattiq qichqirdiki, cho‘chib ketgan tulki o‘zini bir chetga urdi, ammo kaklikni og‘zidan tushirib yubormadi.

Kechqurun u qamishlar orasidan ohakdan oppoq loyqalanib oqayotgan ariqcha yoqalab borardi. Bir qamishning ostidan mahkam ushlab, xuddi piyozga o‘xshagan bir narsani sug‘urib oldi. Qamishning tomiri yumshoq bo‘lib, chaynaganda ishtahani ochib, qars-qars qilardi. Lekin o‘zi mazasi taxir, xuddi mevaga o‘xshagan sersuv bo‘lib, och qorinni to‘yg‘azmasdi. U yukni yerga tashladi-da, xuddi kavsh qaytarayotgan molga o‘xhab kavshana-kavshana qamishlar orasidan o‘rmalab ketdi.

U juda charchagan, biroz orom olgisi, yotib uxlagini kelardi; lekin Kichik Og‘ochlar O‘lkasiga yetib olish orzusi, undan ham zo‘rroq bo‘lgan ochlik azobi unga tinchlik bermasdi. U bunday uzoq Shlmoda qurt va qurbaqalar bo‘lmasligini bilsa ham, chuqurchalardan qurbaqa axtarar va oyoqlari bilan yerni titkilab, qurt qidirar edi.

U har bir ko‘lmakni sinchiklab qarardi. Pirovardida, qosh qoraygan paytda, bir chuqurda bittagina baliqcha suzib yurganini ko‘rib qoldi. U yelkasigacha qo‘lini suvga tiqdi. Lekin baliqcha uning qo‘lidan sirg‘alib chiqib ketdi. Shunda u qo‘lini suvga tiqib, butun chuqurcham ostin-ustin qilib loyqalatib yubordi. Butun fikr-u yodi baliq bilan bo‘lib, hayajondan suvga tushib ketdi, beligacha suvga botdi. Suvni shunday loyqalatib yubordiki, baliqni ko‘rib bo‘lmay qoldi, shundan keyin loyqa suv timqlashguncha kutib turishga to‘g‘ri keldi.

U yana baliqni ov qila boshladi-da, suvni yana loyqalatib yubordi. Ortiq kutishga toqat qolmadi. Yukka qo‘shib bog‘langan paqirchani oldi-da, chuqurdagi suvni bu yoqqa olib to‘ka boshiadi. Suvni quritish uchun zo‘r berib ishiadi, ust-boshi shalabbo bo‘lib ketdi, shoshilganidan suvni chuqurga shunday yaqin to‘kardiki, suv yana qaytib chuqurga oqib tushardi. So‘ngra u

qo'lining titrashi va yuragining qattiq urishiga qaramay, xotirjam bo'lib ishlashga harakat qildi. Yarim soatdan keyin chuqurcha-da hatto bir hovuch ham suv qolmadi. Biroq baliq yo'q bo'lib qolgandi. Uning ko'zi toshlar orasidagi bir teshikchaga tushdi. BAliq o'sha yerdan katta bir chuqurga o'tib ketibdi, u chuqurda suv shu qadar ko'p ediki, uning suvini bir kecha-yu bir kunduz-da ham tamom qilib bo'lmasdi. Teshik borligimi ilgari bilganda, hammadan burun uni tosh bilan berkitib qo'ygan bo'lardi, shun-da baliq uning qo'lidan qochib qutulolmasdi.

Odam holdan toyib chalchiq yerga o'tirib oldi-da, yig'lab yubordi. Oldin sekin-sekin yig'ladi. Keym atrofni o'rab yot-gan shafqatsiz biyobonni uyg'otmoqchi bo'lqandek borgan sari qattiqroq, ho'ng-ho'ng yig'layverdi; ho'ngrab-ho'ngrab, a'zoyi badani titrab yana uzoq yig'ladi.

U o't yoqdi, qaynagan suv ichib, biroz isidi va kechagidek yotish uchun tosh ustlga joy soldi. Yotishdan avval u gugurting ho'l-quruqligini tekshirib ko'rdi va soatim burab qo'ydi. Adyol ho'l va muzdek edi. Og'riqdan oyoqlari o'tday yonar, lekin u faqat ochlik azobini sezardi. Kechasi har xil ziyofatlar, meh-mondorchiliklar va dasturxonga tortilgan turli noz-ne'matlarni tush ko'rib chiqdi.

U sovuq qotib, kasal bo'lib uyg'ondi. Quyosh ko'rinmasdi. Yer-u osmonning bo'zrang tusi yana ham quyuqlashgan; qat-tiq shamol urib turar, birinchi yog'gan qor tepaliklarni oppoq tusga kiritgan. U o't yoqib suv qaynatguncha, havo yana ham quyuqlashgandek, yana ham oqargandek tuyuldi. Bu yog'ayot-gan qorning ho'l laylakqorga aylanganidan edi. Qor boshida yerga tushgan zamon erib turdi, lekin bora-bora ko'payib, yerning usti qor bilan qoplana boshladi-da, qor quruq xas-cho'plar-ni ho'l qilib, o'tni o'chirdi.

Bu unga yukini orqasiga ko'tarib, boshi og'gan tomonga yo'lga chiqish uchun belgi bo'ldi. U endi Kichik Og'ochlar O'liasi haqida ham, Bill haqida ham, Diz daryosi sohilida-gi qayiq ostiga yashirilgan narsalar haqida ham o'ylamasdi. Uning fikr-u xayoli ovqat bo'lib qolgan edi. Ochlik uni aqldan

ozdirdi. U qayoqqa ketayotganini ham o'ylolmay qoldi. Ish-qilib, to'g'ri va tekis vodiyidan borsa bo'lgani edi. U ho'il qor ostidan sersuv mevalarni paypaslab qidirar, qamishlarni tomiri bilan so'g'urib olardi. Lekin bu bemaza yemish uning qorniga orom berniasdi. Yo'lda u mazasi achchiq bir o'simlik topdi, bu o'tdan qancha topsa, hammasini yedi, ammo o'simlik juda oz ekan, bu o'rmalovchi bir o'simlik bo'lib, qor tagida qolgandi.

Shu kecha u o't yoqmadi, suv ham qaynatmadi, adyol ichiga kirib oldi-da, och holda yotib qoldi. Qor asta-sekin sovuq yomg'irga aylandi. Yuziga yomg'ir tomchilari tushayotganini sezib, tez-tez uyqusidan uyg'onib ketardi. Tong otib, yana qu-yoshsiz bo'zrang kun boshlandi. Yomg'ir to'xtagan. Endi undagi ochlik tuyg'usi o'tmaslashdi. Qornida allaqanday bezil-lab turgan bir og'riq qoldi, xolos, ammo bu unga uncha azob bermasdi. Uning fikri biroz ravshanlashdi, endi u yana Kichik Og'ochlar O'lkasi haqida, Diz daryosi bo'yiga yashirib qo'yilgan narsalar haqida o'ylay boshladi.

U yirtiq adyoldan qolgan qismini yana uzunasiga yirtib, qoni chiqar darajada shilinib ketgan oyog'ini bog'ladi, chlqqan to'pig'ining lattasini yangiladi-da, yana yo'lga tushishga ho-zirlandi. Yukni ko'tarib olishdan oldin bug'u terisidan tikilgan xaltaga uzoq tikilib turdi-yu, yana xaltani ham olib ketdi.

Yomg'ir qorni eritib ketgandi, faqat tepachalarning uchi oqarib turardi. Quyosh ko'riniib qoldi, bundan foydalanib, yo'lovchi dunyoning to'rt tomonini belgilab oldi, yo'ldan adashganligi aniq bo'ldi. So'nggi kunlarda chap tomonga ko'proq ketib qolgan bo'lsa kerak, endi u to'g'ri yo'lga tushib olish uchun o'ng tomonga qarab yura boshladi.

Ochlik azobi o'tmaslashgan edi-yu, lekin o'zining holdan ketganini sezdi. Dam olish uchun tez-tez to'xtar, yerdan meva terar va qamishlarni tomiri bilan sug'urib olardi. Uming tili qaqrab, shishib ketdi, og'zi achchiq va bemaza. Hammadan ko'proq yuragi bezovta qildi. U bir necha qadam bosmasdan yuragi dukduk urib ketar, keyin qinidan chiqib ketar darajada dukullab ura

boshlardi-da, yo'lovchi bo'g'ilalar, o'zdan ketar darajada boshi aylanardi.

Tush paytida u katta bir chuqurda ikkita tanga baliq suzib yurganini ko'rib qoldi. Chuqurning suvini quritib bo'lmasdi, lekin endi u ancha o'zini bosib olgandi, paqirchasi bilan baliqlarni tutib oldi. Baliqlar jimjiloqdek-jimjiloqdek kichkina edi, lekin u ovqat yeyishni uncha istamasdi. Qorin og'rig'i xuddi mudrayotgandek, borgan sari bosib borardi. **U** baliqlarni xomligicha og'ziga solib, g'ayrat bilan chiynay boshladи. Ishtahasi bo'lmasa hani, ovqat yeyishga o'zini majbur qildi, chunki yashamoq uchun ovqat yeyish zarurligini yaxshi bilardi. Kechqurun u yana uchta tanga baliq tutdi, ikkitasini yeb, uchinchisini ertalabga olib qo'ydi. Quyosh onda-sonda uchrab turgan yo'sinlarni quritganda, u suv qaynatib ichib, biroz isidi. O'sha kuni u o'n mildan ortiq yo'l bosolmadi, ertasiga yuragi gupullab urib ketaverib, besh milga yaqin yo'lni zo'rg'a bosib o'tdi. Qorni uyquga ketgandek ortiq og'rimay qo'ydi. Endi u notamish yerlardan borardi, bug'ular tez-tez uchrar, hatto bo'rilar ham ko'rimb qolardi. Ularning uvullagan tovushi uzoqdan qulog'iga chalnardi. Bir marta u pusib yo'lini kesib o'tayotgan uchta bo'rini ko'rib qoldi.

Yana tun kirdi, tongda u biroz o'ziga kehib, xaltaning qayishini yechdi-da, ichidagi oltinni yerga to'kdi. Oltinni babbaravar qilib, ikki qismga bo'ldi. Bir bo'lagini lattaga o'rabi, uzoqdan yaxshi ko'rinish turadigan bir tepalikka, toshlar orasiga yashirib qo'ydi. Ikkinci qismini yana xaltaga solib, og'zini bog'ladi. Keyin u bitta-yu bitta adyolini yirtib, oyoqlarini o'radi. Lekin u hali ham miltig'ini tashiamadi, chunki **Diz** daryosi bo'yida yashirib qo'yilgan narsalar orasida patronlar bor edi.

Bugun hamma yoqqa tuman tushdi. Shu kun ochlik yana o'zini bildirdi. Yo'lovchi juda zaiflashib qolgan, tez-tez boshi aylanar, vaqtı-vaqtı bilan hech narsani ko'rmay qolardi. U endi tez-tez qoqilib ketar, yiqilar edi, bir marta to'ppa-to'g'ri kaklik uyasisiga yiqilib tushdi. Uyada endigina tuxumni yorib chiqqan kaklik bolalari bor ekan. U shoshib-pishib ularni tiriklayin og'ziga

sola boshladi. Kaklik bolalari uning tishlari orasida xuddi tuxum po'stlog'i singari qisirlar edi. Ona kaklik uning tepasida charx aylanib uchib yurar va achchiq-achchiq yig'lardi. Yo'lovchi miltiq qo'ndog'i bilan kaklikni uring tushirmoqchi bo'ldi, lekin qush chap berib qochdi. Keyin u kaklikka tosh ota boshladi-da, qanotini sindirdi. Kaklik yaralangan qanotini sudrab, bir tomonga qarab uchib ketdi, odam uning orqasidan quvlashga tushdi.

Kaklik bolalari uning ishtahasini yana ham ochib yubordi. U kalovlanib, oqsoqlanib goh kaklikka tosh otar va bo'g'iq qichqirar, goh har yiqilganida chidam bilan o'tmidan turib, qovog'ini solib indamay qadam bosardi, boshi aylanganda hushdan ketmaslik uchun ko'zlarini ishqalar edi.

Kaklik orqasidan quvib, pastlikdag'i bir chalchiquzorga borib qoldi. Ko'zi ho'l chimlikda odam iziga tushdi. Bu izlar uni ki emasligi ravshan edi. Billning izlari bo'lsa kerak. Lekin u to'xtab turolmashdi, chunki kaklik borgan sari undan uzoqlashib qochib ketmoqda edi.

U quvlay berib qushni charchatdi, lekin o'zining ham tinkasi quridi. Kaklik yonboshiga ag'darilib, og'ir-og'ir nafas olib yotardi, lekin u ham o'n qadamcha berida entikib yotar, qushga yetib olishga sira madori qolmagan edi. Odam biroz dam oldi, lekin qush ham nafasini rostlab olgandi. U qo'l uzatgan zamon qush tipirlab qochdi. Quvish yangidan boshlandi. Qorong'i tusha boshlagach, qush ko'zdan g'oyib bo'ldi. Juda charchaganidan qoqilib, orqasidagi yuki bilan yiqildi-da, yuzlari shilinib ketdi. U uzoq vaqtgacha qimirlamay yotdi, keyin yonboshiga ag'darilib, soatini burab qo'ydi-da, tong otguncha shu holatda yotib qoldi.

Yana tuman. Adyolning yarmisi oyog'ini o'rashga ketdi. Billning izini u qaytib topolmadi, lekin unga baribir edi. Ochlik uni hamon olg'a haydardi. Bordi-yu... Bordi-yu, Bill ham adashib qolgan bo'lsa-chi? Tushga borib u juda ham holdan toydi. U yana oltinni ikkiga bo'ldi. Bu gal o'lchab o'tirmay, yarmini yerga to'kib qo'ya qoldi. Kechga borib, adyolning yarmini, paqircha va miltiqni olib qolib, oltinning hammasini yerga to'kib tashladi.

Unga bir xomxayol yopishib oldi. Tasavvurida miltiqda xuddi bir o'q qolgandek, buni ko'rmay qolgandek edi. Shu bilan bir vaqtida miltiqda o'q yo'qligini yaxshi bilardi. Lekin xomxayol uni sira tinch qo'ymadi. Bir necha soatgacha mana shu xomxayolga qarshi kurashdi. Pirovardida, miltig'ini qarab, o'qning yo'qligiga ishonch hosil qildi. Hafsalasi shunday pir bo'ldiki, go'yo u haqiqatan ham o'q borligini kutgan edi.

Yarim soat o'tdi, keyin boyagi xomxayol yana paydo bo'ldi. U xomxayolga qarshi kurashib yengolmadi-da, o'zini biroz ovutish uchun yana miltig'ini tekshirib chiqdi. Ahyon-ahyonda miyasasi ishlamay qolar, o'zi esa jonsiz bir narsadek beixtiyor kalovlanib borardi; g'alati xayollar va bema'ni tasavvurlar uning miyasini aynitar edi. Lekin u tez o'ziga kelardi, chunki ochlik azobi uni hamma vaqt haqiqatga qaytishga majbur qilardi. Bir marta ko'z o'ngida shunday g'alati bir manzara paydo bo'ldiki, hushidan ketib qolishiga sal qoldi. U o'zini tutolmay qoldi va yiqilib ketmaslik uchun mast kishidek gandiraklab ketdi. Uning oldida ot turardi. Ot! U ko'zlariga ishonmasdi. Ko'zoldi jimirlashib, atrofni tuman bosgandek bo'ldi. U zo'r berib ko'zini ishqaladi, ko'zoldi ravshanlashganda qarasa, qarshisida ot emas, kattakon bir targ'il ayiq turgan ekan. Ayiqunga yovqarash qilib turar edi.

U miltig'ini yelkasidan oldi-yu, shu ondayoq esini yig'di. Miltiqni qo'yib, munchoq qadalib tikilgan qindan pichog'ini sug'urdi. Uning oldida go'sht va hayot turar edi. U bosh bar-mog'i bilan pichoqning tig'ini paypaslab ko'rdi. Pichoqning tig'i ham, uchi ham o'tkir edi. U hozir ayiqqa tashlanib, uni o'ldiradi. Lekin uning yuragi xuddi xavfdan ogohlantirayotgandek duk-duk ura bashladi. Keyin birdan yuragi qinidan chiqib ketar darajada hapriqib ketdi; miyasi xuddi iskanjaga olgandek qattiq og'ridi, ko'zoldi qorong'ilashdi.

Hozirgina jo'sh urib turgan botirligi o'rni mi qo'rquv egaladi. U shunday zaif ediki, ayiq hujum qilsa, unda nima bo'la-di? Mumkin qadar haybatiroq bo'lib ko'rinish uchun haddini rostladi, pichoqni qo'liga olib, to'g'ri ayiqning ko'zlariga tikildi. Yirtqich lapanglab oldinga bir qadam bosdi, ikki oyog'ini

ko'tarib, o'kirib yubordi. Odam qochib ketganda, ayiq uning orqasidan quvgan bo'lardi. Lekin odam qo'rquvning kuchligidan botirlanib, o'midan qimirlamadi; u ham yirtqich hayvon singari vahshiyona ovoz bilan o'kirib yubordi, bu o'kirik qo'rquv ifodasi edi, chunki qo'rquv yashash uchun kurash bilan chambarchas bog'liq edi.

Ayiq undan qo'rquv may, tik turgan mana shu sirli maxluqdan hayiqib o'kirib-o'kirib bir tomonga chekindi. Lekin odam o'midan qimirlamadi. U xavf o'tib ketguncha qaqqayib tek turdi, keyin xuddi bezgak tutgandek qaltirab, ho'l chimlikka yiqildi.

U biroz o'ziga kelib, qo'rquv azobidan qiyngan holda yana yo'lga tushdi. U endi ochdan o'lishdan emas, balki hayot uchun kurashning so'nggi intilishlari so'nguncha yirtqich hayvonlar qo'lida o'lishdan qo'rquv qoldi. Atrofda bo'rilar izg'ib yurardi. Sahroda hamma yoqdan ularning uvullagan tovushlari eshitilardi, tevarak-atrofda xavf shu qadar ko'p ediki, u o'sha xavfni bartaraf qilmoqchi bo'lgandek beixtiyor ikki qo'lini yuqori ko'tardi.

Bo'rillar ikkita-ikkitadan, uchta-uchtadan bo'lib tez-tez uning yo'lini kesib o'tardilar. Lekin ular odamga yaqinlashmadilar. Ular juda ham ko'p emasdi. Bundan tashqari, ular qarshilik ko'rsatmaydigan bug'ularni ovlashga o'rgangan edilar, ikki oyoqli bu g'alati maxluq esa chang solib qolsa ham, tishlab olsa ham ajab emasdi.

Kechga borib, u yerda sochilib yotgan suyaklarni ko'rib qoldi. Bo'rilar xuddi mana shu yerda ovni qo'lga tushirgan edilar. Bundan bir soat ilgari tirik bo'lgan bug'ucha hansirab, yugurib, ma'rab yurgandi. Odam top-toza qilib qo'yilgan yarqiroq-qizg'ish suyaklarga qarab turdi. Suyaklarning rangi qizg'ish edi, chunki undagi hayot hali so'nmagandi. Kechqurunga borib, ehtimol, uning taqdiri ham shunday bo'lar. Hayot shunaqa, hayot bevafo va bebaqo. Lekin hayot alam chektiradi. O'limda qiyinalish yo'q. O'lim uxlamoqdir. O'lim orom olmoqdir. Bo'lmasa, mima uchun u o'lishni istamaydi?

Lekin u uzoq o'ylab o'tirmadi. Ko'p o'tmay u cho'kka tushib olib suyaklarni og'ziga soldi, suyaklarga qizg'ish tus

berib turgan hayotning oxirgi nishonalarini so'rardi. Go'shtning o'tmishdan qolgan xotira singari tuyulgan sezilar-sezilmas mazasi umi o'zini yo'qotar darajada hayajonga soldi. Suyakni tishlari orasiga olib g'ajiy boshladi. Goh suyak sinar, goh uning tishi simardi. Keyin u suyakni tosh bilan yanchib, ochko'zlik bilan yuta boshladi. Shoshilganidan toshni barmoqlariga urar, ammo qancha hovliqmasin, nima uchun og'riqni sezmayotirman, deb ajablanib qo'yardi.

Qor va yomg'irli eng og'ir kunlar yetib keldi. **U** endi qachon yotib, qachon yo'lga tushganini eslay olmasdi. Vaqt ni surishtirmay, kecha-yu kunduz yo'l bosa bordi, yiqilgan yerida dam oldi, undagi so'nayotgan hayot sal jonlandi deguncha yana oldinga qarab o'rmaladi. Hayot uchun endi odam kurashmay qo'ydi. Undagi hayotning o'zi o'lishni istamas va uni ilgari haydardi. **U** ortiq azob chekmasdi. Uning asablari uvushib qolgan, o'tmaslashgan, miyasi esa g'alati xayollar, shirin tushlar bilan to'la edi.

U bitta qo'y may yig'ib, o'zi bilan olib ketgan suyaklarni tinmay so'rар va chaynar edi. **U** ortiq tepaliklarga ko'tarilmas, ariqlarni kechib o'tmasdi, u endi keng vodiyidan oqib o'tayotgan anhor yoqalab borardi. Uning ko'ziga xayoliy manzaralar ko'rnardi. Uning tani bilan joni birga borardi-yu, shunday bo'lsa ham bir-birlaridan ajralgandek edi: ularni bir-birlariga bog'lab turgan hayot rishtasi shu qadar ingichka edi.

Bir kuni ertalab yassi bir tosh ustida yotganida hushi o'ziga keldi. Quyosh nur sochib, isitib turardi. Uzoqdan uning qulog'iga bug'ularning ma'ragan ovozlari eshitildi. Yomg'ir, shamol, qor yog'ib turgani g'ira-shira esida, lekin yog'ingarchilik necha kun bo'lganini, ikki kun bo'ldimi, yo ikki hafta davom etdimi – buni bilmasdi.

U uzoq vaqtgacha qimirlamay yotdi, quyosh mo'l-ko'l nur sochib, uning ayanchli badaniga issiqlik bag'ishlar edi. „Yaxshi kun“, deb o'yladi u. Ehtimol, quyoshga qarab, qayerda ekanini aniqlab olar. U ming azob-uqubat bilan bir yonboshiga ag'darildi. Pastda katta sokin bir daryo oqib yotardi. Bu daryo yo'lovchiga notanish edi, bu uni ajablantirdi, shoshilmay suvning oqi-

shini ko'zdan kechira boshladi. Daryo shu vaqtgacha u ko'rib kelgan tepalardan ham yalang'ochroq va yoqimsiz tepaliklar orasidan buralib-buralib oqayotganiga qarab yotdi. U shoshmasdan, beparvo va sira qiziqmay notanish daryoning oqimini to ufqqa qadar kuzatdi-da, daryo o'z suvini uzoqda yarqirab turgan dengizga quyayotganini ko'rdi. Shunday bo'lsa ham bunga hayajonlanmadni. „Qiziq, – deb o'yladi u. – Bu yo sarob yoki o'tmaslashgan tasavvurning mevasi“. Yargiroq dengizda turgan kemani ko'rganda, bu fikrning to'g'ri ekanligiga yana bir marta ishondi. U bir zum ko'zlarini yumib, yana ochdi. Ajab, xayoliy manzara yo'qolmadi. Hayron qoladigan hech gap yo'q edi ham. Uning miltig'ida patron bo'lmanidek, mana shu sahroning qoq o'rtasida dengizning ham, kemaning ham bo'lishi mumkin emasligini bilardi.

Orqadan xirillagan bir tovush eshitildi, bu xo'rsinishmi, yo'talmi – bilib bo'lmasdi. G'oyat zaiflik va karaxtlikni juda sekinlik bilan yengib, u ikkinchi yonboshiga ag'darildi. Yaqinida hech narsa ko'rinnadi, u sabr bilan kuta boshladi. Yana xirillagan va yo'tal tovushi eshitildi. Yigirma qadamcha nari-da o'tkir qirrali ikki toshning orasidan bir bo'rining kulrang boshi ko'rindi. Uning qulqlari boshqa bo'rilmiki singari tik emas, ko'zları xira va qon quyilgan, boshi zaif ravishda solingan. Bo'ri kasal bo'lsa kerak: u hamma vaqt aksa urar va yo'talar edi.

„Hech bo'limganda bunisi haqiqatdir“, – o'yladi u va tasavvur olamidagi dunyoni emas, haqiqiy dunyonи ko'rish uchun boshqa yonboshiga ag'darildi. Lekin dengiz hali ham ilgarigidek uzoqda yaltirab turar, o'rtasidagi kema ham aniq ko'zga chalinardi. Ehtimol, bu rostdan ham haqiqatdir? U ko'zlarini yumib o'lay boshladi – pirovardida, hamma narsa ayon bo'ldi. U shimoli-sharqqa qarab yurgan va Diz daryosidan uzoqlashib Koppermayn daryosi vodiysiga kelib qolgan. Sokin oqayotgan mana shu keng daryo Koppermayn daryosining xuddi o'zginasi. Yaltirab turgan dengiz – Shimoliy muz dengizi. Bu kema kit ovchilari kemasi bo'lib, Makkenzi daryosi dengizga

quyiladigan joydan sharq tomonga ancha ketib qolgan. Bu kema Koronatsiya ko'rfazida turibdi. U bir vaqtlar ko'rgani Gudzon ko'rfazi kompaniyasining xaritasini esladi-yu, bor gap ravshan, tushunarli bo'lib qoldi.

U yerga o'tirib oldi-da, eng zarur ishlar haqida o'ylab ketdi. Oyoqlarini o'rab bog'lagan adyol parchalari titilib ketgandi, shu sababdani oyoqlari shilinib qip-qizil go'sht bo'lib qolgandi. Eng so'nggi adyolni ham ishlatib bo'lgan. Miltiq bilan pichog'i yo'qolgan. Qalpog'i ham tushib qolibdi, u bilan birga astariga yashirilgan gugurt ham yo'qolgandi, lekin qog'ozga o'rab, hamyoniga solib qo'ygan gugurt hali ham quruq turibdi. U soatiga qaradi. Soati, hamma vaqt u soatini burab turgan bo'lsa kerak, yurib turar va o'n birni ko'rsatardi.

O'zi tinch, aqli joyida edi. Juda holdan toyganiga qaramay, og'riqni sezmas, ovqat yegisi ham kelmasdi. Ovqat haqidagi fikr uni qiziqtirmasdi ham. Har bir harakatni idrok hukmi bilan qilardi. U shimming pochasidan to tizzasigacha yirtib oldi-da, to'pig'ini o'rab bog'ladi. Chelakchasinini nima uchundir tasblamadi: kemaga qarab yo'l olishdan avval suv qaynatib ichishi kerak, bu safarning juda og'ir bo'lishini u oldindan bilardi.

U juda sekin harakat qilar, shol odamdek qaltirar edi. Qurug' yo'sin yig'moqchi bo'ldi, lekin o'rnidan turolmadi. Bir necha marta o'rnidan turishga intilib ko'rdi, bo'limgach, emaklab ketdi. Bir marta hatto kasal bo'rining oldiga juda yaqin borib qoldi. Bo'ri istar-istamas o'zini chetga oldi va zo'r-g'a tilim qimirlatib tumshug'ini yaladi. Uning tili sog'lom bo'rimkidek qizil emas, kulrang-sarg'ish bo'lib, yelim singari quyuq shilliq bilan qoplangan. Odam biroz qaynagan suv ichib oldi-da, deyarli kuch-quvvatdan qolgan bo'lsa ham, o'rnidan turishga, hatto yurishga o'zida yetarli kuch borligini his qildi. Daqiqa sayim to'xtab dam olardi. Zaiflik bilan yak-kam-dukkam qadam tashlar, bo'ri ham unimg orqasidan xuddi shiu xilda sudralib borardi.

Qorong'i tushib, yarqirab turgan dengiz zulmat ichiga g'arq bo'lгanda, u oraliqdagi masofa ko'p emas, to'rt milga qisqar-

ganini angladi. Tun bo'yi kasal bo'rining yo'talishi va ba'zan bug'u bolalarining ma'rashi eshitilib turdi. Atrofda hayot qaynamoqda, ammo u hayot kuch-quvvatga to'la, sog'lom hayot. U esa orqasidan kasal bo'ri ergashib kelayotganini, kasal odam avval o'ladi, degan umidda ekanligini tushunar edi. Ertalab turib qarasa, bo'ri unga g'amgin va ochko'zlik bilan ko'z tikib turibdi. Bo'ri dumini qisib, xuddi tinkasi qurigan g'arib it kabi, boshini quyi solib turardi. Bo'ri sovuq shamolda qaltirar, odam unga xirillagan tovush bilan so'z qotganda, tishini tirjaytirib irillar edi.

Ufqdan yorqm quyosh ko'tarildi. Odam choshgohga qadar qoqilib-suqilib yaltiroq dengizda turgan kemaga qarab yurdi. Havo juda yaxshi, shu shtatlarga xos bo'lgan erta kuz kunlari edi. Bunday kunlar ko'pi bilan bir hafta davom etar, erta, yo'indin tamom bo'lishi ham mumkin edi.

Tushdan keyin u bir izga duch keldi, bu boshqa bir odamning izi bo'lib, u odam yurib emas, emaklab ketgani bilinib turardi. Ehtimol, bu Billning izidir, deb o'yladi u hech qanday hayajonsiz. Unga baribir edi. To'g'risi, u biror narsani sezish va hayajonlanish tuyg'usini yo'qotib qo'ygan edi. U hatto og'riqni ham sezmasdi. Qorni bilan asablari go'yo mudrab ketgandek. Lekin hali so'nmagan hayot uchquni umi olg'a haydardi. U juda charchagan, lekin undagi hayot o'lishni istamasdi. Shuning uchun ham u chalchiqzordan meva terib yer, tanga baliq ovlar, suv qaynatib ichar va olazarak bo'lib kasal bo'rini kuzatar edi.

U o'rmalab o'tgan boshqa odamning izidan borardi.

Ko'p o'tmay u o'zidan oldingi odamning manziliga yetib keldi. Ho'l chimlik ustida kemirib tashlangan suyaklar va bo'rilarning iziga ko'zi tushdi. Yerda xuddi o'zinikiga o'xshash, o'tkir tishlar tortqilab yirtgan bug'u terisidan tikilgan xalta yotardi. Bunday og'ir yukni ko'tarishga madori kelmasa ham kuchsiz barmoqlari bilan qopni yerdan ko'tarib oldi. Bill oltinlarini so'nggi daqiqalarga qadar tashlamagan ekan. Xa-xa-xa! U hali Billning ustidan masxara qilib kuladi. Tirik qoladi va xaltani yarqirab turgan dengizdag'i kemaga olib ketadi. **U** xuddi qarg'aning qag'illashiga o'xshagan bo'g'iq va beo'xshov ovoz

bilan kulardi. Kasal bo'ri ham unga taqlid qilib xirillagan tovush bilan uvulladi. Odam darhol jim bo'ldi. Agar mana shu suyaklar Billniki bo'lsa, shu toza kemirilgan, qizg'ish suyaklar Billniki bo'lsa, qanday qilib uning ustidan kulyapti-ya!

U yuzini o'girib oldi. Nima qilsin, Bill uni tashlab ketdi, lekin u Billning oltinlarini ochmaydi, uning suyaklarini kemirmaydi. Agar mening o'rnimda Bill bo'lqanda shunday qilgan bo'lardi, deb o'ylab qo'ydi va kalovlanib yo'lga tushdi.

U kichkina bir ko'lga duch keldi. Batiq yo'qmikan, deb chuqurchaga engashib qaradi-yu, xuddi ilon chaqqandek seskanib o'zini orqaga tashladi. Suvda u o'z aksini ko'rib qoldi. Uning basharasi shu qadar qo'rqinchli ediki, hatto o'tmaslashib qolgan ongini ham uyg'otib yubordi. Ko'lchada uchta baliq suzib yurardi, lekin ko'lcha kattagina bo'lib, suvini quritishga uning qurbi yetmasdi. U baliqlarmi chelakcha bilan tutishga urinib ko'rdi, keyim bu fikrdan qaytdi. O'lgudek charchaganidan suvga yiqilib, cho'kib ketaman, deb qo'rqi. Xuddi shu sababga ko'ra u qumloq sohilda yog'och xodalar ko'p bo'lsa ham, sol yasab, daryodan suzib ketishga jur'at qilolmadi.

O'sha kuni u kemagacha bo'lган masofani uch milga qisqartirdi, ertasiga esa ikki mil yo'l bosdi. Endi u xuddi Billga o'xshab o'rmalab borardi. Beshinchi kuni kechqurun kemaga yetish uchun yana yetti mil yo'l qolgan edi; endi bir kunda bir mil yo'l bosishga ham madori qolmadi. Erta kuzning iliq kunlari hali tugamagandi, u esa goh o'rmalar, goh hushidan ketib yiqildi, kasal bo'ri esa yo'talib, aksa urib, uning orqasidan qolmay sudrallb borardi. Odamning tizzalari qip-qizil go'sht bo'lib ketgan, tovonlari bundan ham battar edi. Ko'ylagidan yirtib olib, tizza va tovonlarini o'rab bog'lagan bo'lsa ham, orqasidan chimlik va toshlar ustiga qonli iz qoldirib borardi. U bir marta orqasiga qayrilib qarab, bo'ri ochko'zlik bilan qonli izlarni yalayotganini ko'rib qoldi. Agar bo'rini bir yog'lik qilmasa, o'zining umri nima bilan tugashini yaxshi tasavvur etdi. Shundan keyin hayotda uchrashi mumkin bo'lган kurashlarning eng

shiddatlisi boshlandi: emaklab borayotgan kasal odam, uning orqasidan sudralayotgan kasal bo'ri; ikkisi ham chala o'lik holda, bir-birini poylashib, sahrodan sudralib bordilar.

Bo'ri sog' bo'lganda, odam bunchalik qarshilik ko'rsatib o'tirmagan bo'lardi, lekin mana shu eng badburush, deyarli o'laksa bo'lib qolgan razil maxluqning qorniga tushishini o'ylasa, ko'ngli aynir edi. U yana alahlay boshladi, yana ko'ziga xomxayollar ko'rina boshladi, ongi ravshanlashgan vaqtlar borgan sari qisqarib va tobora siyraklashib borardi.

Bir marta xuddi qulog'i ostida kimdir tez-tez nafas olayotganini eshitib hushiga keldi. Tepasida turgan bo'ri o'zini orqaga tashladi va qoqilib ketdi-da, zaiflikdan yiqilib tushdi. Bu kulgili bir manzara edi, lekin odam kulmadi. U hatto qo'rqmadi ham. U endi qo'rqish nimaligini ham sezmay qolgandi. Uning ongi bir daqiqaga ravshanlashdi, u o'ylab ketdi. Kemaga qadar endi ko'pi bilan to'rt mil yo'l qolgandi. U tuman bosgan ko'zlarini ishqalab, kemani juda ravshan ko'rdi. Yarqirab turgan dengizni kesib o'tayotgan oq yelkanli qayiqchani ham ko'rdi. Lekin bu to'rt millik masofani bosishga asti madori qolmagandi. Odam buni bilardi, shuning uchun ham bezovtalanmadı. Yarim millik yo'lni ham bosa olniasligiga aqll yetardi. Shunday bo'lsa ham yashashni istardi. Shuncha azob-uqubatlar chekkandan keyin o'lib ketish be'manilik bo'lardi. Taqdir undan juda ko'p narsa talab qilardi. O'layotib ham u o'limga bo'ysunishni istamas edi. Ehtimol, bu aqlsizlik edi, lekin o'limning changaliga tushib qolgan bo'lsa ham, uning changalidan qutulib ketish uchun kurashni davom ettirdi.

U ko'zlarini yumib, mmg ehtiyyot bilan kuchim to'pladi. Xuddi to'lqin smgari uning butun vujudini qoplab olayotgan hushidan ketish xavfini yengish tilagida u o'ziga dalda berardi. Bu to'lqin o'qtin-o'qtin ko'tarilib, uming ongini xirallashtirardi. Ba'zan u chorasisiz tipirchilab, hushsizlik dengiziga botib ketar, ongning qandaydir noma'lum kuchi ta'sirida yana qaytadan irodasini zo'rg'a to'plab, hushsizlik dengizidan suzib chiqdi.

U qimirlamasdan chalqancha yotgan holda kasal bo'ri ning xirillagan tovushi tobora yaqinroq eshitilayotganiga qu-loq soldi. Onlar juda sekin o'tar, lekin odam biror marta ham qimirlamasdi. Bo'rining nafasi juda yaqindan esbitila boshladi-yu, qurib qolgan til xuddi shildiroq qog'oz simgari uning yuzini timdaladi. Uning qo'llari yuqoriga cho'zildi, barmoqlari xuddi changak singari bukildi, lekin mehnati zoye ketdi. Tez va ishonch bilan harakat qilish uchun kuch kerak, unda esa kuch yo'q.

Bo'ri sabrli edi, lekin odam undan ham sabrli edi. U hushdan ketib qolmaslik uchun urinib va bo'rini poylab, yarim kun qimirlamasdan yotdi. Bo'ri uni yemoqchi edi, qo'lidan kelsa, odam ham bo'rimi yemoqchi edi. Vaqt vaqt bilan u hushdan ketib qolar, shunda u uzoq-uzoq tushlar ko'rар edi; lekin hamma vaqt: tushida ham, o'ngida ham mana hozir bo'rining xirillagan tovushi eshitiladi, g'adir-budur tili bilan meni yalaydi, deb kutib yotardi.

Nafas tovushini eshitmadi, lekin bo'ri uning qo'lini yallowtganligini sezib o'ziga keldi. Odam kutib yotdi. Bo'ri uning qo'lini tishlari orasiga olib so'nggi kuchiarini sarf qilib qisdi, keyin tishlarim borgan sari qattiqroq botira berdi, u shuncha vaqtdan beri kutgan ovqatiga erishgan edi. Lekin odam ham shu paytni ko'pdan beri kutardi, uning tishlangan qo'llari bo'rining jag'ini qisdi. Bo'ri zaiflik bilan o'zini himoya qilarkan, odam bir qo'li bilan uning jag'im qisardi, ikkinchi qo'lini ham uzatib bo'rining tomog'idan bo'g'a boshladi. Besh daqiqadan keyin odam o'ziming butun og'irliyi bilan bo'rini bosib tushdi. Bo'rini bo'g'ib o'ldirish uchun uning kuchi yetmasdi, shunda odam tishi bilan bo'rining tomog'iga yopishdi, uning og'zi yungga to'ldi. Yarim soat o'tdi, odam o'z tomog'iga issiq qon quyilayotganini sezdi. Xuddi uning og'ziga eritilgan qo'rg'oshin quyilayotgandek uni yutish qiyin edi. Lekin faqat iroda kuchi bilan o'zini chidashga majbur qildi. Keyin odam chalqanchasiga ag'darildi-da, uyquga ketdi.

Kit ovlovchi „Bedford“ kemasida ilmiy ekspeditsiya a'zolari bor edi. Ular kema palubasida turib, qirg'oqda g'alati bir maxlujni ko'rib qolishdi. Bu maxluq qum ustida zo'rg'a o'rimalab, dengiz tomonga kelardi. Olimlar buning nima ekanini bilolmadilar, tabiatshunos bo'lganliklari uchun qayiqchaga o'tirib qirg'oqqa suzib ketdilar. Ular tirik bir maxluqni ko'rdilar, lekin uni odam deb atash mumkinmidi? U hech narsani eshitmas, hech narsani tushunmas, qum ustida ulkan qurt singari buralar edi. U oldinga deyarli siljimas, lekin orqaga ham chekinmasdi va buralib-buralib oldinga qarab harakat qilar va soatiga yigirma qadamdan yo'l bosardi.

Uch hafta o'tgandan keyin u „Bedford“ kemasida karavotda yotgan holda ko'z yoshlarini oqizib, o'zining kimligi va qanday mashaqqatlarni boshidan kechirgami haqida hikoya qilib berdi. U bir-biriga qovushmagan hikoyasida o'zining onasi, serquyosh janubiy Kaliforniya, apelsin daraxtlari va gullar orasiga ko'milgan uyi haqida gapirib berdi.

Bir necha kun o'tgandan keyin u olimlar va kapitan bilan birga kayut-kompaniyada o'tirardi. U ovqatning serobligidan quvonar, boshqalar ming og'ziga tushib yo'q bo'lib ketayotgan har bir luqma uni zo'r tashvishga solardi. Uning aqli joyida, lekin stol atrofida o'tirgan odamlarga nafrat bilan qarardi. Ovqatning tamom bo'lib qolishidan qo'rqib bezovta bo'lardi. U hadeb oshpazdan, xizmatchi boladan, kapitandan ovqat zaxirasini surishtirardi. Ular yuz martalab tasallli bersalar ham ishonmas, o'z ko'zi bilan ko'rib ishonish uchun ovqat omboriga tez-tez tushib turardi.

Kemadagilar uning semirayotganligini sezib qoldilar. Kun sayim uning etiga et qo'shilardi. Olimlar bosh chayqab turli taxminlar qilishardi. Unga ovqatni kamroq bera boshladilar. Lekin shunda ham borgan sari semirib ketaverdi, qorin sola boshladi.

Matroslar bunga kulishardi, ular gapning nimada ekanini bilishardi. Olimlar uning orqasidan poylab, sirni bilib oldilar. Ertalab nonushtadan keyin u bakka chiqar va xuddi tilanchi

Ningari matroslarga qo'l cho'zardi. Matros kulib, unga suxari berardi. U ochko'zlik bilan suxarini olar va xuddi oltinga ko'zi tushgan xasisdek, nonni qo'ltig'iga urardi. Boshqa matroslardan ham xuddi shunday yo'l bilan sadaqa olardi.

Olimlar indamadilar va uni o'z holiga qo'yib qo'ydilar. Ular o'ziga bildirmay uning karavotini tekshirdilar. Karavotning osti suxari bilan to'la edi. To'shakning ichiga ham suxari to'ldirilgan ekan. Har bir burchakka suxari yashirilgan. Lekin uning miyasi joyida edi. U faqat ikkinchi marta och qolmaslik chorasi ni ko'rardi, xolos. Olimlar bu kasallik tez o'tib ketadi, degan fikrda edilar. Haqiqatan ham „Bedford“ kemasi San-Fransisko limoniga langar tashlamasdanoq bu kasallik o'tib ketdi.

BUYUK SEHRGAR

Qishloq aholisi zo'r tashvishda. Xotin-xalaj chinqirishib, labi-labiga tegmay to'xtovsiz javrashadi. Erkaklarning qovog'i soliq, ular shubha bilan tevarak-atrofga qaraydilar, hatto itlar ham bezovtalanib, daydib yuradilar, ular ham butun qishloqni qoplab olgan hayajonli tashvishni g'ira-shira sezib, falokat yuz bergen hamon o'rmonga qarab qochishga tayyorlanadilar. Hamina shuhada. Hech kim o'z qo'shnisiga ishonmas, qo'shnisi ham shu xilda unga shubha bilan qarayotganligini bilardi. Hatto bolalar ham yuvosh bo'lib qolgan, butun hodisaning aybdori kichkina Di-Ya onasi Guniyadan, keyin otasi Boundan rosa kaltak yeb, qirg'oqdag'i to'nnkarib qo'yilgan qayiq ostiga yashirinib oldi, endi ahyon-ahyonda burnini bir shilqiratib tortib atrofga qarab o'tirar edi.

Eng yomoni shundaki, shu qishloqlik shaman Skundu odamlar nazaridan qolgan, shuning uchun uning mashhur sehrgarlik san'atini ishga solib, jinoyatchini topib bo'lmaydi. Bundan bir oycha ilgari qabila a'zolari Tonkinga mehmondorchilikka borishdi, u yerda Chaku-Jim yigirma yil davomida to'plagan boyligini sarf qilib, ziyofat berdi. Shunda shaman Skundu, janubdan yo'lovchi shamol yuradi, deb bashorat qilgan edi. Oxirida nima bo'ldi? Belgilangan kun birdan shimol tomondan shamol urib berdi. Shamol shu qadar kuchli bo'ldiki, eng oldin yo'lga chiqqan uchta qayiqning birini dengizga surib ketdi. Qolgan ikkisi qirg'oq toshiga urilib, parcha-parcha bo'ldi, bir kichkina bola suvgaga cho'kib o'ldi. Keyin Skundu fol ochganimda xatoga yo'l qo'yibman, zarur bo'lgan ip tortilmagan ekan, deb tushuntirdi. Lekin odamlar unga qulqoq solmadilar; unga hech kim go'sht, baliq va teri sovg'a qilmay qo'ydi. Keyin odamlar

uni o'z uyiga kirib olib, kunlarini ro'za tutish va qayg'u-alamda o'tkazayotgan bo'lsa kerak, deb o'yladilar. Haqiqatda esa Skundu yashirib qo'ygan joyidagi bor ovqat zaxiralarini yeb yotar va odamlarning bevafoligi haqida o'ylar edi. Guniyaning adyoli yo'qoldi. Juda yaxshi, qalin, issiq adyol edi. Guniya bu adyolni deyarli suvtekinga olganligi uchun ham doim maqtanib yurardi. Qo'shni qishloqlik Ti-Kuon juda go'l odam ekan, bo'lmasa, shunday adyolni arzon-garovga berib qo'ya qolarmidi. To'g'risi. Guniya bu adyol o'ldirilgan bir inglizmki ekanligini bilmasdi. Bu ingliz g'oyib bo'lganda, Qo'shma Shtatlarga tegishli politsiya kateri uzoq vaqt qirg'oqdan uzoqlashmay turdi. Qayiqlari esa bo'g'ozlar va buxtalarning eng yashirin joylarini ham ag'dar-to'ntar qilib, rosa axtardilar. Shuning uchun ham Ti-Kuon, hukumat qabiladoshlarimni javobgar qilmasin, deb bu adyolni tezroq sotib yuborishga oshiqqandi. Lekin Guniya bundan xabarsiz bo'lib, adyolni maqtash bilan ovora edi. Hamma xotinlarning adyolga havasi kelganidan Guniyaning shuhrati ortgandan ortib bordi va dovrug'i qishloqdan ham tashqari chiqibi, butun Alyaska qirg'oqlari bo'ylab Datch-Xarbordan to muqaddas Mariya buxtasigacha borib yetdi. Hamma yerda uning adyolini maqtashar edi. Har yerda umng antiqa o'ljasи to'g'risida gap bo'lardi, erkaklar qayerda to'planmasin – baliq ovidami, ziyoftdamи – hamma yerda, Guniyaning adyol og'izdan tushmas, uning qalinligi va issiqligi to'g'risida gurung ketardi. Bu adyolning yo'qolishi juda g'alati va sirli ish bo'ldi.

– Men uni endigina xuddi uyim oldiga oftobga yoyib qo'ygan edim, – deb minginchi marta zorlanar edi Guniya, Tlinket qabilasi xotinlariga. – Adyolni yoyib, endigina o'girilgan edim, negaki, anavi yaramas o'g'ri Di-Ya xom xamirdan yeb ko'rmoqchi bo'lib, boshini katta qozonga suqibdi, qozonga yi-qilib tushibdi-da, xamirga boshi bilan sho'ng'ib ketibdi, oyoqlari xuddi shamolda qimirlagan daraxt shoxlari kabi qimirlab turibdi. Uni xamirdan sug'urib, aql kirsin, deb boshini eshikka bir-ikki urgunimcha yo'qli, qarasam, adyol yo'q-da.

– Adyol yo'qoldi degin! – deb shivirladilar qo'rqib ketgan xotinlar, uning gapini ilib olib.

– Yomon bo'ldi, – dedi Guniya.

– Shunday adyol-a! – dedi boshqa bir xotin.

Lekin xotinlar hamma havas qilib yurgan la'natি adyol yo'-qolganidan ich-ichidan xursand bo'ldilar.

– Endigina oftobga yoyib qo'ygan edim-a, – deb gap boshladi Gumiya, ming birinchi marta.

– Ha, ha, – deb uning so'zini kesdi bu hikoya joniga tekkan Boun. – Lekin qishioqda yot odam yo'q edi. Shuning uchun ham adeyolni o'g'irlagan odam o'z qabilamizdan ekanligi aniq.

– Qo'ysang-chi, bo'limgur gaplarni, Boun! – deb norozilik bildirishdi xotinlar. – Bizmng oramizda bunday odam yo'q.

– Bo'lmasa, birov jodugarlik qilgan, – dedi Boun sovuqqonlik bilan va atrofdagi xotinkarga mug'ambirlik bilan qarah qo'ydi.

– Jodugarlik! – degan so'z aytilishi bilanoq xotinlar jim bo'lib qolishdi va qo'rqa-pisa bir-birlariga qarashdi.

– Ha, – deb qasos hissi bir zumga uyg'ongan Guniya xotinlar ni chaqib oldi. – Klok-No-Tonni olib kelgani kuchli bir eshkakchi yuborildi. Kechqurungi suv ko'tarilganda shu yerda bo'ladi.

Xalq tarqala bosbladi. Butun qishloqni qo'rquv bosdi. Falokatlarning eng yomoni – jodugarlik. Shayton xohlagan odamning ichiga – xoh erkak, xoh xotin, xoh yosh bola – kirib olgan bo'lishi mumkin, lekin hech kimga ayon emas. Ko'zga ko'rinas, tutqich bermas kuchiarga qarshi shamanlargina kurasha oladi, o'lkadagi shamanlarning ichida jin-ajinalarga dahshat soladigani esa qo'shni qishloqlik Klok-No-Ton edi. Jin-ajinalarni hech kim uningdek ko'p topa olmaydi, hech kim gunohkorlarni u qadar mudhish qiyonoqlarga sololmaydi. Bir marta iblis hatto uch oylik chaqaloqning ichiga kirib olgan ekan. Bu ajina juda ham o'jar ekan. Uni haydab chiqarish uchun chaqaloqni bir haftagacha ajriqqa ag'anatib qo'yishga to'g'ri keldi.

Chaqaloqning o'ligini dengizga tashladilar, lekin to'lqin xuddi butun qishioq ahliga la'nat o'qiyotgandek, uni hadeb qirg'oqqa uloqtirib tashlayverdi. Ikkita baquvvat erkak suv qay-

tayotgan paytda g'arq bo'lib ketganlaridan keyingina bolaning o'ligi qaytib chiqmadi.

Gumiya mana shu Klok-No-Tonni olib kelish uchun odam yuboribdi. O'zimizning shaman Skundu nazardan qolmagan bo'lsa ham go'rga edi. U, odatda, bu qadar keskin choralarini ko'rmasdi, bir kuni u bir erkakning ichiga kirib olgan ikkita shaytonni haydab yubordi, o'sha kishi keyin yetta farzand ko'rib, hammasini boqib katta qildi. Klok-No-Ton-chi! Uni esga olganda, yomon bir falokat kelishidan qo'rqib odamlarning kapalagi uchar edi. Qishloqdagi har bir kishi ham, hamma menga shubha bilan qarayotir, deb o'ylar, shunday deb o'ylagan odamning o'zi ham boshqalarga xuddi o'shanday shubha bilan qarardi. Sime-dan boshqa hamma shuni his qilar edi, lekim Sime xudosiz odam edi, bora-bora u katta bir falokatga uchrashi turgan gap, albatta. Lekim shu vaqtgacha u biror falokatga uchrugani yo'q.

— Xa-xa-xa, — deb kular edi u. — Iblis emish! Klok-No-Tonning o'zi har qanday iblisdan battar-ku, unday yovuz odamni butun tlinketlar tuprog'idan topolmaysiz.

— Voy tentak-e! Shoshmay tur hali, hademay Butun sehr afsunlari bilan yetib keladi. Yaxshisi, tilingni tiy, bu gaplarning kasofati urib, umring qisqarib qolmasin yana!

Aldoqchi deb laqab berilgan La-Lax shunday dedi, lekin Sime bunga javoban kulib qo'ya qoldi.

— Meni Sime deydilar, qo'rquv nimaligini bilmayman, jaholatdan qo'rqlayman. Marhum otamdek kuchliman, kallam ham joyida. Axir, jin-ajinalarni na men, na sen ko'rgan emasmiz-ku, hech kim ham ko'rmagan!

— Skundu esa ko'rgan, — deb e'tiroz bildirdi La-Lax. — Klok-No-Ton ham ko'rgan. Biz buni bilamiz.

— Sen qayoqdan bilasan buni, voy ahmoq-e! — deb shang'llab berdi Sime, uning ho'kiznikidek yo'g'on bo'yni qon quyilib, qizarib ketdi.

— Men buni ularning o'z og'zidan eshitganman, — shuning uchun bilaman.

Sime piq etib kulib yubordi.

– Shaman ham bir odam-da. Uning so'zlari ham meniki yoki senikiga o'xshab yolg'on bo'lishi mumkin emasmi? Tuf-e! Tuf! Yana bir marta tuf! Mana, jin-ajinalar-u shamanlaringga beradi-gan javobim shu! Mana senga! Mana senga!

Shunday deb Sime barmoqlarim qarsillatib, o'z yo'liga keta-verdi, olomon esa unga hurmat va qo'rquv aralash yo'l bo'shatib berdi.

– Yaxshi ovchi, usta baliqchi-yu, lekin yomon odam, – dedi odamlardan biri.

– Shunday bo'lsa ham hamma vaqt uning omadi yurgan, – dedi boshqasi.

– Sen ham yomonlar qatoriga qo'shila qol, senga ham omad keladi, – deb qayrilib qaramay gap tashladi Sime.

– Agar hammamiz yomon bo'lsak, shamanlarga ish qolmasdi. Uff! Hammangiz ham yosh bolalarga o'xshab bo'limg'ur narsalardan qo'rqib yurasizlar.

Kechqurun dengiz suvi ko'tarilgan payt Klok-No-Ton tush-gan qayiq sohilga kehb urilganda ham Sime odobsizlik qilib ku-lardi, hatto shaman qirg'oqqa tusha turib qoqilib ketganini ko'rib, uni askiya qilib ham qo'ydi. Klok-No-Ton qovog'ini solib, unga bir qarab qo'ydi-yu, hech narsa demasdan g'oz yurish qilib, kutib turgan odamlar oldidan o'tib ketdi va to'g'ri Skunduning uyiga qarab yurdi.

Bu uchrashuv paytida nima gaplar bo'lgani qabila odamlari-ga noma'lum qoldi, chunki ikki buyuk sehrgar o'zaro suhbatlashar ekanlar, odamlar odob saqlab uzoqroqda turishar, hatto shivirlab gapirishar edilar.

– Salom, Skundu! – deb do'rilladi Klok-No-Ton, u Skundu qanday qarshilashini aniq bilmaganidan biroz xavotirda edi.

Klok-No-Ton devqomat odam bo'lib, kichkma Skunduga qaraganda uni minora desa bo'lardi. Skundu alik olganda, uzoq-dan qora chigirtka chirillagandek bo'ldi.

– Salom, Klok-No-Ton, – dedi u. – Qadamlaringga ha-sanot.

– Haligi to'g'rimi... – dedi-yu, Klok-No-Ton tutilib qoldi.

– Ha, ha, – deb chidamsizlik bilan uning so'zini bo'ldi kichkina shaman. – To'g'ri, boshimga og'ir kunlar keldi, aks holda mening vazifamni bajarishga kelgan odamga tashakkur aytib turgan bo'lmasdim.

– Bu xabar meni juda xafa qildi, do'stim Skundu...

– Men esa xursandman.

– Topganimning yarmisi senga.

– Yo'g'-e, hurmatli Klok-No-Ton, – dedi Skundu qo'lini ko'tarib norozilik blldirar ekan. – Aksincha, shu bugundan boshlab quling va qarzdoringman, umrimning oxirigacha senga xizmat qilishga tayyorman.

– Men ham...

– Hozir menga xizmat qilishga tayyor turganining kabi.

– Bunga shubha qilmasang ham bo'ladi. Menga qara, Guniya degan xotin adyolini o'g'irlatibdi, bum qiyin ish deb o'ylaysanmi?

Yangi kelgan shaman kalavaning uchini topishga shoshilib, xato qildi. Skundu miyig'ida kulib qo'ydi, u odamlarning ko'nglidagi gaplarni bilib turishga o'rganib qolgandi, shunimg uchun hech kimni nazar-pisand qilmasdi.

– Hamma vaqt keskin choralar ko'rib kelgansan, – dedi u. – O'g'rini birpasda topib olishingga sira shubham yo'q.

– Ha, bir zumda topaman, faqat bir nazar tashlasam bo'lgani, – dedi-yu, Klok-No-Ton yana tutilib qoldi. – Biror begona odam yo'qmidi bu yerda? – deb so'radi u.

Skundu bosh chayqadi.

– Bunga qara! Ajoyib narsa-a, nima deding? – deb Skundu bug'u va dengiz mushugi terisidan tikllgan choyshabni ko'rsatdi. U mehmonning choyshabga qiziqish bilan ko'z qirini tashlab qo'yayotganini sezib qolgandi.

– Juda arzon tushirib olganman, – deb qo'shimcha qildi u.

Klok-No-Ton diqqat bilan quloq solar ekan, tushundim degandek bosh irg'itdi.

– Men buni La-Lax degan odamdan oldim. Bu odam juda epchil yigit. Shunda miyamga lop etib bir fikr keldi...

- Qani, qani, – deb yubordi sabrsizlik bilan Klok-No-Ton.
- Miyamga bir fikr keldi, – deb gapini tugatdi u birpas jum turib. – Keskin choralar ko‘rishga ustasan, qadamlaringga hasanot, Klok-No-Ton, – deb qo‘shib qo‘ydi.

Klok-No-Toning yuzi yorishib ketdi.

- Buyuk odamsan, Skundu, shamanlar shamanisan. Seni sira esimdan chiqarmayman. Endi boray. La-Lax epchil odam degin?

Skundu yana miyig‘ida kulib qo‘ydi, mehmonni chiqarib yuborib eshikni yopdi, eshikka ikki qavat tampa solib qo‘ydi.

Klok-No-Ton Skunduning uyidan chiqqanda, Sime qirg‘oqda qayig‘ini tuzatib o‘tirgan edi. U ishini to‘xtatib, hammaning ko‘z oldida miltig‘ini o‘qlab yoniga qo‘ydi.

Shaman buni ko‘z ostiga olib qo‘ydi-da:

- Qabilaning hamma odamlari mana shu yerga yig‘ilsin, – deb qichqirdi. – Shunday deb, jin-ajinalarni topa oladigan va ularni quva oladigan men, Klok-No-Ton, buyuraman.

Klok-No-Ton boshda odamlarni Guniyaning uyiga to‘plamoqchi edi, lekin u Simemng buyruqqa itoat qilishiga ishonmasdi; janjal ko‘tarishni esa istamasdi. Simega o‘xshagan odamlar bilan, yaxshisi, adi-badi aytishib o‘tirmaslik kerak, ayniqsa, shaman bundan ehtiyyot bo‘lishi zarur, deb o‘ylaydi u.

- Guniya degan xotinni chaqiringlar, – deb buyurdi Klok-No-Ton atrofga yirtqichlarcha nazar tashlab. Uning qarashlari dan hammaning badani jimirlab ketdi.

Guniya hech kimga qaramay, boshim quiyi solib o‘rtaga chiqdi.

- Adyoling qam?
- Endigina oftobga yoyib qo‘ygan edim, bir zumda yo‘q bo‘lib qoldi, – deb ko‘zyoshi qildi Guniya.
- Ha-ha!
- Hammasiga Di-Ya sababchi.
- Ha-ha!
- O‘zini ham rosa adabini berdim, yana beraman hali, chunki boshimizga falokat keltirdi, biz esa kambag‘al odamlarmiz.

— Adyoldan gapir! — deb bo‘g‘iq tovush bilan o‘kirdi Klok-No-Ton, u Gunianing jodugarlik xizmat haqini kamaytirishga urinayotganini anglab qolgandi. — Adyoldan gapir, hay xotin. Boyliging hammaga ma’lum.

— Adyolni endigina oftobga yoygan edim, — deb hiqillab takrorladi Guniya. — O‘zimiz kambag‘al odamlarmiz, hech va-qomiz yo‘q.

Birdan Klok-No-Tonning muskullari tarang tortildi, yuzlari burishib-tirishib ketdi, Guniya esa orqaga tisarildi. Lekin dam o‘tmay Klok-No-Ton shunday shaht bilan oldinga sakradiki, Guniya gandiraklab ketib, uning oyog‘i ostiga yiqlidi. Shamanning ko‘zлari olayib, jag‘i pastga osilib qoldi. U qo‘llarimi cho‘zib, jon-jahdi bilan havoni mushtlayverdi. Uning butun gavdasi xudi qattiq og‘riyotgandek buralib-buralib ketardi. Bu harakatlari tutqanog‘i tutib qolgan odamning holatini eslatardi. Lablarida op-poq ko‘pik paydo bo‘ldi, a’zoyi badani qaltiray boshladи.

Xotinlar jazavasi tutib, u yoqdan bu yoqqa chayqalib turdi-lar-da, mahzun kuy boshlab yubordilar, erkaklar ham birin-ketin ularga qo‘shildilar. Bunga faqat Sime aralashmadi. U ag‘daril-gan qayiqqa minib olib, atrofida bo‘layotgan ishlarga istehzo bilan qarab o‘tirdi, lekin uning tomirlarida qoni bo‘lgan bobola-rining ovozi borgan sari kuchayib, uni ham shunga undardi. Sime esa qo‘rquvni yengish uchun o‘zi bilgan hamma boloxo-nador so‘kislarni og‘ziga olib to‘ng‘illay boshladи. Klok-No-Tonga qarab, odam qo‘rqib ketardi. U o‘zi o‘ralib olgan adyolni uloqtirib urdi, butun kiyimlarini yechib tashlab, qip-yalang‘och bo‘lib oldi, belida burgut changalini tizib yasalgan lungi qoldi, xolos. U, u yoqdan bu yoqqa chopar, davra o‘rtasida gir aylanar, baqirib-chaqirardi, uzun, qop-qora sochlari yoyilib ketgan, xuddi zulmat qorong‘ilikning bir parchasiga o‘xshardi. Lekin jazavasi tutgan Klok-No-Tonning harakatlari qandaydir qat‘iy bir ritmga bo‘ysungan edi. Tevarak-atrofdagilarning hammasi mana shu ritmga ergashib, shamanning ovoziga jo‘r bo‘lganla-ridan keyin u birdan to‘xtadi-da, burgutning tirnog‘iga o‘xsha-gan uzun ko‘rsatkich barmog‘ini ochib qo‘lini oldinga cho‘zgan

holda yerga o'tirib oldi-yu, qotdi. Olomon orasidan go'yo jon uzilish paytidagi singari ingroq ovoz ko'tarildi – odamlar jon hovuchlab, titrab-qaqshab, davrani sekin-asta aylanayotgan dahshatli ko'rsatkich barmoqdan ko'zlarimi olmay turdilar. Chunki bu barmoq bilan birga o'lim aylanar, barmoq ko'rsatmay o'tib ketgan odam hayot qolardi. O'limdan qutulganlar yengil tortib, endi nima bo'tishini diqqat bilan kutib turardilar.

Pirovardida shaman qattiq qichqirib yubordi, uning bar-mog'i La-Laxga qadalib to'xtadi. La-Laxni titroq bosib ketdi. U o'ldim endi, deb o'yladi, mol-mulki talon-toroj qilingani, xotini esa ukasiga tekkani ko'ziga ko'rinish ketdi. U gapirishga urimb ko'rdi, o'zini oqlamoqchi bo'ldi, lekin tili tanglayiga yopishib, tomog'i qaqrab qoldi. Klok-No-Ton ishini qilib bo'lgach, xuddi behushdek bo'lib qoldi. Lekin ko'zi yumuq holda quloq sohib turardi: mana, hozir tanish ovoz yuz va ming martalab eshitgan buyuk qasos qichqirig'i ko'tariladi, deb kutardi. U sehr qilib bo'lgandan keyin, odatda, odamlar xuddi ochi bo'rilardek, titrab turgan gunohkorga tashlanar edilar. Ammo hozir hamma jim turardi: kimdir piqillab kulib yubordi, davraning boshqa tomonidan kimdir unga ergashdi, keyin kulgi borgan sari kuchayib bordinga, qahqaha ovozi hamma yoqni titratib yubordi.

– Nima gap o'zi? – deb qichqirdi shaman.

Bunga javoban odamlar:

– Xa-xa-xa! – deb xaxolab kulishardi. – Sehrgarliging o'tmadi, Klok-No-Ton.

– Mana, sakkiz oy bo'ldiki, Sevash qabilasidagi ovchilar bilan tulen oviga ketgan edim, – dedi duduqlana-duduqlana La-Lax, – bugungima qaytib kelib, adyol o'g'irlanganini eshitib turibman.

– Bu to'g'ri gap, – deb hamma bir og'izdan La-Laxning so'zini tasdiqladi. – Guniyaning adyol yo'qolganda La-Lax qishloqda yo'q edi.

– Senga hech narsa to'lamayman, sehrgarliging to'g'ri chiqmadi, – dedi Guniya. U allaqachon o'midan turgan va ishning sharmandalik bilan tugaganidan joni chiqib ketgandi.

Klok-No-Tonning ko'z oldiga miyig'ida kulib turgan Skundu keldi, qulog'iga xuddi qora chigirtkaning chiyillashiga o'xshagan ingichka ovozi eshitilib ketdi, u: „Men bu adyolni La-Lax degan odamdan oldim, miyamga bir fikr keldi... Keskin choralar ko'rishga ustasan. Qadamlaringga, hasanot“, degan edi.

Klok-No-Ton Guniyani itarib tashladi-da, oldinga otildi, odamlar beixtiyor unga yo'l berdilar. O'z qayig'ida o'tirgan Sime yomon so'zlarni aytib, uni askiya qildi, xotinlar uning yuziga qarab qahqahlab kulardilar, odamlar uni har tomondan masxara qilishardi. Lekin Klok-No-Ton hech narsaga e'tibor bermay, kuchining boricha Skunduning uyiga chopib boraverdi. U Skunduning eshigini itardi, qo'llari bilan urib qoqdi, qichqirib la'natlar o'qidi. Lekin ichkaridan javob bo'lmadı. Jimlik tushgandagina uydan Skunduning duo-sehr o'qiyotgan ovozi eshitildi. Klok-No-Ton jinnilarga o'xhab baqirib-chaqirdi, bu ham bo'limgach, katta bir toshni olib, eshikni urib sindirmoqchi bo'ldi, biroq odamlar orasida norozilik ovozlari ko'tarildi. Shunda Klok-No-Ton o'zining shuhrati va kuchidan mahrum bo'lgani holda boshqa qabila odamlari orasida turganini esladi. U bir kishining yerga engashib tosh olayotganini ko'rib qoldi, uning orqasidan yana bir kishi yerdan tosh oldi, shamanni qo'rquv bosdi.

— Skunduga tegma, u senga o'xshagan aldoqchi emas, u haqiqiy sehrgar, — deb qichqirdi bir xotin.

— Yaxshisi, jo'nab qol bu yerdan, — deb do'q aralash maslahat berdi bir kishi.

Klok-No-Ton g'oyat o'sal bo'lib va g'azabdan burilib, qirg'oqqa yo'l oldi. Orqamga birortasi tosh bilan tushirib qolmasin yana, deb qo'rqib borar edi. Biroq orqasidan birorta ham tosh otilmadi.

Bolalar qilpanglashib, uning oyoqlari ostida o'ralishib bordilar, orqadan xaxolab kulgan odamlarning ovozi eshitildi, xolos. Shunday bo'lsa ham, u tushgan qayiq ochiq dengizga chiqqandan keyingina erkin nafas oldi va tik turgan holda qishloq aholisiga la'natlar yog'dirdi, uni sharmanda qilishda bosh aybdor bo'lgan Skunduni, ayniqsa, ko'proq qarg'adi.

Qirg'oqda esa odamlar baqirib-chaqirib, Skunduni talab qilmoqda edilar. Qishloqning butun aholisi Skundu eshigi oldida to'planib olib, qiyin-qistoq qilar va ojizlik bilan unga yalinar edilar. Pirovardida, kichkina shaman eshik oldiga chiqib, qo'lini yuqori ko'tardi:

– Siz mening bolalarimsiz, shuning uchun ham gunohlari ngizni kechirdim, – dedi u. – Lekin bu eng oxirgisi. Maqsadiningizga yetasiz, chunki men sirmi topdim. Bugun kechasi, oy osmon gardishi orqasiga botib, ulug' murdalarni ko'zdan kechi-rayotganda, hamma Guniyaning uyi oldiga to'plansin. O'sha yerda jinoyatchining kim ekani hammaga ma'lum bo'ladi. Jinoyatchi qilmishiga ko'ra jazosini tortadi. Gapim shu.

– Uning jazosi o'lim, – deb qichqirdi Boun. – Chunki u bizning boshimizga g'am-g'ussa solishdan tashqari, sharmanda ham qildi.

– Shunday bo'lsin! – deb javob berdi Skundu va eshigini taq etib yopib oldi.

– Endi hamma narsa ravshan bo'ladi, tinchlik va tartib o'rnatiladi, – deb tantanali ravishda e'lon qildi La-Lax.

– Hammasi shu jikkak Skunduning irodasi bilan bo'ladi mi? – deb istehzo bilan so'radi Sime.

– Buyuk sehrgar Skunduning irodasi bilan, – deb uning gapini to'g'riladi La-Lax.

– Tlinketlar – ahmoqlar qabilasi! – dedi Sime somiga shapil latib urib. – Kap-katta xotinlar, zabardast erkaklar ahmoq bo'lib bo'limg'ur ertaklarga ishonib yurishganiga hayron qoladi kishi.

– Men ko'pni ko'rgan odamman, – deb e'tiroz bildirdi La-Lax. – Men dengizlarda sayohat qildim, har xil alomatlar va ko'pmo'jizalarni ko'rdim, bularning hammasi haq gap. Men La-Lax...

– Aldoqchisan...

– Ba'zi kishilar menga shunday laqab taqqanlar, lekin menga Sayyoh deb ham to'g'ri nom qo'yganlar.

– Men uncha ko'p narsa ko'rgan emasman-u... – deb boshladi Sime.

– Demak, tilingni tiyib yur, – deb uning so‘zini kesdi Boun; keyin ular bir-birlaridan norozi holda har tomonga tarqalib ketishdi.

Quyoshning so‘nggi kumush nurlari osmon gardishi orqasida g‘oyib bo‘lgach, Skundu Gumiyaming qarshisida to‘plangan odamlar oldiga keldi. U tez va dadil qadam bosib kelardi. Jinchiroqning xira yorug‘ida ko‘rsalarki, uning qo‘li bo‘s, niqobsiz, shaldir-shuldur asboblar va umuman sehrgarlik ishida zarur bo‘lgan narsalar yo‘q. Faqat qo‘ltig‘iga mudragan katta bir qarg‘ani tiqib olibdi.

– Gulxan qilish uchun o‘tin to‘plab qo‘ydilaringmi? – deb so‘radi Skundu. – O‘g‘ri topilganda hamma uni ko‘rishi kerak.

– Hammasi tayyor, – deb javob berdi Boun. – O‘tin yetarli.

– Bo‘lmasa quloiq solinglar. Gapim qisqa bo‘ladi.

Men bu yerga Jelksni olib keldim, bu qarg‘a hamma sirlarni biladi, har qanday ishdan xabardor. Men mana shu qora qushni Guniyaning uyidagi eng qorong‘i burchakka o‘tqazib, ustiga katta qora tog‘ora to‘nkarib qo‘yaman. Biz jinchiroqni o‘chirib, qorong‘ida qolishimiz kerak. Bu juda oson ish. Har biringiz navbat bilan uyga kirib, qo‘lingizni tog‘oraga tekkizasiz, qo‘lingizni bir marta chuqur nafas olguncha tog‘oradan olmaysiz, keyin chiqib ketasiz. Jelks jinoyatchi o‘ziga shu qadar yaqin ekanligini sezib, qag‘illab yuborishi kerak. Yoki boshqa bir yo‘l bilan o‘zming avliyoligimi ko‘rsatar. Tayyormisiz?

– Tayyormiz! – deb javob berdi hamma bir ovozdan.

– Unday bo‘lsa, boshladik. To hamma ayol-erkaklar uyga kirib chiqquncha bitta-bittadan otingizni aytib chaqiraman.

Birinchi bo‘lib uyga kirgan La-Lax bo‘ldi. Hamma haya-jon bilan quloiq solar, jimlikda uning oyog‘i ostidagi omonat yotqizilgan taxtalarning g‘ichirlashi eshitilib turardi. Jelks qag‘illamadi, biror belgi ham bermadi. Keyin navbat Bounga keldi. Chunki o‘z adyolini o‘zi yashirib, qo‘shnilarini sharmanda qilishga qasd etgan bo‘lishi ham ajab emasdi. Uning orqasidan navbat Guniyaga keldi, keyin boshqa xotinlar, bolalar kirdilar, lekin qarg‘a hech ovoz bermadi.

– Sime! – deb chaqirdi Skundu, – Sime! – deb yana takrorladi u. Ammo Sime qimirlamadi.

– Ha, qorong'idan qo'rqtyapsanmi? – deb chaqib oldi uni aybsizligi isbot qilinganidan g'ururlanib La-Lax.

Sime piq etib kulib qo'ydi.

– Mana shu maynavozchiliklarga qarab, kulgim qistayapti. Lekin men mo'jizaga ishonganidan emas, qo'rmasligimm isbot qilish uchun kiraman.

U dadil qadam bosib uyga kirdi, odatdagidek jilmayib qaytib chiqdi.

– Qarab tur hali, lop etib o'lib qolganingni bilmay ham qolasan, – deb shivirladi uning qulog'iga achchiq ustida La-Lax.

– Ehtimol, – deb yengiltaklik bilan javob berdi xudosiz. – Ichingizda shainanlar va har xil bema'ni gaplarga ishondigan odamlar ko'p, lekin o'z uyida o'z ajali bilan o'lganlar ko'pmi?

Qishloq aholisining yarmi omon-eson sinovdan o'tib bo'ldi. Ko'pchilik o'rtasida hayajon borgan sari kuchayib bordi, bu hayajonni bosib turish zaruriyati uning yana ham kuchayishiiga turtki berdi. Uyga kirmagan odam juda oz qoldi, shu vaqt to'ng'ich bolasiga ikkiyat bir yosh xotin tob keltirolmay, shaytonlab qoldi.

Oxirida sinovdan o'tmagan bitta odam qoldi. Qarg'a hamon ovoz bermasdi. Bu Di-Ya edi. Demak, jinoyatchi Di-Ya bo'lishi kerak. Guniya qo'llarini osmonga ko'tarib, madad so'ray boshladи, qolganlar jin urgan boladan o'zlarini olib qochdilar. Di-Yaning kapalagi uchib, oyoqlari qaltiradi. U uyga kirayotib, qoqilib ketdi-da, yiqilishiga oz qoldi. Skundu uni ichkariga itarib yuborib eshikm yopdi. Oradan ancha vaqt o'tdi, bolaning piqillashidan boshqa hech narsa eshitilmasdi. Keyin qadamning uzoqlashayotgan tovushi eshitildi, keym ichkari jimjit bo'lib qoldi, keym yaqinlashayotgan qadam tovushi eshitildi; eshik ochildi-da, bola tashqari chiqdi. Hech narsa bo'lmadi. Sinovdan o'tkazadigan boshqa odam ham qolmadи.

– Gulxanni yoqinglar! – deb buyurdi Skundu.

Alanga yuqori o'rladi va odamlarning yuziga yorug' tushdi. Qo'rquv, shu bilan birga esankirash belgisi hali odamlarning yuzidan yo'qolmagan edi.

– Yana hech narsa chiqmadi! – dedi Guniya, bo'g'iq tovush bilan.

– Ha, – deb uning gapiga qo'shildi Boun, – Skundu qarib qoldi, biz endi boshqa shaman topishimiz kerak.

– Hamma sirni biladigan Jelksning avliyoligi qani? – dedi istehzo bilan Sime La-Laxning qulog'iga.

Esankirab qolgan La-Lax peshonasini siypaladi-yu, javob bermadi.

Sime ko'kragini kerib, kichkina shamanning oldiga keldi.

– Ha-ha-ha! Bu ishiar befoyda deb aytmabmidim!

– Balki, ehtimol, – deb ojizona javob berdi Skundu. – Mo'jizalardan xabarsiz bo'lgan kishilar shunday deb o'yashi mumkin.

– Masalan sen, – deb qo'shib qo'ydi Sime, dag'al qilib.

– Men ham xabarsiz bo'lishim mumkin, – dedi u, Skundu juda sekin gapivardi. Uning qovoqlari asta, juda astalik bilan pastga tu-sha bordi-da, ko'zlarini qopladi. – Lekin yana bitta sinov qoldi. Hamma erkaklar, xotinlar, bolalar qo'llarini yuqori ko'tarsinlar! Tez, hamma birdan ko'tarsin!

Bu buyruq shu qadar kutilmagan, shu qadar amirona ohanga berildiki, hamma so'z qaytarmay bo'ysundi. Hammaming qo'li yuqori ko'tarildi.

– Endi har bir kishi boshqalarning qo'liga qarasin, – deb buyurdi Skundu. – Hammaning qo'liga qarasinki...

Lekin ko'tarilgan qahqaha uning so'zlarini kesib qo'ydi, bu qahqahada do'q ham bor edi. Hamma Simega qaradi. Hammanning qo'li qorakuya, faqat Simening qo'li Guniyaning tog'orasi-ga tegib qora bo'lmanan edi.

Bir tosh havodan vizillab kelib, Simening yuziga tegdi.

– Bo'lmanan gap! – deb baqirdi u. – Noto'g'ri! Men Guniyaning adyoliga tekkanim yo'q!

Ikkinci tosh kelib, peshonasini yordi, uchinchisi uning boshi ustidan vizillab o'tdi. Atrofni buyuk qasos qichqiriqlari bosib ketdi, odamlar unga jazo berish uchun yerni paypaslab, tosh qidirar edilar. Sime gandiraklab ketdi, tiz cho'kib qoldi.

– Hazillashgandim! – deb qichqirdi u. – Hazil qillsh uchunga olgan edim.

Skunduning:

– Adyolni qayoqqa qo'yding? – deb chiyillagani xuddi pichoq singari shovqinni kesib o'tdi.

– Adyol uyimda, bog'lab qo'yilgan terilar orasida, shipga osib qo'yganman, – deb javob berdi Sime. – Lekin men faqat hazillashgan edim, men...

Skundu boshini bir tomonga qiyshaytirdi, toshbo'rondan hamma yoq qorong'i bo'lib ketdi. Simening xotini boshini tizzasi orasiga yashirib yig'lardi, lekin uning o'g'ilchasi chiyillab kulib, boshqalar bilan birga otasiga tosh otardi.

Guniya qimmatbaho adyolni yelkasiga tashlagan holda tal-tayib kelardi. Skundu uni to'xtatdi.

– Biz kambag'al odamlarmiz, bizda hech narsa yo'q, – dedi Guniya hiqillab. – Bizni xafa qilma, Skundu.

Odamlar qimirlab turgan tosh uyumidan uzoqlashdilar, hamma jikkak shamanga nazar tashladi.

– Men o'z bolalarimni xafa qilganmanmi hech, aziz Guniya? – deb javob berdi u Guniyaga, adyolga qo'l cho'zib. – Men bunday odamlardan emasman. Buning dalili uchun sendan mana shu adyoldan boshqa hech narsa olmayman.

– Dono ekanmanmi, bolalarim? – deb so'radi Skundu odamlarga qarab.

– Haqiqatan ham donosan, Skundu! – deb hamma bir og'izdan javob berdi. Shundan keyin yelkasiga adyolni tashlab olgan, qo'ltig'iga mudroq Jelksni qisgan Skundu qorong'ilik qo'yniga kirib, ko'zdan yo'qoldi.

ISYONCHI

*Turaman. Mehnatga chaqirar kunduz,
Yalqovlikni ato qilmagin, yo Rab!
Kunduzi tanamdan agar chiqsa jon,
Qilgan mehnatim chun aylagil ehson!*
Omin.

— Hoziroq tur, Jonni. Bo‘lmasa ovqat bermayman!

Bu gap bolaga ta’sir qilmadi. Bola uyg‘onishni sira ham istamas, xayolparast o‘z xayoliy orzularidan ajralishni istamaganidek, shirin uyqudan ajralgisi kelmasdi. Bola mushtalarimi qisib, zaif va tartibsiz ravishda havoni mijig‘lardi. Bu zarblar onasiga qarshi qaratilgan, ammo onasi bunga odad-dagidek chaqqonlik bilan chap berar va bolaning yelkasidan ushlab, uni qattiq-qattiq silkitar edi.

— Bor-e-e!..

Bola uyqu aralash bo‘g‘iq ingradi-yu, ammo bu ingrash tezda g‘azabli qichqiriqqa aylandi, keyin bola jum bo‘ldi-da, ketidan allanarsalar deb g‘ulduradi. Bu jon achchig‘idagi qichqiriq, ja-hannamda jon azobi chekib yotgan odamning alamli qichqirig‘i edi.

Ammo ona bunga e’tibor bermadi. Ko‘zlarini g‘amgin, yuzlari horg‘in bu xotin kunda bo‘ladigan bu mashmashaga o‘rganib qolgan edi. Ona ko‘rpaning bir uchidan tutib, bolaning ustini ochib tashlamoqchi bo‘ldi. Lekin bola musht solishdan voz kechib, jondili bilan ko‘rpaga yopishib oldi. U karavotning oyoq tomonida g‘ujanak bo‘lib olib, ko‘rpadan ajralishni istamasdi. Undan keyin onasi karavotdagi ko‘rpa-to‘shakning hammasini yerga tortib tushirmoqchi bo‘ldi, bola bunga ham qarshilik ko‘rsatdi. Onasi butun kuchi bilan tortdi, zo‘rlik qildi, ko‘rpa bola bilan birga

yerga sirg' alib tusha boshladi. Bola odatdagidek ko'rpara mah-kam yopishib, isitilmagan uydagi sovuqdan jon asramoqchi bo'lardi.

Bola karavotning chekkasida osilib, polga yiqilay-yiqilay deb turardi, shunda uyqusi o'cha boshladi. U dik etib o'rnidan turib o'tirib oldi-yu, yiqilmadi; keyin oyoqlarini polga osiltirdi. Shu zahoti onasi uni yelkasidan tutib silkitdi. Bola yana mushtlarini ishga soldi, bu gal u mo'ljaliga kuchliroq va bexatoroq musht urdi. Uning ko'zлari ochildi. Onasi uni qo'yib yubordi – bola uyg'ongan edi.

– Xo'p, xo'p, – deb ming'illab qo'ydi u.

Onasi stol ustidan lampani oldi-da, uni qorong'ida qoldirib oshxonaga chiqdi.

– Oyligingdan ushlab qolishadi, o'shanda bilasan! – dedi ona chiqib ketarkan.

Qorong'ilik unga xalaqit bermadi. Bola kiyinib oshxonaga chiqdi. Uning og'ir qadam tashlashi oriq, nozik gavdasiga hech mos kelmasdi. Bola oyoqlarini og'ir sudrab bosardi, bu esa g'alati ko'rinaridi: uning oyoqlari imgichka va qoqsuyak edi. U stol oldiga siniq stulni surdi-da, o'tirib oldi.

– Jonni! – dedi onasi norozilik bilan.

Bola indamay jahl bilan o'rnidan turdi-da, chanoq oldiga keldi. Bu chanoq iflos, moy bosib ketgan, uning teshigidan yomon hid kelib turardi. Bola buni sezmasdi. Chanoqdan sassiq hid kelib turganligi, bugungidek yuvindi singib ketgan sovunning ko'pirmasligi ham unga tabiiy bir hol edi. To'g'rismi aytganda, sovun bilan yuvinishga hafsalasi ham yo'q. U yuziga bir necha marta suv sepdi-da, shu bilan yuvinishni tamom qildi. U tishlarini tozalamadi, tish cho'tkasini umrida ko'rmagan. Dunyoda tish tozalashga ham vaqt sarf qilib o'tiradigan ahmoq odamlar bo'ladi, deb hatto xayoliga ham keltirmasdi.

– Hech bo'lmasa kunda bir marta yuvinishni odat qilsang edi, – dedi o'pka qilib onasi.

Kofeynikning siniq qopqog'ini bir qo'li bilan ushlab turib, onasi ikkita chashkaga kofe quydi. Bola onasining ta'nasiga

javob bermadi, chunki bu ona-bola o'rtasidagi har kungi savdo bo'lib, ona faqat bir narsani – hech bo'lmasa kunda bir marta yuvinishni qat'iy talab qilardi. Jonni yuzini yog' bosib ketgan, yirtiq sochiqqa artdi. Uning betiga sochiq iplari yopishib qoldi.

– Uyimiz ishxonadan juda uzoq-da, – dedi ona bola stol yoniga o'tirganda. – Bilasan-ku, axir, qo'limdan kelganicha tirishaman. Lekin uyimiz keng, ijara haqi bir dollar kam. O'zing bilasan, bir dollar ham ko'chada yotmaydi-da.

Onaning so'zlariga u deyarli qulq solmasdi. Bu gaplarni u juda ko'p eshitgan. Onaning fikr doirasi juda tor bo'lib, doim uning boshini qotirgan narsa – turmushning noqulayligi va turgan joylarining fabrikadan uzoqligi edi.

– Ortiqcha dollar – ortiqcha ovqat degan gap, – dedi bola, burrolik bilan. – Uzoqroq yo'l yursam ham ko'proq ovqat yeyish yaxshi-da.

U nonni shoshib-pishib yamlab yutar, ustidan qaynoq kofe ichardi. Issiq loyqa suyuqlik kofe o'rmini bosardi. Lekin Jonni buni haqiqiy va eng yaxshi kofe deb o'yldi. **U** umrida rostakam kofeni ichmagandi.

Bir burda nondan tashqari unga bir parcha yaxna to'ng'iz go'shti ham tegdi. Onasi yana bir chashka kofe quyib berdi. Jonni nonini yeb bo'lib, yana biror burda non bermasmikan, deb onasining qo'liga qaradi. Onasi uning maqsadiga tushundi.

– Bunday ochko'z bo'lma, – dedi onasi. – O'z tegishingni olding. Ukalaring nimani yeydi?

Jonni javob bermadi. Umuman, u juda kamgap bola edi. **U** ochko'zlik bilan endi ovqatga tikilmadi. Bola zorlanmadni, bu itoatkorligi shunga majbur qilgan maktabidan ham battar edi. **U** kofeni ichib og'zini qo'li bilan artdi-da, o'rmdan turdi.

– Shoshma, – dedi onasi shoshilib. – Non chetidan yupqa qilib yana bir burda kesib bera qolay.

Ona epchillik qilmoqchi bo'ldi. **U** bir bo'lak nonni olib, go'yo chetidan kesayotganday pichoq urdi, keyin nonni qaytib savatga soldi-da, o'z nonidan bir burdasini bolasiga berdi. Ona,

uni aldadim, deb xayol qildi, lekin u onasining quvligini sezdi, shunday bo'lsa ham nonni hech tortinmay oldi. Onam kasalmand bo'lganidan ko'p ovqat yeya olmaydi, deb o'ylar edi u.

Bolaning quruq non chaynayotgamini ko'rib, onasi unga o'z kofesini ham quyib berdi.

– Bugun mima uchundir kofe ko'nglimni aynitib turibdi, – deb qo'ydi ona.

Uzoqdan eshitilgan cho'ziq va qattiq bong ikkalasini ham o'rirlaridan sakratib turg'azib yubordi. Onasi tokchadagi tunuka soatga qaradi. Soat besh yarim. Barcha fabrika ishchilarini endi uyqudan uyg'onmoqdalar. Ona ro'molini yelkasiga tashladi, boshiga eski g'ijimlangan shlapani kiyib oldi.

– Yelib yurmasak bo'lmaydigan ko'rindi, – dedi u lampanning piligini ichiga tortib puflab o'chirar ekan.

Ular paypaslanib xonadan chlqib, zinapoyadan pastga tushdilar. Tashqari sovuq, osmonda bulut yo'q. Jonni sovuqqa chiqishi bilan badani junjikib ketdi. Yulduzlar hali charaqlab turibdi. Shahar qorong'i. Ona-bola oyoqlarimi og'ir sudrab, piyoda bordilar. Oyoqni qattiq-qattiq bosishga mador yo'q.

O'n besh daqiqalardan keyin onasi o'ngga burildi.

– Ehtiyyot bo'l, kech qolma! – deb qorong'ilik ichidan so'nggi marta ogohlantirdi ona.

Jonni indamay ketaverdi. Ishchilar mahallasi jonlanib, eshiklar ochilib-yopila boshladi. Ko'p o'tmay Jonni oshiqib ishga ketayotgan odamlarga qo'shildi. U fabrikaning hovlisiga kirganda ikkinchi bong chalindi. Jonni sharqqa ko'z tashladi va uylar ustida endigina oqarib kelayotgan tong yorug'ini ko'rdi. Kunduzgi yorug'likdan Jonniga qismat bo'lGANI ana shu g'ira-shira yorug' edi. Jonni yorug'likka orqasini o'girib, boshqa ishchilar qatori sexga kirib ketdi.

Jonni uzunasiga qator tizilgan mashinalarning biri oldiga kelib, o'z joyini egalladi. Uning oldida ip g'altaklari solingan yashik turadi, undan teparoqda juda tezlik bilan katta duglar aylanadi. Jonni o'sha duglarga kichik g'altaklardagi iplarni ulab turishi kerak.

Ish qiyin emas, lekin chaqqonlik talab qiladi. Kichkina g'altaklar ipni tez-tez chuvatadilar, duglar ipni shunday tezlik bilan o'raydilarki, anqayding – ish chatoq.

Jonni beixtiyor tez ishlardi. Kichik g'altaklardan biri bo'shaganda, u chap qo'li bilan duglarning harakatini to'xtatar, ayni vaqtida ikki barmog'i bilan ipning uchini ushlab olardi. O'ng qo'li bilan esa xuddi shu vaqt boshqa g'altakdag'i ipning uchini tutib olib, ikki ipni bir-biriga ulardi. Bu harakatlar ikki qo'l bilan bir vaqtida juda tez bajarilishi kerak. Keyin Jonni tez harakat qilib iplarning uchini tugib, dugni qo'yib yuboradi. To'quvchilik iplarini ulash oson ish. Jonni bu ishiarni juda oson va xatosiz bajaradi, bunday tugunchalarni qilishga u juda usta bo'lib qolgandi, bir marta, hatto u tushimda ip ulay olaman, deb maqtangan edi. Haqiqatan ham Jonni kechalari tushida mana shunday tugun tugib chiqardi.

Ba'zi bolalar ishyoqmaslik qilib, g'altaklarni o'z vaqtida almashtirmay, mashinalarning bo'sh ishlashiga yo'l qo'yardilar. Ammo usta bundan doim ko'z-qulqoq bo'lib turardi. Bir kun usta Jonni oldida ishlab turgan bolani xuddi shu aybi uchun qulqochakkasiga qo'yib yubordi-da:

– Jonniga bir qara! Nega unga o'xshab ishlamaysan? – deb do'q qildi. Jonnining duglari tez va to'xtovsiz aylanardi, lekin u masterning maqtovidan xursand bo'lmadi. Vaholanki, bir vaqtlar... Lekin bunga juda ko'p vaqtlar bo'ldi. Usta uni boyagi bolaga ibrat qilib ko'rsatganda, bolaning beparvo yuzi mutlaqo o'zgarmadi. Ha, u ibrat bo'larli ishchi, buni o'zi ham bilardi. Bu haqda o'ziga ham aytishardi, aytganda ham ko'p martalab aytishgan edi. Lekin odat tusiga kirib qolgan bu maqtovlarning unga hech qanday ahamiyati yo'q edi. Asta-sekin u namunali ishchidan namunali mashinaga aylanib ketdi. Uning ishida biror kamchilik yuz bersa, bunga xomashyoning yomonligi sabab bo'lardi. Eng yaxshi dastgoh yomon mahsulot chiqarmagandek, u ham sira xato qilmay ishlardi.

Bunga ajablanmasa ham bo'ladi. U umri bo'yи mana shu mashinalar bilan birga yashadi. Uni mashinalar tarbiyaladi desa ham bo'ladi. Har holda, u mashinalar ichida katta bo'ldi. Bundan o'n ikki yil burun shu fabrikaning tikuv sexida birdan qiy-

chuv ko'tarildi. Jonnining onasi hushidan ketib yiqildi. Onani guvullab turgan mashinalar orasida yerga yotqizib qo'ydilar. Darhol ikkita to'quvchi xotinni chaqirib oldilar. Usta ham yordam berdi. Bir necha daqiqadan keyin to'quvchilik sexida bitta jon ortdi. Bu mashinalar g'uvvosi, shovqin-suroni ichida tug'ilgan bola Jonni edi. U birinchi bor nafas olganda uchib yurgan chang aralash quyuq, issiq havo bolaning o'pkasiga kirdi. Birinchi kundayoq o'pkasini changdan qutqazish uchun Jonni yo'tala boshladi. Shu-shu bo'ldi-yu, hali-hozirgacha yo'talishini qo'ymaydi.

Jonnining oldida ishiayotgan bola biqnab yig'lar va shilq-shilq burnini tortardi. U hali ham uzoqdan olayib-olayib qarab qo'yayotgan ustaga nafrat bilan xo'mrayib qarardi; ammo endi mashinasida bo'shab qolgan g'altaklari yo'q edi. Bola oldida aylanayotgan g'altaklarni ovozini baralla qo'yib so'kadi, lekin uning alam bilan yog'dirgan so'kishlari uzoqda eshitilmas, xuddi devorga urilgandek, mashinalar guvvosi orasida yo'qolib ketardi. Jonni hech narsaga e'tibor bermay qo'ygandi. Sodir bo'layotgan hodisalarga u beparvo qarashga o'rgangan. Shu bilan birga hamma narsa hadeb takrorlanaversa, jonga tegib qoladi. Bunday hodisalarni u ko'p martalab ko'rgan. Ustaga qarshi biror narsa deyish – mashinaga qarshilik ko'rsatishdek foydasiz ish, deb o'ylardi u. Mashinalar ma'lum qolipda harakat qiladi va ma'lum bir vazifani ado etadi. Usta ham xuddi shunday.

Soat o'n birga borib sexda allaqanday hayajon boshlandi. Qandaydir sirli yo'l bilan bu hayajon bir zumda hamma yoqqa tarqaldi. Jonnining boshqa yomida ishlayotgan bir oyoqli bola qo'ltiq tayog'i bilan bir zumda bo'sh vagonetka ichiga yashirinib oldi. Shu vaqt eshikdan fabrika ish boshqaruvchisi kirib keldi. Uning orqasidan yaxshi kiyangan bir yigit kelmoqda edi. Yigitning egnida kraxmallangan ko'ylak. O'zi yaxshi kiymgan bo'lib, Jonni bundaylarni jentlmen deb hisoblardi, buning ustiga u yana nazoratchi ham edi.

Nazoratchi bolalar yonidan o'tib borarkan, har birini diqqat bilan ko'zdan kechirdi, ba'zan to'xtab bir-ikki savol ham be-

rardi. Shunday paytlarda u ovozi boricha baqirardi, shunda uning yuzlari **kulgili** bir tusda burishib-tirishib ketardi.

U Jonni yonidagi mashinaning bo'sh turganligini ko'rib qoldi, lekin hech narsa demadi.

Nazoratchi Jonnining oldiga kellb to'xtadi, uning tirsagidan ushlab mashinadan bir qadam chetga tortdi-da, taajjub bilan yana qo'yib yubordi.

– Biroz oriqroq, – deb tashvish aralash iljaydi ish boshqaruvchi.

– Qoqsuyak-ku! – dedi unga nazoratchi. – Oyoqlariga qarang. Raxit bo'lsa kerak, to'g'ri, hozir kasalning boshlang'ich davri, lekin kasal ekanligi shubhasiz. Agar uni tutqanoq tamom qilmasa, demak, sil oldinroq tamom qiladi, degan gap.

Jonni aytilgan gaplarning hammasini eshitdi, lekin hech narsa tushunmadi. Bundan tashqari, qachonlardir bo'ladigan, kelajakdagi kasallar um qo'rqiitmadi. U nazoratchining o'zidan ko'proq qo'rqb turardi.

– Qani, bola, to'g'risini ayt, – deb qichqirdi nazoratchi Jonnining qulog'iga egilib... – Yoshing nechada?

– O'n to'rtda! – dedi Jonni yolg'ondan kuchi boricha baqirib.

Qattiq baqirganidan o'tkir, quruq yo'tali qo'zg'aldi. Ertalabdan beri uning o'pkasiga o'tirib qolgan chang yo'talni yana ham kuchaytirdi.

– Aft-u basharasiga qarab, o'n oltida desa ham bo'ladi, – dedi ish boshqaruvchi.

– Oltmishda desa ham bo'ladigan ko'rindi, – deb jahl bilan gapni shart kesdi nazoratchi.

– U doim shunaqa.

– Ko'pdan berimi? – deb tez so'radi inspektor.

– Bir necha yildan beri. O'zi hech ulg'aymaydi.

– Yasharmaydi deng. Shu yillar ichida u hamma vaqt sizda ishladimi?

– Hamma vaqt emas. Lekin bu bola yangi qonun chiqarilmasdan ancha ilgari ishlar edi, – deb shoshlb tushuntirdi ish boshqaruvchi.

– Bu yerda hech kim ishlamaydim? – deb qiziqib so'radi nazoratchi Jonnining yonidagi mashinani ko'rsatib. Mashinada yarmigacha ip o'ralgan duglar juda tez aylanmoqda edi.

– Shunaqaga o'xshaydi, – deb ish boshqaruvchi imlab ustani chaqirdi-da, mashinani ko'rsatib nimanidir qichqirib so'radi.

– Mashina bo'sh ekan, – dedi u nazoratchiga qarab.

Ular nari o'tib ketdilar. Jonni xavf o'tib ketganligiga suyunib, mashinasi oldiga qaytdi. Lekin bir oyog'i yo'q bola baxtsizlikka uchradi. Hamma yoqqa diqqat bilan ko'z tashlab borayotgan nazoratchi uni ko'rib qoldi-da, vagonetka ichidan tortib tushirdi. Bolaning lablari titrar, boshiga og'ir kulfat tushgandek ko'zlarini g'amgin mo'ltiliratib turardi. Usta cho'loq bolani xuddi umrida birinchi marta ko'rayotgandek taajjub bilan baqrayib qoldi. Ish boshqaruvchining yuzida o'ng'aysizlanish va norozilik alomatlari paydo bo'ldi.

– Men uni bilaman, – dedi nazoratchi. – U endi o'n ikkiga kirgan. Shu yilning o'zida mening ko'rsatmam bilan uchta fabrikadan bo'shatdilar, bu to'rtinchisi.

– Maktabga boraman, deb va'da berib eding-ku? – deb so'radi u boladan. Bola yig'lab yubordi.

– Kechiring meni, nazoratchi janoblari, biz juda kambag'al odamlarmiz. Uyimizda ikkita kichkinamiz o'lib qoldi, yemoqqa hech narsa yo'q.

– Nega yo'talyapsan? – deb so'radi nazoratchi, yo'talgani uchun um go'yo jinoyatkor qilayotganday.

– E-e, hechqisi yo'q, – dedi bola, o'zini oqlayotganday bo'lib. – Men o'tgan hafta shamollab qolgan edim, bo'lgani shu, nazoratchi janoblari.

Ish nazoratchi bolani olib chiqib ketishi bilan tugadi. Tashvishlangan ish boshqaruvchi ham uning orqasidan g'oyib bo'ldi. Shundan keyin sexda hamma narsa eski iziga tushib ketdi.

Nihoyat, uzundan uzoq ertalab, undan ham uzoq kun o'tidda, ish tugaganidan darak berib bong chalindi. Jonni fabrika darvozasidan chiqqanda qosh qorayib qolgan edi. Bu vaqt ichida quyosh o'zining oltin yo'lidan osmonga ko'tarilgan, yorqin

nurlari bilan dunyoni isitgan, undan keyin shahardagi binolarning past-baland tomlari orqasiga o'tib, botib ham ketgan edi.

Kechki ovqat oilaning barcha a'zolarini jam qiladigan birdan bir vosita ediki, shunda Jonni o'z ukalari bilan to'qnash kelardi. Bu uchrashuv chinakam edi, chunki Jonni juda qari, ular esa kishiga alam qilarli darajada yosh edilar. Bu ajoyib va erishib bo'lmas yoshlik uning asabiga tegib, jahlini chiqarardi. U yoshlik nima ekanligini tushunmasdi, uning yoshligi endi juda uzoq o'tmish bo'lib qolgan edi. Bolalarning o'yin-sho'xliklariga sovuqqonlik bilan qarab turolmaydigan asabiy va jahli tez cholga o'xshardi. Jonnining nazarida, bu o'taketgan ahmoqlik edi. U qovog'ini solib o'tirib ovqat yer ekan, ular ham tez orada ishga boradilar-ku, deb o'ziga tasalli berardi. Ish ularni ipakdek qilib qo'yadi, ular ham Jonniga o'xshab vazmin va jiddiy bo'lib qolarlar. Barcha mo'min bandalar singari Jonni ham hamma narsani o'z qarichi bilan o'lchardi.

Ovqat ustida onasi bolalarini boqish uchun qo'lidan kelganicha tirishayotganini har xil shaklga solib qayta-qayta pesh qilardi. Shuning uchun ham u qashshoqona dasturxon yig'ishtirilishi bilan yengil tortib, o'midan turdi. Yotib uxlasammikan yo birpas ko'chaga chiqsammikan, deb bir zum ikkilandi, so'ng ko'chaga chiqishga ahd qilib, tashqariga yurdi. Lekin uzoqqa ketmadi, yelkalarini bukchaytirib, tirsaklarini tizzalariga tirab, ikki kaftini iyagiga tirab, eshik oldidagi zinapoyaga o'tirib oldi.

U hech narsani o'ylamas, faqat orom olardi. Uning ongi mudrardi. Shu vaqt ukalari ham tashqari chiqib, boshqa bolalar bilan shovqin-suron ko'tarib o'yin boshlab yubordilar. Elektronaridan tushayotgan shu'la o'ynayotgan bolalarga yorug' tushirib turardi. Ular Jonnining asabiy va serjahl ekanini biladilar, lekin shunday bo'lsa ham bolalarga xos sho'xlik bilan uning jig'iga tega boshladilar. Ular qo'llarini tutishib, bir maromda chayqalib, Jonnining sha'niga tegizib bemaza ashula ayta boshladilar. Boshda u g'ijinib, bolalarni ustalardan o'rganib olgan yomon so'zlar bilan so'kdi. Lekin buning befoyda ekanligini ko'rib va yoshi kattaligi esiga tushib qolib, obro'sini saqlash uchun yana jim bo'lib qoldi.

Bu sho'xlikni boshlab bergen o'zining ukasi o'n yashar Villi edi. Jonni uni yaxshi ko'rmasdi ham. Bolalikdanoq Villini deb doim ko'p narsalardan voz kechishga, o'z hissasini unga berishga to'gri kelardi. Shuning uchun ham Jonni, Villi mendan ko'p qarzdor, yaxshilikni bilmaydigan bola, deb o'ylar edi. Bundan ko'p zamonlar ilgari, Jonni ayni o'ynab yuradigan vaqtarda Villiga qarab umri o'tgan edi. Villi u vaqtarda chaqaloq edi. Onasi hozirgidek kun bo'yi fabrikada ishlardi. Jonni ham otalik, ham onalik vazifasini ado etardi.

Jonni ukasini deb o'zini siqqani va nafsi tiygani, aftidan, Villiga juda foydali bo'lib chiqqandi. Yuzlari qip-qizil, baquvvat Villi endi o'nga kirgan bo'lishiga qaramay, bo'yi o'n ikki yashar Jonnining bo'yi bilan baravar, hatto undan baquvvat roq edi. Go'yo akasining ham hissasi ukasidan chiqqandek edi. O'shanda ham faqat jismoniy xislatdan emas. Jonni holdan toygan, ruhan ezilgan, jonsiz, ukasi esa sog'lom, o'zini qayerga qo'yishini bilmaydi.

Bema'ni qo'shiq borgan sari avj oldi; Villi sakrab-o'ynoqlab unga yaqinlashdi-da, tilini chiqarib Jonnini masxara qildi. Shunda Jonni chap qo'li bilan ukasining bo'ynidan ushlab oldi va tumshug'iga bir musht tushirdi. Uning mushti kichkina, quruq suyak edi, ammo shunda ham og'ritgan bo'lsa kerakki, bola chinqirib yig'lab yubordi. Bolalar qo'rqib ketib faryod ko'tardilar. Jonni bilan Villining singlisi Jenni uyga yugurdi.

Jonni Villini itarib yubordi-da, jahl bilan bir tepdi, keyin yi-
qitib burnini yerga ishqladi. Shu vaqt yugurgancha onasi kelib
qoldi-yu, ojizlik bilan Jonnidan ginaxonlik qildi va butun onalik
g'azabim sochdi.

– Nega o'zi tegajog'lik qiladi! – deb javob berdi Jonni. – Charchaganimni ko'rmayaptimi?

– Men ham sendek katta bo'lib qoldim! – deb qichqirardi Villi onasi quchog'ida tipirchilab. Uning loy va qonga belangan yuzlaridan ko'z yoshlari oqib turardi.

– Men ham sen bilan teng bo'lib qoldim, – dedi yig'lab Villi. – Sendan ham katta bo'lib ketaman hali, o'shanda ko'rasan, adabingni berib qo'yaman!

– Shunday katta bo‘lib qolgan bo‘lsang, ishga bor, – dedi Jonni ijirg‘amb. – Ishla endi – ishga kiradigan vaqting keldi. Oyim ishga kirgizib qo‘ysin.

– Hali u yosh bola, axir, – dedi norozilik bilan ona. – U hali juda kichkina-ku, qanday ishlaydi?

– Men ishga kirganimda undan ham yosh edim.

Jonni yana xo‘p gapirib, alamidan chiqmoqchi edi-yu, lekin shashtidan qaytdi. Keyin u qovog‘ini solib o‘rmidan turdi-da, uyga kirib ketdi. Oshxonadan issiq kirsin uchun xonaning eshigi ochib qo‘yilgan edi. U qorong‘ida yechinarkan, onasining qo‘shni xotinga arz qilayotganini eshitdi. Onasi yig‘lar va yig‘i orasida gapini ham qo‘ymasdi.

– Jonniga nima bo‘lganini hech tushuna olmay qoldim, – derdi u, – bola hech bunday emasdi. U doim farishta singari yuvosh va muloyim edi. To‘g‘risi, u hozir ham yaxshi bola, – deb shoshilib qo‘shib qo‘ydi onasi Jonnini oqlashga tirishib. – U ishdan qochmaydi, faqat juda yoshlikdan fabrikada ishlay boshladi, bunisi to‘g‘ri. Nahotki men aybdor bo‘lsam? Har nima bo‘lganda ham durust bo‘lsin, deb o‘ylaysan-da kishi!

Yana onasming hiqillab yig‘lagani eshitildi. Jonni ko‘zini yumarkan:

– Ha, barakalla, ishdan hech qochgan emasman, – deb ming‘illab qo‘ydi.

Ertasi kuni saharda onasi uni yana shirin uyqusidan qo‘yarda-qo‘ymay uyg‘otdi. Ketidan qorni to‘yar-to‘ymas nonushta qildi-da, tun qorong‘usida uydan chiqib, ishga jo‘nadi. Jonni fabrika hovlisiga kirganda, g‘ira-shira tong otib kelardi, u o‘scha yorug‘likka orqa o‘girib, sexga kirib ketdi. Bir-biriga o‘xshagan son-sanoqsiz kunlardan yana biri keldi.

Lekin Jonnining hayotida yangiliklar ham bo‘lib turardi: bu boshqa ishga o‘tganida yoki kasal bo‘lganida yuz berar edi. Olti yoshida u Villi va boshqa ukalarini boqardi. Yetti yoshida fabrikaga ishga kirib, g‘altaklarga ip o‘ray boshladi. Sakkiz yoshida boshqa fabrikadan ish berishdi. Uning yangi ishi juda yengil edi. Jonni qo‘lida tayoq bilan bir joyda o‘tirar va oldidan uzluksiz o‘tib

turgan gazlamaning taxi buzilgan yerini tayog‘i bilan to‘g‘rilardi. Bu gazlama oqimi mashinalar ichidan chiqib, issiq barabanlar ustidan qayoqqadir nariga o‘tib ketardi. Jonni doim kunduzgi yorug‘dan mahrum yarim qorong‘i bir joyda, kichkina gaz rojak ostida o‘tirardi, shu tarzda u asta-sekim mexanizmning bir qismiga aylanib bordi.

Jonni o‘tirgan yerning havosi rutubatli va issiq bo‘lishiga qaramay, o‘z ishidan juda xursand edi, chunki u hali yosh bo‘lib, ajoyib umid va xayollar dengizida suzib yurardi. U to‘xtovsiz o‘tib turgan gazlama oqimini kuzatarkan, shirin-shirin xayolga botardi. Ish hech qanday harakat qilishni, aqlni ishlatalishni talab qilmasdi; shu tufayhi u borgan sari kamroq xayol suradigan bo‘ldi, ongi borgan sari o‘tmaslanib, o‘tmashlashib bordi. Har holda, u haftasiga ikki dollar ishlar, bu pul esa ochdan o‘lmaslik uchun bir amallab yetib turardi.

U to‘qqiz yoshga kirganda bu ishdan mahrum bo‘ldi, bunga sabab qizamiq bilan og‘rib qolgani edi. Sog‘aygandan keyin shisha zavodiga ishga kirdi. Bu yerda ko‘proq pul to‘lar edilar, lekin bu ishda uquv talab qilinardi. Bu yerda haqni ishlagan ishiga qarab to‘lar edilar. U qanchalik tez ishlasa, shuncha ko‘p pul olardi. Bu ish uni juda rag‘batlantirdi. Mana shuning ta‘siri ostida u tez fursatda eng yaxshi ishchilar qatoriga o‘tib oldi.

Bu ish ham uncha qiyin emasdi: shishadan yasalgan tiqinlarni kichik shisha idishlarga bog‘lash kerak edi. Jonni beliga bir tutam ip bog‘lab olib, ikki qo‘li bilan ishlash uchun shishalarni tizzasi orasiga qisib olardi. Muk tushib o‘tirib ishlash natijasida yelkalari turtib chiqib bukchayib qoldi. Ko‘krak qafasi esa bir kunda o‘n soatlاب siqilib turardi. Bu uning o‘pkasiga ta‘sir qildi. Bir kunda u uch yuz dujina shishaga tiqin bog‘lardi.

Zavod ishlab chiqaruvchisi u bilan juda g‘ururlamb yurar va zavodga kelgan odamlarni boshlab kelib, unimg ishlashini ko‘rsatardi. O‘n soat ichida uning qo‘lidan uch yuz dujina shisha o‘tardi. Bu esa u mashinadek takomilga yetishdi, degan so‘z edi. U birorta ham ortiqcha harakat qilmasdi. Oriq qo‘llarining har bir harakati, qoqsuyak barmoqlarining har bir qimirlashi tez va

aniq edi. Bunday ish zo'r diqqatni talab qilardi, shuning uchun uning asabiari sekin-asta buzila bordi. Kechalari uxlab yotganda irg'ib-irg'ib tushar, kunduzlari esa na ko'ngil ochar, na dam olardi. U doim asabiy bo'lar, qo'llarining tomiri tortishardi. Rangi kasallarniki singari zahil bo'lib ketdi, yo'tali kundan kunga kuchaya bordi. Oxiri u o'pkasini shamollatib qo'yib shisha zavodidagi ishdan ajrab qoldi.

Undan keyin Jonni yana qaytib jut fabrikasiga ishga kirdi. Bu yerda Jonni tuzukroq ishga o'tkazishlariga umid qilsa bo'lardi. U yaxshi ishchi edi. Uni avval kraxmal sexiga, keyin to'quvehilik sexiga o'tkazislilari mumkin. Keyin gap ish mahsulotini ortirishda bo'lib qoladi.

Shu yillar ichida mashinalar tezroq, Jonnining miyasi esa sekinroq ishlay bordi. **U** endi bir vaqtlardagi singari shirin xayollarga cho'mmas edi. Bir marta u oshiq ham bo'lgan edi. Bu voqealga gazlama oqimini tayoqcha bilan to'g'rilab yurgan paytlarida sodir bo'lgandi. U oshiq bo'lgan qiz ish boshqaruvchining kattagina bo'lib qolgan qizi edi. Jonni qizni uzoqdan besh-olti marta ko'rdi, xolos. Ammo buning ahamiyati yo'q edi. O'z oldidan o'tib ketayotgan mato ustida kelajakning porloq manzarasini tasavvur qilardi – u ishda ajoyib hunar ko'rsatar, g'alati mashinalar ixtiro qilardi. **U** fabrikaning direktori bo'ladi, oxiri o'z ma'shuqasini quchoqlab, asta peshonasidan o'padi...

Bularning hammasi bir vaqtlar, Jonni hali uncha qarib qolmagan bir zamonalarda, unda sevish qobiliyati o'limgan zamonalarda bo'lib o'tgan edi. Qiz erga tegib, qayoqqadir ketib qoldi, uning sezgilari esa o'tmaslashdi.

Ha, u vaqtlar ajoyib zamonalr edi. Odamlar o'zlarining hurlarga ishongan yoshlik chog'larini eslaganlaridek, Jonni ham u vaqtlanmi tez-tez eslab turardi. Jonni esa hurlarga ham, Santa Klausga ham ishonmasdi; u soddalik bilan o'z oldidan o'tayotgan mato ustida ko'ziga ko'rinishayotgan o'sha xayoliy kelajakning go'zal manzaralariga ishonardi.

Jonni juda erta ulg'aydi. Yetti yoshida, birinchi marta oylik olib kelganda, uning o'spirinlik davri boshlangandi. Unda

ma'lum mustaqillik tuyg'usi uyg'ondi va ona bilan o'g'ilning munosabati o'zgardi. U o'z nonini o'zi topadigan, o'z mehnati bilan kun ko'radigan va demak, onasi bilan tengdek bo'lib qoldi. O'n bir yoshida u yarim yilgacha tungi smenada ishlab, chinakam yigitlar qatoriga o'tdi. Kechalari qolib ishlovchi bolaning bolaligi qoladimi.

Uning hayotida bir necha muhim hodisa ro'y bergan edi: bir marta onasi Kaliforniya olxo'risi olib keldi. Ikki marta qaynatma krem qilib berdi. Bular uning hayotidagi chinakam ajoyib hodisalar edi. Bularni u juda mammuniyat bilan eslardi. O'sha vaqtarda onasi unga tansiq bir ovqat tayyorlab berishni va'da qilgandi. Onasi bu ovqatni „suzuvchi orol“ deb atardi. „Bu ovqat qaynatma kremdan ham shirinroq narsa“, degan edi onasi. O'sha kunni Jonni ko'p yillar kutdi. Bu umidi ham ko'p boshqa shirin xayollari singari puchga chiqquncha, Jonni „suzuvchi orol“ qo'yilgan dasturxonga o'tirishni uzoq yillar kutib yurdi.

Bir kun u ko'chadan yigirma besh sentli tanga topib oldi. Bu ham uning hayotidagi yirik, hatto fojiall bir hodisa edi. Tanga uning ko'zlariga yarqirab ko'ringan zamonoq, u bu pulni nima qilishini o'ylab qo'ygan edi. Odatda, uyda yeydigan hech narsa bo'lmaydi. Bu pulni o'z oyligi kabi onasiga berishi kerak. Nima qilishi aniq, lekin Jonni hech qachon cho'ntagida pul olib yurmagan, u shirinlikni juda sog'inib qolgan edi. Yuragi ezilib konfet yegisi kelar, konfet yeyishga esa faqat biror tantanali kunlarda muyassar bo'lardi.

Jonni o'zini aldamoqchi emasdi, gunoh ish qilayotganini bilardi, shunday bo'lsa ham o'n besh sentni yallo qilib sarfladi. O'n sentini boshqa bir kunga saqlab qo'ydi. Lekin pul saqlashga odatlanmaganidan, pulini yo'qotib qo'ydi. Bu baxtsizlik Jonni vijdon azobiga tushib yurgan paytlarda sodir bo'ldi. U buni tasodifiy bir narsa emas, Xudoning qahriga uchradim, deb o'y-ladi. Qahri kelgan ilohiy kuchning g'azabiga uchrashi yaqinlashib kelayotganini sezdi. Gunohini Xudo ko'rib turgan edi, gunoh qilishga sabab bo'lgan pulidan ham mahrum qilib, Xudoning o'zi unga jazo berdi.

Jonni bu hodisaga o‘zining birdan bir qilgan jinoyati deb qarardi. O‘sha gunohi har esiga tushganda vijdon azobi yangidan qiyndi. Bu uning jinoiy siri bo‘lib qoldi. Shu bilan birga Jonnidek odam bunday sharoitda afsuslanmay iloji yo‘q edi. Topib olgan pulni yaxshilab sarf qilolmaganidan norozi edi. O‘sha pulga ko‘proq narsa olsa bo‘larkan; Xudoming bunday tez qahri kelishini bilgamida yigirma besh sentning hammasini sarf qilib, Xudoni aldab qo‘ya qolgan bo‘lardi. O‘sha yigirma besh sentni u xayolida ming martalab qayta-qayta sarf qilardi, har gal qilingan sarf bir-biridan o‘rinli bo‘lib chiqardi.

Bolaning qalbida otasining rahmsiz oyoqlari manguga qoldirgan, uzoq va tumanli o‘tmishdan qolgan yana bir esdalik bor edi. Bu voqeiy esdalikdan ham ko‘ra ko‘proq dahshatli bir bosinqirashga, odamzodning tusbiga kirib, bobo-yu bobokalonlari daraxtlarda yashagan zamonlarga olib ketadigan allaqanday qo‘rqinchli atavistik xotiralarga o‘xshagan bir narsa edi. Bu esdalik kunduzlari, Jonni uyg‘oq paytlarda sira xayoliga kelmasdi. Bu xotiralar uni kechasi, uyquga ketar paytlarda kelib bosardi. U qo‘rqib uyqusidan uyg‘onar, shunda dastlab karavotning oyoq tarafida ko‘ndalang yotganday tuyulardi. Karavotda otasi bilan onasining ko‘z ilg‘ar-ilg‘amas qorasi ko‘ziga ko‘ringandek bo‘lardi. Otasining qanday odamligi esida yo‘q edi. Otasining bir narsasi esida qolgan: uning oyoqlari o‘lgudek qattiq, turtgani-turtgan edi.

Uning yodida yosh bolalik vaqtlaridan ba’zi narsalar saqlanib qolgan, keyingi yillardan esa hech narsa qolmagan. Hamma kunlar bir xil edi. Xoh kechagi kunni, xoh o‘tgan yilni ming yil desa ham, bir daqiqa desa ham bo‘ladi. Hech qachon hech qanday hodisa ro‘y bermasdi. Zamon yurishim belgilovchi biror hodisa ro‘y bermasdi. Vaqt yurishini to‘xtatgan, bir joyda turardi. Faqat tinib-tinchimagan mashinalar harakat qilar, lekin tobora tezroq aylansalar-da, baribir hech qayerga jilmasdilar.

Jonnining yoshi o‘n to‘rtga kirganda kraxmal sexiga ishga o‘tdi. Bu juda katta hodisa edi. Bu shunday katta hodisa ediki, uni bir kechada, hatto bir haftada ham unutib bo‘lmasdidi.

Uning hayotida yangi davr boshlandi. Bu davr Jonni uchun bir olimpiadadek gap edi, yangi eraning boshlanishi edi. Endi Jonnining og‘zidan: „Kraxmal sexiga o‘tganimda“ yoki „Kraxmal sexida ishlay boshlaganimdan keyin“ yo „oldin“ degan so‘zlar tushmay qoldi.

Jonni o‘zining o‘n oltiga to‘lgan kunini, to‘quv sexiga, to‘quvchilik dastgohiga o‘tish bilan nishonladi. Bu ishda ham manfaatdorlik bor edi, chunki ishlaganiga qarab haq to‘lanardi. Jonni bu yerda ham o‘zim ko‘rsatdi, chunki fabrika sharoiti uni allaqachon takomillashgan mashinaga aylantirgan edi. Oradan uch oy o‘tgach, u ikki dastgohda, so‘ng uch, hatto to‘rt dastgohda ishlaydigan bo‘ldi.

Shu sexda ikki yil ishlagandan keyin u boshqa barcha ishchilarning har biridan ancha ko‘proq mato to‘qiydigan, o‘ziga nisbatan kamroq epchil o‘rtoqlariga qaraganda ikki baravar ortiqroq mahsulot beradigan bo‘lib qoldi. Mana endi, butun kuchini sarf qilib ishlay boshlagach, uyda ham tirikchilik yaxshilana bordi. Lekin shunday bo‘lsa ham uning ish haqi oila ehtiyojini to‘la qoplay olmas edi. Ukalari ulg‘aydi, endi ko‘proq ovqat yeishardi, maktabga qatnashardi, darsliklar esa pulga keladi. U qanchalik g‘ayrat bilan ishlagan sari narx-navo, tirikchilik ham nima uchundir tobora qimmatlasha borardi. Yiqilib ketay-yiqilib ketay deb turganiga qaramay, ijaraga olib turishgan uy haqi ham oshib ketdi.

Jonni katta bo‘lib qoldi, shu sababdan u yana ham oriqroq ko‘rinardi. Uning asablari juda buzilgan, o‘zi sirkasi suv ko‘tarmaydigan va serjahl bo‘lib qolgan edi. Bolalar achchiq tajribada ko‘rib, undan hayiqadigan va undan nariroq yuradigan bo‘lib qoldilar. Onasi oilaming boquvchisi deb uni hurmat qilar, shu bilan birga undan biroz qo‘rqrar ham edi.

Uning hayotida sevinch degan narsa bo‘lmasdi. U kunduz yorug‘ini ko‘rmas, kechalari esa behalovat uxlardi. Qolgan vaqtini u ish bilan o‘tkazardi, uning ongi ham mashinaga o‘xshab qolgandi. Bundan tashqari, u hech narsani ko‘rmas, hech narsani bilmas edi. U hech narsaga qiziqmas, hech narsaga intilmasdi,

faqat bitta shirin xayolga – har kumi ajoyib kofe ichaman, degan xomxayolga qattiq ishonardi. U ruhiy hayotdan mahrum bir ish hayvoni bo'lib qolgandi. Qayerdadir, ongingin bir burchida, uning o'zi ham sezmag'an holda, qilgan ishlarining bar bir soatidan, har bir harakatidan allaqanday bir asar yig'ilib qola boshiadiki, bularning hammasi yig'ilib, uning o'zini ham, kichkma dunyosini ham hayron qoldirgan oqibatga olib keldi.

Bir kuni, kech ko'klam chog'ida, Jonni ishdan odatdagidan ham ko'ra charchagan holda qaytdi. Dasturxon yonida o'tir-ganlarning juda vaqtı chog' edi. Lekin u hech narsa sezmadı. U Jim va qovog'i soliq holda o'tirib, apil-tapil ovqat yedi. Bolalar esa hayhaylashib, tomoqlarini taqillatib maza qilganlarini bildirishar edi. Lekin Jonni hech narsa sezmadı.

– Nima yeayotganining bilasanmi? – deb so'radi nihoyat, sabri chidamagan onasi. U tovoqqa parishonlik bilan ko'z tashladi, keyin onasiga qaradi.

- „Suzuvchi orol“, – dedi onasi g'urur bilan.
- Ha-a, – dedi Jonni beparvogina.
- „Suzuvchi orol!“ – deb baravar qichqirishdi bolalar.
- Ha-a, – deb takrorladi u va yana bir-ikki qoshiq ovqat ichgandan keyin: – Nima uchundir bugun ovqat yegim kelmayapti, – deb qo'shib qo'ydi.

U qoshig'ini qo'yib, stulni nari surdi-da, bazo'r o'midan turdi.

– Men biroz yotay.

Oshxonadan chiqarkan, Jonni oyog'ini odatdagidan ham madorsizlik bilan zo'rg'a sudrab bosardi. Yechinish undan ham qiym bo'lib ketdi. Holsizlikdan yig'lab yubordi va bir oyog'idagi boshmog'ini yechmay, o'rniga yotdi. Unimg boshida allaqanday shish paydo bo'lgandek, u tobora o'sib ketayotgandek tuyular, bundan esa fikrlari sochilib borardi. Uning ingichka barmoqlari xuddi bilagiday yo'g'on tortib ketgandek, barmoqlarining uchi esa paxtadek yumshoq tuyular, fikrlari singari barmoqlari ham itoat qilmasdi. Beli zirqirab og'rirdi, hamma suyaklari sirqirardi, a'zoyi badani qaqlashi. Miyasida millionlab mashinalar chiyillashar, guvullashar va g'ijirlashardi. Butun

borliqni to'xtovsiz yugurib turgan mokilar bosib ketganday. Uylar yarqirab turgan yulduzlar orasida u yoqdan bu yoqqa gir aylanishadi. Uning yakka o'zi minglab dastgohm boshqaradi, dastgohlar esa borgan sari tezroq ishlar, mokilar tobora tezroq aylanardi, uning miyasi esa tobora tezroq cho'zilib, ingichka ipga aylanib borar, bu ipni esa minglab dastgohlar duglarga o'rabi, tortib ketmoqda edi.

Ertasi kuni Jonni ishga bormadi. U boshqa ish bilan, uning miyasida guvullayotgan minglab dastgohlar bilan band bo'lib qoldi. Onasi fabrikaga ketdi, ammo oldin doktorga odam yubordi. Doktor, Jonni qattiq tumov bo'libdi, dedi. Akasiga Jenni qarab turdi, doktor aytganlarining hammasini qildi.

Kasali og'ir ko'chdi, faqat bir haftadan keyingina Jonni kiyinib, uy ichida gandiraklab zo'rg'a yura boshladı. Yana bir haftadan keyin ishga chiqsa bo'ladi, dedi vrach. Yakshanba kuni to'quvchilik sexining ustasi uni ko'rgani keldi. O'sha kuni Jonni ancha yengillashgan edi.

— Sexdag eng yaxshi to'quvchimiz shu, — dedi usta Jonnining onasiga. — O'rniga hech kimni olmay turamiz. Yana bir haftadan keyin, yanagi dushanbaga ishga chiqsa ham bo'ladi.

— Hech bo'lmasa rahmat ham demaysan, Jonni, — dedi tashvishlanib ona. — Ahvoli shu qadar og'ir ko'chdiki, haligacha o'ziga kelgani yo'q, — deb tushuntirdi u ustaga.

Jonni bukchayganicha yerga tikilib o'tirar edi. Usta ketganidan keyin ham u ancha vaqtgacha shu vaziyatda o'tirdi. Tashqarida qorong'i tushdi, ovqatdan keyin Jonni biroz o'tirish uchun eshik oldiga chiqdi. Ba'zan uning lablari qimirlar edi. Uning miyasi son-sanoqsiz hisob bilan banddek tuyulardi.

Ertasiga havo isigan edi, u yana eshik oldiga chiqib o'tirdi. Uning qo'lida qalam bilan qog'oz bor edi. U anchagacha zo'r berib nimalarnidir hisoblab o'tirdi.

— Milliondan keyin nima keladi? — deb so'radi u choshgohda Villi maktabdan qaytib kelgandan keyin. — Uni qanday sanashadi?

Kechga borib hisob-kitobni tamom qildi. U endi har kuni qog'oz-qalamsiz, eshik oldiga chiqib o'tirardi. U ko'chaning

narigi tomonida o'sgan yakka-yolgiz daraxtga uzoq tikillib o'tirardi. U, bu daraxtm soatlab kuzatar va, ayniqsa, shamoldan shoxlari qimirlaganda, barglari shitirlaganda chuqur qiziqish bilan kuzatar edi. Bu haftani u xuddi o'z-o'zi bilan suhbat qilayotganday bir tarzda o'tkazdi. Yakshanba kumi u eshik oldida o'tirarkan, ko'p yillardan beri katta o'g'lining kulgamini eshitmagan onasini zo'r tashvishga solib, bir necha marta xaxolab kulib ham yubordi.

Ertasiga dushanba kuni onasi Jonnini uyg'otish uchun karavoti oldiga keldi. Kasal bo'lgandan beri Jonni uyquga to'yib olgandi, shuning uchun u qistatib o'tirmadi, darrov uyg'ondi. U onasini qiynamadi, ilgarigidek ko'rpgaga yopishmadi, u tinch yotar edi.

- Ovora bo'lma, oyijon, – dedi u xotirjamlik bilan.
- Voy, kechga qolasan, axir, – dedi onasi, uni hali uyqudan turmagan gumon qilibi.
- Uxlayotganim yo'q, oyi, bekorga ovora bo'lyapsan. Yaxshisi, meni o'z holimga qo'y. Baribir turmayman.
- Ishdan ajrab qolasan, axir! – dedi onasi.
- Turmayman, dedim-ku, – deb takrorladi Jonni, ovozi ham allaqanday yot va sovuq edi.

O'sha kuni onasining o'zi ham ishga bormadi. Bolaming kasali ma'lum bo'lgan kasallarning hammasidan ham battarroq edi. Ona bezgakni, bosinqirash kasallarini ko'rghan, lekim bu jinnilik-ku. Ona o'g'lining ustini o'rab qo'ydi-da, qizini doktorga yubordi.

Doktor kelganda, Jonni tinchgina uxlab yotar edi. U o'shanda tinchgina uyg'ondi, doktor uning tomirlarini ushiab ko'rdi.

- Hechqisi yo'q, – dedi doktor. – Bolangiz juda zaiflashib qolgan, albatta. Qoq suyag-u terisi qolibdi.
- U hamma vaqt ham shunday edi, – dedi onasi.
- Bor endi, oyijon, men bir uxlab olay.

Jonni buni juda beozor va muloyimlik bilan aytdi. Xuddi shu tarzda beparvo holda yonboshiga ag'darildi-da, yana uyquga ketdi.

Soat o'nda uyqusidan uyg'ondi va o'rnidan turib, oshxonaga chiqdi. Onasi unga cho'chib qaradi.

– Men ketyapman, oyi, – dedi u, – kel, xayrлаshaylik.

Ona peshbandi bilan yuzini bekitdi, stulga o'tirdi-da, yig'lat yubordi.

Jonni sabr bilan kutib turdi.

– Qanday kunlarga qoldim! – dedi nihoyat, ko'z yoshin oqizib turib ona. Keyin peshbandini tushlrib, qo'rquv aralash Jonniga qaradi. Uning qarashida hatto qiziqish ham yo'q edi. – Axir, qayoqqa borasan?

– Bilmayman... biror joyga ketarman.

Ko'chaning narigi tomonida o'sgan yolg'iz daraxt Jonnining ko'z oldiga keldi. Bu daraxt uning miyasiga shunday qattic o'mnashib qolgan ediki, u istagan vaqtida daraxtni tasavvur qilash olardi.

– Ishing nima bo'ladi? – deb titroq tovush bilan so'radi ona

– Endi ishlamayman.

– Nimalar deyapsan, Jonni! – dedi onasi. – Senga nima bo'ladi o'zi?

Ona o'g'lining gapini kufrga yo'ydi. O'g'lining Xudoga qarsh aytgan so'zi dindor onani qanday dahshatga solsa, Jonnining gaplari ham onaning kayfini xuddi o'shanday uchirib yubordi.

– Axir, senga nima bo'ldi, – dedi u o'z hukmini o'tkazishga sal bo'lsa ham tirishib ko'rib.

– Raqamlar, raqamlar... – deb javob berdi u. – Raqamlar, xolos. Men keyingi hafta ichida rosa hisobiab ko'rdim, o'zim ham hayron qoldim.

– Tushunmayapman, raqamlaring nimasi? – dedi yig'lam-sirab ona.

Jonni toqat bilan iljaydi. Onasi undagi asabiylik mutlaqc yo'q bo'lib ketganidan hayron qoldi.

– Hozir tushuntirib beraman, – dedi u. – Men tinkan qurib, ishdan chiqib qoldim, nima sababdan? Harakatdan Tug'ilgan kunimdan beri barakat qilaman. Juda charchadim ortiq qimirlashiga toqatim yo'q. Shisha zavodida qanday

ishlaganim esingdami? Har kuni uch yuz dujina shishani qo'ldan o'tkazardim. Hisobimga ko'ra har bir shisha o'n marta harakat qilishni talab etadi. Bu har kun o'ttiz olti ming harakat degan so'z. O'n kunda uch yuz oltmish ming, bir oyda bir million sakson ming harakat bo'ladi. Sakson mingni hatto olib tashlay qoling, – dedi u saxiylik bilan. – O'shanda ham oyiga bir million yoki yiliga o'n ikki million harakat bo'ladi. To'qimachilik dastgohi yonida men ikki martaba ko'p harakat qildim, bu bir yiliga yigirma besh million harakat bo'ladi. Nazarimda, men million yildan beri to'xtovsiz harakat qila-yotgandekman.

Mana shu hafta ichida men hech qanday harakat qilmadim, ba'zan bir necha soatlab mutlaqo harakatsiz o'tirdim. Ishlamasdan, bekor o'tirish, shunday jim o'tirish qanday yaxshi! Men shu choqqacha baxt nima ekanligini bilmadim. Hech qachon bo'sh qolmaganman. Butun umrim harakatda bo'ldi. Bunda qanday shodlik bo'lsin? Endi ishlamayman. Hamma vaqt mana shunday o'tiraman, doim dam olaman... keyin yana dam olaman.

– Villi, boshqa ukalaring nima bo'ladi? – deb ojizlik bilan so'radi ona.

– Ha-ya, Villi, ukalarim... – deb takrorladi u.

Uning ovozida o'kmch yo'q edi. Onasining kichik ukasidan umidi zo'r ekanini Jonni ko'pdan beri bilardi, lekin hozir unga bu ham alam qilmadi, endi unga baribir edi.

– Oyi, Villini nima qilmoqchi bo'lib yurganingni bilaman. U mifikni bitirib, hisobchi bo'lishini istaysan. E-e, bas endi. Boshqa ishlamayman. Endi u ishlasin.

– Men esa seni parvarish qilib voyaga yetkazdim, oqibat shu bo'ldimi? – dedi-da, onasi yana yig'lab yuborib, peshbandini ko'tardi-yu, ammo yuzini bekitmadi.

– Meni sen o'stirgan emassan, – dedi Jonni yuvoshgina va g'amginlik bilan. – Men o'zimni o'zim o'stirdim. Villini ham men o'stirdim. U mendan baquvvatroq, sog'lomroq va balandroq. Men yoshligimdan boshlab to'yib ovqat yemadim. Undan keyin,

Villi och qolmasin, deb ham ishiadim. Endi bas. Endi menga o'xshab Villi ishlasin, ishlamasa – ochdan o'lsin, menga baribir. Bo'ladiganim bo'ldi. Men endi ketaman...

Ona javob bermadi. U yuzini peshbandi bilan bekitib, yana yig'ladi. Jonni eshik oldida biroz to'xtadi.

– Axir, men qo'limdan kelganini qildim-ku, – dedi ona ko'z yosHLarini oqizib.

Jonni uydan chiqdi-da, ko'chadan yurib ketdi. Yolg'iz turgan daraxtga qarab, sekin iljayib qo'ydi.

– Endi hech ishla mayman, – dedi u o'z-o'ziga asta va qiroat bilan. Keyin o'ychan holda osmonga qaradi-yu, ko'zini yumdi: quyosh shu'lasi ko'zlarini qamashtirdi.

Uning bosadigan yo'li uzoq, lekin u shoshilmasdi. Mana, jun fabrikasi. Qulog'iga to'quvchilik sexining guvullagan shovqini eshitildi. U iljayib qo'ydi. Bu yuvoshgina va muloyim tabassum edi. U hech narsadan gina qilmas, hech narsadan keki yo'q edi, hatto taqirlayotgan va g'ijirlayotgan mashinalarga qarshi ham unda nafrat hissi yo'q edi. Ko'nglida alam, armon yo'q, uning birdan bir orzusi, cheksiz istagi orom olish edi.

Shahardan tashqari chiqqan sari keng dalalar yoyilib borardi. Fabrikalar, uylar siyraklashib borib, oxiri shahar orqada qoldi. U temiryo'l yoqalab salqin xiyobondan borardi. Uning qadam tashlashl odamning qadam tashlashiga o'xshamas, umuman, o'zi ham odamga o'xshamasdi, u odamning kulgili bir tasviri, holdan toygan, abjaq bo'lgan bir maxluqqa o'xshardi. Xuddi kasal maymundek, qo'llari ikki yoniga osilgan, bukchaygan, ko'krak qafasi tor, dahshatli bir vujud gandiraklab borardi.

Kichik bir temiryo'l bekti oldidan o'tib, daraxt ostidagi maysaga cho'zildi. U kun bo'yi o'sha yerda yotdi. Vaqtı-vaqtı bilan u uyquga ketar va uyqusida muskulları irg'ib-irg'ib ketardi. Uyqudan ko'zini ochib, yana qimir etmay yotar, qushlarni kuzatar yoki boshi ustidagi shoxlar orasidan osmonga qarardi. Bir-ikki marta u hech qanday sababsiz xaxolab kuldi ham.

G'ira-shira quyuqlashib, hamma yoqni qorong'ilik bosganda, shovqin-suron solib bekatga yuk poyezdi kelib qoldi. Parovoz

vagonlarning bir qismini zaxira yo‘lga o’tkazib bo‘lguncha, Jonni sekingina poyezdga yaqinlashdi. U bo’sh vagonlardan birining eshigini ochdi-da, bir amallab vagon ichiga kirib oldi. Keyin vagonning eshigini yopdi. Parovoz hushtak berdi. Jonni qorong‘ida qimirlamay yotar va iljayar edi.

MUNDARIJA

Shimol odisseyasi.....
Ayol kishining mardligi
Hayotga muhabbat
Buyuk sehrgar
Isyonchi.....

**„ZIYO NASHR“ nashriyoti o‘zbek va jahon adabiyoti
yozuvchilarining eng sara asarlarini chop etishni
rejalashtirgan. 2019-yilda nashriyot quyidagi
kitoblarni nashrdan chiqardi**

**Abdulla Qahhor
ADABIYOT MUALLIMI**

Abdulla Qahhor hikoyalari teran mazmun-mohiyati, voqealar tasvirining rang-barangligi hamda ifoda tilining raxonligi bilan ajralib turadi. Qaysi hikoyasini o‘qimang, asar sujetidagi achchiq haqiqat hajv pardasi-ga shunday mohirona o‘rab berilganki, ham kulasiz, ham kuyasiz. Adib asarlarining ta’sirchanligi va umrboqiyligi ham shunda.

Hukmingizga havola etilayotgan hikoyalari to‘plami umumiy o‘rtta ta’lim maktabi o‘quvchilari, akademik litsey va o‘rtta maxsus kasb-hunar kollejlari talabalari hamda keng kitobxonlar ommasiga mo‘ljallangan.

**Chingiz Aytmatov
BO‘TAKO‘Z**

Chingiz Aytmatov qissalarida inson va qadriyat ulug‘ligi yonma-yon qo‘yiladi. Yozuvchi ruhiyat tahliliga qancha kirib borsa, ajdodlar mero-siga shuncha e’tibor qaratadi. Shuning uchun ham uning asarlarida inson qismati orqali ruhiyat va qadriyat tushunchasi zimdan kurash olib boradi. Bu jihat sizga taqdim etilayotgan uch go‘zal qissada ham aks ettirilgan.

Lev Tolstoy
HOJIMUROD

Buyuk rus adibl Lev Tolstoyning „Hojimurod“ nomli qissasi asrlar osha kitobxonlar e'tiboridan tushmay keladi.

Bu – inson taqdirining murakkabligi, vatanparvar, ozodlik kurashchilari nomining unutilmasligi bilan bog'liqdir, balki...

Ushbu to'plamdan joy olgan qissadagi qahramonlar bilan g'oyibona uchrashuv, tasavvur olamingizni boyitishiga ishonamiz.

Xudoyberdi To'xtaboyev
JANNATI ODAMLAR

O'zbekiston xalq yozuvchisi, bolalarimizning sevimli adibi, bir qancha roman, qissa va ertaklar muallifi Xudoyberdi To'xtaboyevning „Jannati odamlar“ asarini o'qir ekansiz, chuqur o'yga tolmay qolmaysiz. Unda o'tmishda yashab o'tgan bobolarimizning bir-biriga bo'lgan mehr-oqibati, insonparvarligi, halolligi, xalqi uchun, Vatani uchun jonini ham ayamay ko'rsatgan beminnat xizmatlari yorqin ifoda etiladi. Mutolaa yakunida asar qahramonlarining haqiqiy Jannati odamlar ekaniga ishonch hosil qilasiz.

Asar keng kitobxonlar ommasiga ma'qul bo'ladi, degan umiddamiz.

O'tkir Hoshimov
HURKITILGAN TUSH

Mazkur to'plamdan O'tkir Hoshimovning turli yillarda yozilgan eng sara hikoyalari o'rIN olgan. Hikoyalarda turfa taqdirlar-u voqealar adibning o'ziga xos uslubida jilo topgan. Ularni o'qirkansiz, go'yo oramizdagи odamlar bor samimiyyati bilan sahifalarga ko'chgandek tasavvur uyg'otadi, sizni befarq qoldirmaydi.

Eng muhimmi, bu asarlar hali hamon o'z o'quvchisini yo'qtgani yo'q. Shunday ekan, Siz ham adib qalamining mo'jizakor kuchiga asir bo'lib qolishingizga ishonamiz va, maroqli mutolaa hamrohingiz bo'lsin, deymiz.

Xudoyberdi To‘xtaboyev

QAYDASAN, BOLALIGIM

Xudoyberdi To‘xtaboyevning o‘quvchilarimizga havola etilayotgan ushbu kitobini biz umumiyl nom bilan „Qaydasan, bolaligim“ deya nomladik. Yangi tuhfaga yozuvchining siz sevgan, shu vaqtga qadar qo‘ldan qo‘ymay o‘qib kelayotgan qissa va hikoyalari, shu jumladan, ertaklari jamlangan. Taqdim etilayotgan har bir asar Xudoyberdi To‘xtaboyevning bolalik yillari, bolalik orzulari, bolalik sevinchlari, bolalik sog‘inchlari haqida so‘zlaydi. Bir paytlar siz kabi bola qalbi bilan dunyoga sig‘magan, orzularim qahramonlari timsolida gavdalantirgan va o‘z o‘quvchisini hayratlar ummoniga g‘arq qilgan adibni bu gal bolaligini, tug‘ilgan qishlog‘ini sog‘ingan, yuraklari gup-gup urib, o‘sha manzil tomon talpintirgan tengdoshingiz siyemosida ko‘rasiz.

Kitobdan o‘rin olgan har bir asar qalbingizda shunday iliqlik va yorug‘lik paydo qiladi!

Mirzakalon Ismoiliy

QIZLAR DAFTARIGA

Ardoqli adib Mirzakalon Ismoiliyning qo‘lingizdag‘i kitobda qalamga olingan qizlarning o‘y-kechinmalari, entikishlari, hazil-mutoyibalari, chug‘urlashlari, o‘z o‘rnida xafa bo‘lishi-yu, nafratlanishlari tabiiy va samimiyyidir. Saodat buvi ham ularni ko‘ngliga yaqin oлади, ба‘zan tengdoshday suhbatlashgan bo‘ladi. Qizlarning munozaralarda faol qatnashishi-chi?..

Asarda umr yo‘ldosh tanlash va oilaviy hayot borasida xususiy hodisalar orqali turmushda ko‘p uchraydigan masalalarga e’tibor qaratilgan. Bu voqealar o‘ylab topilgan emas, balki hayotda sodir bo‘lib, keyin yozuvchi qalamida badiiy sayqal topgan. O‘ylaymizki, bu kitob qalbingizda chuqur iz qoldiradi.

Adabiy-badiiy nashr

JEK LONDON

SHIMOL HIKOYALARI

Hikoyalar

„Ziyo nashr“
nashriyoti
Toshkent – 2019

Tarjimon
F. Abdullayev

Muharrir	<i>Abdurahmon Jo'rayev</i>
Badiiy muharrir	<i>Bahodir Ibrohimov</i>
Musahhih	<i>Ibrohim Jovliyev</i>
Sahifalovchi	<i>Habibulloh Haydarov</i>

Nashriyot litsenziyasi AA № 0008, 29.03.2019

17.10.2019 da bosishga ruxsat etildi. Qog'oz bichimi 84x108 $\frac{1}{32}$.

Ofset qog'ozi. „Times“ garniturasida ofset usulida bosildi.

Shartli bosma tabog'i 6,72. Nashriyot-hisob tabog'i 6,6.

Adadi 10000 (2-zavod 5000). Shartnoma № 78–19.

Buyurtma raqami 981.

„Ziyo nashr“

Mas'uliyati cheklangan jamiyat

Toshkent shahri, Uchtepa tumani, 23-mavze, 42-uy.

«Credo Print» MChJ

kitob fabrikasida chop etildi.

Toshkent sh., Bog'ishamol k. 160.

Tel.: 71 234-44-01/05

www.credoprint.uz

L75

London, Jek

Shimol hikoyalari. [Matn]: hikoyalar. / J. London; tarjimon:
F. Abdullayev – T.: „Ziyo nashr“ nashriyoti, 2019. – 128 b.

ISBN 978-9943-5882-2-6

UO'K: 821.111(73)-32

KBK 84(7AQSH)